

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

ԱՍՏՈՒԾՈՅ ԳԱՆԸ

1

Երեսուներորդ տարուան չորրորդ ամսուան հինգին, երբ ես տարագիրներուն մէջ էի՝ Զոբար գետին քով, երկինքը բացուեցաւ եւ Աստուծոյ տեսիլքները տեսայ: 2 Ամսուան հինգերորդ օրը, (Յովաքին թագաւորին տարագրութեան հինգերորդ տարին,) 3 Սէրոջ խօսքը **յատկապէս** Բուղղուեցաւ Բուզի որդիին՝ Եզեկիէլ քահանային, Զաղդէացիներու երկրին մէջ, Զոբար գետին քով. ու հոն՝ Տէրոջ ձեռքը իր վրայ եղաւ:

4 Տեսայ թէ ահա՛ հիւսիսային կողմէն մրրկալից հով մը կու գար, մեծ ամպով ու փայլակնացայտ կրակով. անոր շուրջը պայծառութիւն կար, եւ անոր մէջտեղը – կրակին մէջտեղը – ոսկեպղինձի դրսերելոյթ մը: 5 Նաեւ անոր մէջտեղը չորս էակի նմանութիւն կար, եւ սա՛ էր անոնց տեսքը.– անոնք մարդու նմանութիւն ունէին: 6 Իւրաքանչիւրը չորս երես ունէր, եւ անոնցմէ իւրաքանչիւրը՝ չորս թեւ: 7 Անոնց ոտքերը ուղիղ ոտքեր էին. անոնց ոտքերուն ներքանը զուարակի ոտքի Դթաթին պէս էր, ու փայլուն պղինձի դրսերելոյթին պէս կը պսպղային: 8 Անոնց չորս կողմերը մարդու ձեռքեր կային՝ իրենց թեւերուն տակ: Չորսն ալ իրենց երեսներն ու թեւերը ունէին: 9 Անոնց թեւերը իրարու կցուած էին: Անոնք երթալու ատեն չէին դառնար. իւրաքանչիւրը շիտակ յառաջ կ'երթար: 10 Անոնց երեսներուն նմանութիւնը **սա՛ էր.**– չորսն ալ մարդու երես ունէին, եւ աջ կողմէն՝ առիւծի երես. չորսն ալ ձախ կողմէն եզի երես ունէին, նաեւ չորսն ալ արծիւի երես ունէին: 11 **Ա՛յսպէս էին** անոնց երեսները, իսկ անոնց թեւերը վերէն կը տարածուէին. երկուքը իրարու կցուած էին, ու երկուքը իրենց մարմինը կը ծածկէին: 12 Իւրաքանչիւրը շիտակ յառաջ կ'երթար. Հոգին ո՛ր որ Կուգէր՝ հոն կ'երթային. գացած ատեն **աջ կամ ձախ կողմը** չէին դառնար: 13 Ինչ կը վերաբերի էակներուն նմանութեան, անոնց տեսքը վառող կրակի կայծերու պէս էր, ջահերու երեւոյթին պէս. **կրակը** էակներուն միջեւ կը շրջէր: **Այդ** կրակը լուսաճաճանչ էր, եւ փայլակներ կ'ելլէին կրակէն: 14 էակները կը սուրային ու կը վերադառնային՝ շանթի երեւոյթին պէս:

15 Մինչ էակներուն կը նայէի, ահա՛ գետինին վրայ՝ էակներէն **իւրաքանչիւրին** քով՝ չորս երեսով անիւ մը կար: 16 Անիւներուն երեւոյթը եւ անոնց շինուածքը ոսկեքարի դրսերելոյթին պէս էին: Չորսին նմանութիւնը նոյնն էր: Անոնց երեւոյթն ու շինուածքը **այնպէս էր՝** որպէս թէ անիւ անիւ մէջտեղը եղած ըլլար: 17 Գացած ատեն՝ իրենց չորս կողմերուն վրայ կ'երթային, **աջ կամ ձախ կողմը** չէին դառնար: 18 Ինչ կը վերաբերի անոնց շրջանակներուն, անոնք բարձր եւ ահարկու էին. անոնց շրջանակները ամէն կողմէ աչքերով լեցուն էին, իրենց չորսին ալ: 19 Երբ էակները երթային, անիւներն **ալ** անոնց

^ա Եբբ.՝ Եհովայի

^բ Եբբ.՝ եղաւ

^գ Եբբ.՝ յափշտակող

^դ Եբբ.՝ ներքանին

^ե Եբբ.՝ երթալու ըլլար

քովէն կ'երթային: Երբ էակները երկրի մակերեսէն բարձրանային, անիւներն ալ կը բարձրանային: 20 Հոգին ուր որ 'ուզէր' անոնք հոն կ'երթային, Հոգին գացած տեղը. անիւներն ալ անոնց հետ կը բարձրանային, քանի որ անիւներուն մէջ էակներուն ոգին կար: 21 Երբ անոնք երթային, ասոնք ալ կ'երթային. երբ անոնք կենային, ասոնք ալ կը կենային. իսկ երբ անոնք երկրի մակերեսէն բարձրանային, անիւները անոնց հետ կը բարձրանային. որովհետեւ անիւներուն մէջ էակներուն ոգին կար: 22 Էակներուն գլուխին վրայ՝ երկինքի հաստատութեան նմանութիւնը կար, 'լուսափայլ ակնվանիի դրսերելոյթին պէս, վերէն Բտարածուած անոնց գլուխին վրայ: 23 Այդ հաստատութեան տակ՝ անոնց թելերը իրարու ուղղուած էին: Իւրաքանչիւրը մէկ կողմէն իր մարմինը ծածկող երկու թել ունէր, եւ իւրաքանչիւրը միւս կողմէն իր մարմինը ծածկող երկու թել ունէր: 24 Երբ կ'երթային, անոնց թելերուն աղմուկը լսեցի՝ յորդառատ ջուրերու աղմուկին պէս, Ամենակարողին ձայնին պէս, ժխորի ձայնի՝ բանակի ձայնի պէս. երբ կը կենային, իրենց թելերը կ'իջեցնէին: 25 Երբ անոնք կենային եւ իրենց թելերը իջեցնէին, իրենց գլուխին վրայ եղող հաստատութենէն ձայն մը թու գար":

26 Անոնց գլուխին վրայ եղող հաստատութեան վերելը՝ շափիւղայ քարի երեւոյթով գահի նմանութիւն մը կար. իսկ այդ գահի նմանութեան վրայ մարդու տեսքի նմանութիւն մը կար՝ վերելը: 27 Անոր մէջքին տեսքէն վեր՝ ոսկեպղինձի դրսերելոյթին պէս, կրակի երեւոյթին պէս տեսայ, շուրջը եւ ներսը. իսկ մէջքին տեսքէն վար կրակի երեւոյթին պէս տեսայ, ու պայծառութեամբ շրջապատուած էր: 28 Ինչպէս է տեղատարափի օրը ամպի մէջ եղող ծիածանին երեւոյթը, այնպէս էր շրջապատող պայծառութեան երեւոյթը: Ասիկա Տէրոջ փառքին նմանութեան երեւոյթն էր. երբ տեսայ, երեսիս վրայ ինկայ, ու խօսողի մը ձայնը լսեցի:

ԱՍՏՈՒԱԾ ԵԶԵԿԻԷԼԸ ԿԸ ԿԱՆՉԷ ՄԱՐԳԱՐԷԱՆԱԼՈՒ ՀԱՄԱՐ

2

Ան ինծի ըսաւ. «Մարդո՛ւ որդի, կայնէ՛ ոտքերուդ վրայ, որ քեզի հետ խօսիմ»: 2 Երբ ինծի հետ կը խօսէր՝ Հոգին "զիս համակեց", զիս ոտքերուս վրայ կայնեցուց, եւ ինծի հետ խօսողին ձայնը լսեցի: 3 Ան ինծի ըսաւ. «Մարդո՛ւ որդի, ես քեզ Իսրայէլի որդիներուն կը դրկեմ, ըմբոստներու ազգի մը՝ որ ինծի դէմ ըմբոստացաւ. թէ՛ իրենք, թէ՛ իրենց հայրերը՝ մինչեւ այսօր ինծի դէմ յանցանք գործեցին: 4 Անոնք Բպնդերես ու կարծրասիրտ որդիներ են: Ես քեզ անոնց կը դրկեմ, որ անոնց ըսես. "Տէրը՝ Եհովան սա՛ կը յայտարարէ": 5 Եւ անոնք՝ լսեն կամ դադրին ունկնդրելէ, (քանի որ անոնք ըմբոստներու տուն են,) պիտի գիտնան թէ իրենց մէջ մարգարէ մը կայ:

6 «Իսկ դո՛ւն, մարդո՛ւ որդի, մի՛ վախճար անոնցմէ, ո՛չ ալ վախցիր անոնց խօսքերէն,

⁴ Եբբ.՝ երթալու ըլլար
⁵ Եբբ.՝ ահաւոր
⁶ Եբբ.՝ երկարած
⁷ Եբբ.՝ կ'ըլլար
⁸ Եբբ.՝ մէջս մտաւ
⁹ Եբբ.՝ դաժան երեսով

թէպէտ քու քովդ՝ «կամակոր ու ծուռ մարդիկ» կան, եւ կարիճներու քով կը բնակիս: Մի՛ վախնար անոնց խօսքերէն ու մի՛ զարհուրի որ անոնց երեսէն, թէպէտ անոնք ըմբոստներու տուն են: **7** Հաղորդէ՛ անոնց իմ խօսքերս, լսեն կամ դադրին **ունկնդրելէ**. քանի որ անոնք ըմբոստ են:

8 «Իսկ դո՛ւն, մարդո՛ւ որդի, մտի՛կ ըրէ քեզի ըսածս. այդ ըմբոստ տան պէս ըմբոստ մի՛ ըլլար. բաց բերանդ ու կե՛ր քեզի տուածս»: **9** Նայեցայ, եւ ահա՛ ինծի երկարած ձեռք մը կար, Դանոր մէջ ալ՝ գիրքի պատատ մը: **10** Զայն իմ առջեւ «բացաւ. «ան ներսէն ու դուրսէն» գրուած էր. անոր մէջ ողբեր, հառաչանքներ ու վայեր գրուած էին:

3

Ինծի ըսաւ. «Մարդո՛ւ որդի, կե՛ր այդ գտածդ. կե՛ր այդ պատատը, ու գնա՛ Իսրայէլի տան խօսէ՛»: **2** Ես ալ բերանս բացի, եւ այդ պատատը ինծի կերցուց: **3** Ապա ինծի ըսաւ. «Մարդո՛ւ որդի, «կերակրէ՛ փորդ ու լեցո՛ւր աղիքներդ այս պատատով՝ որ քեզի կու տամ»: Ուստի **գայն** կերայ, ու բերանիս մէջ մեղրի պէս քաղցր եղաւ: **4** Այն ատեն ինծի ըսաւ. «Մարդո՛ւ որդի, գնա՛, մտի՛ր Իսրայէլի տունը եւ ըսէ՛ անոնց իմ խօսքերս, **5** որովհետեւ դուն դժուարիմաց խօսք եւ Բանըմբռնելի լեզու ունեցող ազգի մը չղրկուեցար, **հապա՛** Իսրայէլի տան. **6** դժուարիմաց խօսք եւ անըմբռնելի լեզու ունեցող շատ ազգերու չէ, որոնց խօսքերը դուն չես հասկնար. **իսկապէս** եթէ քեզ անոնց դրկած ըլլայի, անոնք քեզի մտիկ պիտի ընէին: **7** Բայց Իսրայէլի տունը պիտի չուզէ քեզի մտիկ ընել, քանի որ չեն ուզեր ինծի մտիկ ընել. արդարեւ Իսրայէլի ամբողջ տունը՝ «պնդերես ու խստասիրտ է: **8** Ահա՛ անոնց երեսին դէմ քու երեսդ՝ պինդ ըրի, եւ անոնց ճակատին դէմ քու ճակատդ՝ կարծր: **9** Զու ճակատդ ադամանդի պէս ըրի՛ գայլախազէն աւելի կարծր: Մի՛ վախնար անոնցմէ, ու մի՛ զարհուրի որ անոնց երեսէն, թէպէտ անոնք ըմբոստներու տուն են»:

10 Ապա ինծի ըսաւ. «Մարդո՛ւ որդի, իմ բոլոր խօսքերս՝ որ քեզի պիտի ըսեմ, ընդունէ՛ սիրտիդ մէջ, լսէ՛ ականջներովդ, **11** ու գնա՛, մտի՛ր տարագիրներուն մէջ – քու ժողովուրդիդ որդիներուն մէջ –, խօսէ՛ անոնց, մտիկ ընեն կամ դադրին **ունկնդրելէ**, եւ ըսէ՛ անոնց. «Տէրը՝ Եհովան սա՛ կը յայտարարէ□»:

12 Այն ատեն Հոգին զիս յափշտակեց, ու ետեւէս մեծ՝ «շաչիւնի ծայն մը լսեցի՝ որ կ'ըսէր. «Օրհնեա՛լ ըլլայ Տէրոջ փառքը իր տեղէն»: **13** Նաեւ **լսեցի** էակներուն թեւերուն

^q Եբբ.՝ փուշեր ու տատասկներ
^r Եբբ.՝ եւ ահա՛
^b Եբբ.՝ տարածեց
^q Եբբ.՝ անոր առջեւն ու ետեւը
^w Եբբ.՝ կերցո՛ւր
^p Եբբ.՝ ծանր
^q Եբբ.՝ կարծր ճակատով
^r Եբբ.՝ կարծր
^b Եբբ.՝ շարժումի

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

իրարու ^ադպչելուն աղմուկը, անոնց քովի անհիւներուն աղմուկը, ու մեծ շաչիւնի մը աղմուկը: **14** Հոգին զիս յափշտակեց եւ տարաւ. ես դառնութեամբ, հոգիս ցատումով գացի, ու Տէրոջ ձեռքը ուժովցաւ իմ վրաս: **15** Զորքար գետին քով բնակող Թելապիպի տարագիրներուն հասայ, եւ անոնց կեցած տեղը կեցայ: Հոն եօթը օր ապշած մնացի անոնց մէջ:

ԱՍՏՈՒԱԾ ՊԱՀԱՊԱՆ ԿԸ ԿԱՐԳԷ ԵԶԵԿԻԷԼԸ
(Եզեկ. 33. 1-9)

16 Եօթը օր ետք ^ԵՏէրը խօսեցաւ՝ ինծի՝ ըսելով. **17** «Մարդո՛ւ որդի, քեզ դէտ կարգեցի Իսրայէլի տան: Երբ խօսք մը լսես իմ բերանէս, զանոնք զգուշացո՛ւր իմ կողմէս: **18** Երբ ամբարիշտին ըսեմ. “Անշուշտ պիտի մեռնիս^Գ, բայց դուն զայն չզգուշացնես, ամբարիշտին չխօսիս որ խրատուելով իր ^Ըվատ ընթացքէն” **հեռանայ եւ** ողջ մնայ, այդ ամբարիշտը իր անօրէնութեան մէջ պիտի մեռնի, բայց անոր արիւնը քու ձեռքէդ պիտի պահանջեմ: **19** Իսկ եթէ դուն ամբարիշտը զգուշացնես բայց ան իր ամբարշտութենէն ու վատ ընթացքէն չհեռանայ, ան իր անօրէնութեան մէջ պիտի մեռնի, սակայն դուն անձդ ազատած կ’ըլլաս: **20** Եթէ արդարը իր արդարութենէն հեռանայ եւ անիրաւութիւն գործէ, ու ես անոր առջեւ գայթակղութիւն դնեմ, ան պիտի մեռնի: Զինք չզգուշացնելուդ համար՝ ան իր մեղքին մէջ պիտի մեռնի, եւ իր գործած արդարութիւնը պիտի չյիշուի. բայց անոր արիւնը քու ձեռքէդ պիտի պահանջեմ: **21** Իսկ եթէ դուն արդարը զգուշացնես՝ որ արդարը չմեղանչէ, եւ ան չմեղանչէ, ան անշուշտ պիտի ապրի՝ խրատուելուն համար, ու դուն անձդ ազատած պիտի ըլլաս»:

ԵԶԵԿԻԷԼ ՊԻՏԻ ՉԿԱՐԵՆԱՅ ԽՕՍԻԼ

22 Հոն Տէրոջ ձեռքը իմ վրաս եղաւ, եւ ինծի ըսաւ. «Կանգնէ՛, ^Բդա՛շտը գնա, ու հոն քեզի հետ պիտի խօսիմ»: **23** Ես ալ կանգնեցայ, դաշտը գացի, եւ ահա՛ Տէրոջ փառքը հոն կեցած էր, այն փառքին պէս՝ որ Զորքար գետին քով տեսեր էի. ուստի երեսիս վրայ ինկայ: **24** Սակայն Հոգին ^Գզիս համակեց՝, զիս ոտքերուս վրայ կայնեցուց, եւ ինծի հետ խօսելով ըսաւ. «Գնա՛, փակուէ՛ տանդ մէջ: **25** ^ԻԱրդարեւ, ո՛վ մարդու որդի, ահա՛ քու վրադ փոկեր պիտի դնեն ու քեզ պիտի կապեն անոնցմով, որպէսզի դուրս չելլես ^Լմարդոց մէջ: **26** Լեզուդ քիմքիդ պիտի փակցնեմ, համր պիտի ըլլաս, եւ իրենց համար կշտամբող մարդ պիտի չըլլաս, որովհետեւ անոնք ըմբոստներու տուն են: **27** Բայց երբ ես քեզի հետ խօսիմ, բերանդ պիտի բանամ եւ անոնց պիտի ըսես. “Տէրը՛ Եհովան սա՛ կը յայտարարէ^Ը: Լսողը

^ա Եբբ.՝ համբուրուելուն

^Ե Եբբ.՝ Տէրոջ խօսքը եղաւ

^Ը Եբբ.՝ ամբարիշտ ճամբայէն

^Գ Կամ՝ հովիտը

^Դ Եբբ.՝ մէջս մտաւ

^Ի Եբբ.՝ Ու դո՛ւն

^Լ Եբբ.՝ անոնց

թող լսէ, իսկ ունկնդրելէն դադարողը թող դադրի. քանի որ անոնք ըմբոստներու տուն են»:

ԵԶԵԿԻԷԼ ԿԸ ՆԵՐԿԱՅԱՅՆԷ ԵՐՈՒՍԱՂԷՄԻ ՊԱՇԱՐՈՒՄԸ

4

«Նաեւ դո՛ւն, մարդո՛ւ որդի, ա՛ն քեզի աղիւս մը ու դի՛ր զայն առջեւդ: Անոր վրայ քաղա՛ք մը գծագրէ, **այսինքն՝** Երուսաղէմը: **2** Պաշարո՛ւմ դիր անոր դէմ, մարտկո՛ց կառուցանէ անոր դէմ, հողաբլո՛ւր բարձրացուր անոր դէմ, բանակավա՛յր՝ «հաստատէ անոր դէմ, եւ ամէն կողմէ՛ քարընկէցներ՝ տեղաւորէ անոր դէմ: **3** Ապա ա՛ն քեզի երկաթէ տապակ մը, ու երկաթէ պարիսպի **պէս** դի՛ր զայն քու եւ քաղաքին միջեւ. «ուղղէ՛ երեսդ անոր դէմ՝ որ ան պաշարուի, ու պաշարէ՛ զայն: Ասիկա Իսրայէլի տան համար նշան **պիտի** ըլլայ:

4 «Յետոյ պառկէ՛ քու ձախ կողմիդ վրայ, եւ դի՛ր անոր վրայ Իսրայէլի տան անօրէնութիւնը: Անոր վրայ պառկած օրերուդ թիւով անոնց անօրէնութիւնը պիտի կրես, **5** քանի ես անոնց անօրէնութեան տարիները՝ օրերու թիւով քու վրադ դրի, երեք հարիւր իննսուն օր, որպէսզի Իսրայէլի տան անօրէնութիւնը կրես: **6** Երբ այդ **օրերը** լրացնես, կրկի՛ն պառկէ՛ քու աջ կողմիդ վրայ, որ քառասուն օր կրես Յուդայի տան անօրէնութիւնը: Իւրաքանչիւր տարուան համար մէկ օր՝ յատկացուցի քեզի:

7 «Ուղղէ՛ երեսդ դէպի Երուսաղէմի պաշարումը, մերկացո՛ւր բազուկդ եւ մարգարէացի՛ր անոր դէմ: **8** Ահա՛ քու վրադ փոկեր պիտի դնեմ, որպէսզի մէկ կողմէդ միւս կողմդ չդառնաս, մինչեւ որ պաշարումի օրերդ լրացնես:

9 «Նաեւ ա՛ն քեզի ցորեն, գարի, բակլայ, ոսպ, կորեկ ու հաճար: Զանոնք դի՛ր անօթի մը մէջ, եւ անոնցմէ հա՛ց շինէ քեզի: Կե՛ր զայն քու **ձախ** կողմիդ վրայ պառկած օրերուդ թիւով՝ երեք հարիւր իննսուն օր: **10** Ուտելիք կերակուրդ կշիռով պիտի ըլլայ, օրը քսան սիկդ. զայն ատեն-ատեն պիտի ուտես: **11** Ջուրն ալ չափով պիտի խմես՝ մէկ վեցերորդ հիմէն. ատեն-ատեն պիտի խմես: **12** Ասիկա պիտի ուտես գարիէ շօթերու **պէս պատրաստելով**. զայն մարդու կղկղանքի վրայ պիտի եփես՝ անոնց աչքերուն առջեւ»: **13** Տէրը ըսաւ. «Իսրայէլի որդիները ա՛յսպէս պիտի ուտեն իրենց անմաքուր հացը այն ազգերուն մէջ՝ ուր զանոնք պիտի աքտրեմ»: **14** Ես ըսի. «Ո՛հ, Տէ՛ր Եհովա, ահա՛ իմ անձս չեմ պղծած. մանկութենէս մինչեւ հիմա **ինքնիրեն** մեռած կամ **գազանէ** բզրտուած **անասունի միս** կերած չեմ, ու բերանս պիղծ միս մտած չէ»: **15** Ինձի ըսաւ. «Նայէ՛, քեզի մարդու կղկղանքի տեղ կովի՛ քակոր տուի, որ հացդ անոր վրայ էփես»:

16 Նաեւ ինձի ըսաւ. «Մարդո՛ւ որդի, ահա՛ ես Երուսաղէմի մէջ հացին գաւազանը պիտի կտտրեմ, ու հացը կշիռով եւ մտահոգութեամբ պիտի ուտեն, ու ջուրը չափով եւ

^ա Եբր.՝ դիր
^բ Եբր.՝ խոյե՛ր
^գ Եբր.՝ դիր
^դ Եբր.՝ հաստատէ՛
^ե Եբր.՝ տուի
^զ Եբր.՝ կղկղանք
^է Եբր.՝ պատրաստես

ապշութեամբ պիտի խմեն: 17 Արդարեւ հացի ու ջուրի կարօտ պիտի ըլլան, իրարու ապշութեամբ պիտի նային, եւ իրենց անօրէնութեամբ պիտի մաշին»:

ԵԶԵԿԻԷԼ ԿԸ ԿՏՐԷ ԻՐ ՄԱԶԵՐԸ

5

«Նաեւ դո՛ւն, մարդո՛ւ որդի, ա՛ն քեզի սուր դանակ մը – ա՛ն քեզի սափրիչի ածելի մը – եւ անցո՛ւր գլուխիդ վրայէն ու մօրուքիդ վրայէն: Յետոյ ա՛ն քեզի կշիռք մը՝ կշռելու համար, եւ բաժնէ՛ մազերդ. 2 մէկ երրորդը կրակո՛վ այրէ քաղաքին մէջտեղը՝ երբ պաշարումի օրերը լրանան, մէկ երրորդը ա՛ն ու դանակո՛վ զարկ անոր շուրջը, իսկ մէկ երրորդը հովի՛ն ցրուէ. ես ալ անոնց ետեւէն սուր պիտի քաշեմ: 3 Ա՛ն նաեւ անոնցմէ՝ փոքր թիւով, ու ծրարէ՛ զանոնք քղանցքիդ մէջ: 4 Դա՛րձեալ առ անոնցմէ, կրա՛կը նետէ զանոնք եւ կրակո՛վ այրէ զանոնք. անկէ կրակ պիտի ելլէ ամբողջ Իսրայէլի տան դէմ»:

5 Տէրը՝ Եհովան սա՛ կը յայտարարէ. «Ասիկա Երուսաղէմն է. զայն ազգերուն մէջ եւ իր շրջակայ երկիրներուն մէջ դրի: 6 Ան իմ Խորշումներուս դէմ աւելի ամբարշտութեամբ ընդվզեցաւ՝ քան զինք շրջապատող ազգերը, եւ իմ կանոններուս դէմ՝ քան շրջակայ երկիրները՝. որովհետեւ իմ որոշումներս մերժեցին եւ իմ կանոններովս չընթացան»:

7 Հետեւաբար Տէրը՝ Եհովան սա՛ կը յայտարարէ. «Քանի ձեր շրջակայ ազգերէն աւելի Բապստամբ եղաք, իմ կանոններովս չընթացաք ու որոշումներս չկիրարկեցիք, ո՛չ ալ ձեր շրջակայ Գեթանոսներուն սովորութիւններուն համաձայն վարուեցաք, 8 Տէրը՝ Եհովան սա՛ կը յայտարարէ. «Ահա՛ ե՛ս ալ քեզի դէմ եմ, եւ ազգերուն աչքերուն առջեւ իմ դատավճիռներս պիտի կիրարկեմ քու մէջդ: 9 Քու բոլոր գարշութիւններուդ համար այնպիսի բան մը պիտի ընեմ քու մէջդ, որուն նմանը ո՛չ ըրած եմ, ո՛չ ալ պիտի ընեմ: 10 Հետեւաբար քու մէջդ հայրերը իրենց որդիները պիտի ուտեն, եւ որդիները իրենց հայրերը պիտի ուտեն: Քեզի դէմ արձակուած դատավճիռները պիտի կիրարկեմ, ու քու բոլոր ճողոպրածներդ ամէն հովի պիտի ցրուեմ»:

11 «Հետեւաբար ես կ'ապրի՛մ, – կը պատգամէ Տէրը՝ Եհովան. – քանի դուն բոլոր պղծութիւններովդ ու բոլոր գարշութիւններովդ իմ սրբարանս պղծեցիր, ես ալ անշուշտ քեզ պիտի ՚կոտորեմ. իմ աչքս պիտի չխղճայ, ու պիտի չխնայեմ: 12 Քու մէկ երրորդը ժանտախտով պիտի մեռնի կամ մէջդ սովով պիտի Բնաջնջուի, մէկ երրորդը շուրջդ սուրով պիտի իյնայ, մէկ երրորդն ալ ամէն հովի պիտի ցրուեմ, եւ անոնց ետեւէն սուր պիտի քաշեմ: 13 Այսպէս իմ բարկութիւնս պիտի Գիրագործուի, ցասումս անոնց վրայ պիտի Կիջեցնեմ ու Բհանդարտիմ:

² Կամ՝ նեխից

³ Կամ՝ որոշումներս ամբարշտութեան փոխեց՝ աւելի քան զինք շրջապատող ազգերը, եւ իմ կանոններս՝ աւելի քան շրջակայ երկիրները

⁴ Կամ՝ խռովայոյզ

⁵ Կամ՝ ազգերուն

⁶ Երբ.՝ պակսեցնեմ

⁷ Երբ.՝ սպառի

⁸ Երբ.՝ ավարտի

⁹ Կամ՝ հանդարտեցնեմ

Երբ իմ ցասումս անոնց վրայ իրագործեմ, պիտի գիտնան թէ ես՝ Տէրս՝ իմ նախանձախնդրութեամբս խօսեցայ: 14 Զեզ ււերումի եւ նախատինքի պիտի Բվերածեմ շուրջդ եղող ազգերուն մէջ, ամէն անցորդի աչքերուն առջեւ: 15 Երբ քու վրադ դատավճիռները կիրարկեմ բարկութեամբ, ցասումով ու ցասումի յանդիմանութիւններով, **ասիկա** քու շուրջդ եղող ազգերուն մէջ նախատինք, բամբասանք, խրատ եւ ապշութիւն պիտի ըլլայ: Ես՝ Տէրս՝ խօսեցայ»: 16 «Երբ անոնց վրայ սովին չարաղէտ ու կործանարար նետերը դրկեմ,– որոնք ձեզ բնաջնջելու համար պիտի դրկեմ,– սովը ձեր վրայ պիտի Գսաստկացնեմ եւ ձեզի համար հացին գաւազանը պիտի կոտրեմ: 17 Այսպէս ձեզի դէմ սով ու չար գազաններ պիտի դրկեմ, որոնք քեզ **գաւակներէ** պիտի գրկեն. ժանտախտ եւ արիւն պիտի անցնին քու մէջէդ, ու սուր պիտի բերեմ քու վրադ: Ես՝ Տէրս՝ խօսեցայ»:

ՏԷՐԸ ԿԸ ԴԱՏԱՊԱՐՏԷ ԿՈԱՊԱՇՏՈՒԹԻՒՆԸ

6

“Տէրը խօսեցաւ” ինծի՝ ըսելով. 2 «Մարդո՛ւ որդի, Բուղղէ՛ երեսդ Իսրայէլի լեռներուն, մարգարէացի՛ր անոնց դէմ, 3 եւ ըսէ՛. “Ո՛վ Իսրայէլի լեռներ, լսեցէ՛ք Տէր Եհովայի խօսքը: Սա՛ կը յայտարարէ Եհովան՝ Տէրը լեռներուն, բլուրներուն, ձորերուն ու հովիտներուն. “Ահա՛ ես ձեր վրայ սուր պիտի բերեմ, եւ ձեր բարձր տեղերը պիտի կործանեմ: 4 Ձեր բագինները ււերուած պիտի մնան, ձեր արեւի սիւնարձանները պիտի կոտրտին, ու ձեր մէջէն խոցուածները ձեր չաստուածներուն առջեւ պիտի տապալեմ: 5 Իսրայէլի որդիներուն դիակները իրենց չաստուածներուն առջեւ պիտի դնեմ, եւ ձեր ոսկորները ձեր բագիններուն շուրջը պիտի ցրուեմ: 6 Ձեր բոլոր բնակութիւններուն մէջ քաղաքները ււերակ պիտի ըլլան ու բարձր տեղերը պիտի ամայանան, որպէսզի ձեր բագինները ււերակ եւ ամայի ըլլան, ձեր չաստուածները կոտրտին ու Գոչնչանան, ձեր արեւի սիւնարձանները կործանուին, եւ ձեր գործերը փճանան: 7 Խոցուածները ձեր մէջ պիտի իյնան, ու պիտի գիտնաք թէ ե՛ս եմ Տէրը”»:

8 «Բայց երբ դուք երկիրներու մէջ ցրուիք, ձեզմէ մնացորդ մը պիտի թողում.– սուրէն ազատուածները՝ ազգերուն մէջ: 9 Ձեր ազատուածները գիս պիտի յիշեն այն ազգերուն մէջ՝ ուր պիտի գերեվարուին, Դերբ կոտրեմ իրենց պոռնկող եւ ինձմէ հեռացած սիրտը, նաեւ իրենց չաստուածներուն հետ պոռնկող աչքերը”։ Անոնք “իրենց անձերէն” պիտի

² **Կամ՝** վրէժ առնեմ

³ **Երբ.**՝ դարձնեմ

⁴ **Երբ.**՝ ււելցնեմ

⁵ **Երբ.**՝ Տէրոջ խօսքը եղաւ

⁶ **Երբ.**՝ դի՛ր

⁷ **Երբ.**՝ դադրիմ

⁸ **Կամ՝** որովհետեւ կոտրուեցայ իրենց պոռնկող եւ ինձմէ հեռացած սիրտով, նաեւ իրենց չաստուածներուն հետ պոռնկող աչքերով

⁹ **Երբ.**՝ իրենցմէ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

զգուհին՝ իրենց գործած չարիքներուն ու բոլոր գարշութիւններուն պատճառով: **10** Պիտի գիտնան թէ ես՝ Տէրս՝ զընդունայն չխօսեցայ թէ այս չարիքը անոնց պիտի ընեմ»: **11** Տէրը՝ Եհովան սա՛ կը յայտարարէ. «Ծա՛փ զարկ, ոտքդ **գետիճը** զարկ եւ ըսէ՛. “Ափսո՛ս Իսրայէլի տան բոլոր չարաղէտ գարշութիւններուն համար, որովհետեւ սուրով, սովով ու ժանտախտով պիտի իյնան: **12** Լեռու եղողը ժանտախտով պիտի մեռնի, մօտ եղողը սուրով պիտի իյնայ, իսկ մնացողը՝ որ **պաշարուած է՝ սովով պիտի մեռնի**: Այսպէս իմ ցասումն պիտի թիրագործեմ անոնց վրայ: **13** Երբ անոնց խոցուածները **փռուած** ըլլան իրենց չաստուածներուն մէջտեղը՝ իրենց բագիւններուն շուրջը, ամէն բարձր բլուրի վրայ, բոլոր լեռներուն գագաթը, ամէն կանաչագարդ ծառի տակ եւ ամէն տերեւախիտ բուսկնիի տակ, այն տեղը՝ ուր անոնք իրենց բոլոր չաստուածներուն անոյշ հոտ **՞կը մատուցանէին**”, պիտի գիտնաք թէ ե՛ս եմ Տէրը: **14** Այսպէս իմ ձեռքս անոնց վրայ պիտի երկարեմ, ու երկիրը՝ **այսիճքն** անոնց բոլոր բնակած **տեղերը**՝ ամայի պիտի դարձնեմ, Դեբղայի **կողմը եղող** անապատէն աւելի ամայի, եւ պիտի գիտնան թէ ե՛ս եմ Տէրը□»:

ԻՍՐԱԶԷԼԻ ՄՕՏԱԼՈՒՑ ՎԱԽՃԱՆԸ

7

“Տէրը խօսեցաւ” ինծի՝ ըսելով.

2 «Դո՛ւն, մարդո՛ւ որդի, **մտի՛կ ըրէ**.

Տէրը՝ Եհովան Իսրայէլի **Բերկրին** սա՛ կը յայտարարէ.

“Վախճան մը **կու գայ**. երկրին չորս անկիւններուն վրայ վախճանը կը հասնի:

3 Հիմա քու վրադ վախճանը **պիտի գայ**,

եւ իմ բարկութիւնս քու վրադ պիտի ղրկեմ.

Քու **արարքներուդ համաձայն քեզ** պիտի դատեմ,

Բոլոր գարշութիւններուդ **պատիժը** քու վրադ պիտի **բերեմ**:

4 Իմ աչքս քեզի պիտի չխղճայ, եւ պիտի չխնայեմ.

Հապա **արարքներուդ պատիժը** քու վրադ պիտի բերեմ”,

Ու գարշութիւններդ քու մէջդ պիտի ըլլան,

եւ պիտի գիտնաք թէ ե՛ս եմ Տէրը□»:

5 Տէրը՝ Եհովան սա՛ կը յայտարարէ.

¹ Եբբ.՝ ձրի

² Կամ՝ պահուած

³ Եբբ.՝ աւարտեմ

⁴ Եբբ.՝ կու տային

⁵ Եբբ.՝ Տէրոջ խօսքը եղաւ

⁶ Եբբ.՝ հողին

⁷ Եբբ.՝ ճամբաներուդ

⁸ Եբբ.՝ դնեմ

⁹ Եբբ.՝ ճամբաներդ քու վրադ պիտի դնեմ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

- «Չարիք մը, միակ չարիք մը ահա՛ կը հասնի.
6 Վախճանը կը հասնի, վախճանը կը հասնի.
Քեզի դէմ արթնցաւ, ահա՛ կը հասնի:
7 Ո՛վ երկրին բնակիչը, կարգը քեզի կու գայ.
Ժամանակը կու գայ, ^ախռովութեան՝ օրը կը մօտենայ,
Ո՛չ թէ լեռներուն **ցնծութեան** ճիչը:
8 Հիմա մօտերս իմ ցասումս քու վրադ պիտի թափեմ,
Ու բարկութիւնս քու վրադ պիտի ^էիրագործեմ.
Քու արարքներուդ համաձայն քեզ պիտի դատեմ,
Բոլոր գարշութիւններուդ **պատիժը** քու վրադ պիտի ^բբերեմ:
9 Իմ աչքս պիտի չխղճայ, եւ պիտի չխնայեմ.
Քու արարքներուդ **պատիժը** քու վրադ պիտի բերեմ,
Ու գարշութիւններդ քու մէջդ պիտի ըլլան,
Եւ պիտի գիտնաք թէ ե՛ս եմ Տէրը՝ որ կը զարնեմ»:
10 «Ահա՛ օրը, ահա՛ կու գայ.
Կարգը **քեզի** ^բհասաւ,
Գաւազանը ընծիւղեցաւ, հպարտութիւնը ծաղկեցաւ:
11 Բռնութիւնը ելաւ եւ ամբարշտութեան գաւազան եղաւ:
Անոնցմէ ո՛չ մէկը **պիտի մնայ**.
Անոնց բազմութենէն եւ ստացուածքէն ոչինչ **պիտի մնայ**.
Անոնց մէջ ^գսուգ պիտի չըլլայ»:
12 «Ատենը եկաւ, օրը մօտեցաւ.
Գնողը թող չուրախանայ, ո՛չ ալ ծախողը սգայ,
Քանի որ անոր ամբողջ բազմութեան վրայ բարկութիւն **կայ**.
13 Որովհետեւ ծախողը ծախուածին պիտի չվերադառնայ,
Թէեւ ողջ ըլլան.
Արդարեւ անոր ամբողջ բազմութեան մասին եղած տեսիլքը ^հպիտի չխափանուի՛»,
Ո՛չ մէկը իր կեանքին անօրէնութեամբ պիտի ուժովնայ:
14 Փողը հնչեցուցին, ամէն ինչ պատրաստ է,
Բայց պատերազմի գացող չկայ,
Որովհետեւ իմ բարկութիւնս անոր ամբողջ բազմութեան վրայ է»:

ԻՍՐԱՅԷԼԻ ՄԵՂԵՆ ՊԱՏԻԺ

- 15 «Դուրսը սուր պիտի ըլլայ, իսկ ներսը՝ ժանտախտ եւ սով.

^ա Կամ՝ խուճապի՛

^է Եբր.՝ աւարտեմ

^բ Եբր.՝ դնեմ

^բ Եբր.՝ դուրս ելաւ

^գ Կամ՝ վայելչութիւն

^հ Եբր.՝ ետ պիտի չդառնայ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

Ա՛ն որ դաշտն է՝ սուրով պիտի մեռնի,

Ա՛ն որ քաղաքին մէջ է՝ սովն ու ժանտախտը զինք պիտի լափեն:

16 Անոնցմէ՝ ճողոպրածները պիտի ազատին,

Ու լեռները **ապաստանելով՝** ձորերու աղանիներուն պէս պիտի ըլլան:

Բոլորն ալ պիտի ^Խհառաչեն, իւրաքանչիւրը իր անօրէնութեան համար:

17 Բոլոր ձեռքերը պիտի թուլնան,

Բոլոր ծունկերը ջուրի **պէս** պիտի ^Ծհոսին:

18 Անոնք ^Կքուրձ պիտի հագնին՝,

Եւ ահուդողը պիտի ծածկէ զանոնք:

Ամէն երեսի վրայ ամօթ պիտի ըլլայ,

Ու անոնց բոլոր գլուխներուն վրայ՝ կնտութիւն:

19 Իրենց արծաթը փողոցներուն մէջ պիտի նետեն,

Եւ իրենց ոսկին կեղտ պիտի **սեպուի**:

Անոնց արծաթն ու ոսկին պիտի չկարենան զիրենք ազատել
Տէրոջ ցասումին օրը:

Իրենց անձը պիտի չկշտացնեն,

Ո՛չ ալ իրենց ընդերքը լեցնեն,

Որովհետեւ ատիկա իրենց անօրէնութեան գայթակղութիւնը եղաւ:

20 ^ԻԻրենց փառաւոր զարդով խրոխտացան՝,

Եւ ^Ճանոր մէջ՝ իրենց գարշութիւններուն, իրենց պղծութիւններուն պատկերները
շինեցին:

Հետեւաբար զայն կեղտի պիտի ^Ղվերածեմ:

21 Զայն օտարներուն ձեռքը պիտի մատնեմ՝ իբր կողոպուտ,

Նաեւ երկրի ամբարիշտներուն՝ իբր աւար,

Ու զայն պիտի պղծեն:

22 Իմ երեսս անոնցմէ պիտի դարձնեմ,

Եւ իմ ^Սարբարանս պիտի պղծեն:

Հոն աւազակներ պիտի մտնեն,

Ու զայն պիտի պղծեն»:

23 «Շղթա՛յ մը շինէ,

Որովհետեւ երկիրը ^Մոճիրներով լեցուած է,

¹ Եբբ.՝ ազատուածները

^Խ Եբբ.՝ գոռան

^Ծ Եբբ.՝ երթան

^Կ Եբբ.՝ քուրձով պիտի գօտելորուին

^Ի Եբբ.՝ իր փառաւոր զարդը իրեն խրոխտութիւն ըրաւ

^Ճ Կամ՝ անով

^Ղ Եբբ.՝ դարձնեմ

^Ս Եբբ.՝ վերապահուած տեղս

^Մ Եբբ.՝ արիւնալի դատաստաններով

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

Քաղաքն ալ բռնութեամբ լեցուած է:

24 ¹Ազգերուն **ամենէն** չարերը պիտի բերեմ,
եւ անոնց տուներուն պիտի տիրանան:
Ջօրեղներուն ամբարտաւանութիւնը պիտի դադրեցնեմ,
ու անոնց սուրբ **տեղերը** պիտի պղծուին:

25 Կործանումը կը հասնի.
Խաղաղութիւն պիտի փնտռեն, բայց պիտի չգտնուի:

26 Աղէտի վրայ աղէտ պիտի հասնի,
Գոյժի վրայ գոյժ պիտի ըլլայ.
Ուստի մարգարէէն տեսիլք պիտի պահանջեն,
Սակայն քահանայէն օրէնքը կորսուած պիտի ըլլայ, ու երէցներէն՝ խորհուրդը:

27 Թագաւորը պիտի սգայ,
Իշխանը ⁶սուկում պիտի հագնի,
Երկրին ժողովուրդին ձեռքերը պիտի ²թուլանան.
Անոնց ⁷արարքներուն համաձայն պիտի վարուիմ իրենց հետ,
Անոնց դատավճիռներուն համաձայն պիտի դատեմ զանոնք,
ու պիտի գիտնան թէ ե՛ս եմ Տէրը»:

ԵԶԵԿԻԷԼԻ ԵՐԿՐՈՐԴ ՏԵՍԻԼԸԸ

(8. 1-10. 22)

ԿՈՒՊԱՇՏՈՒԹԻՒՆ ԵՐՈՒՍԱՂԵՍԻ ՄԷՋ

8

Վեցերորդ տարին, վեցերորդ **ամսուան** հինգերորդ **օրը**, **մինչ** ես տանս մէջ նստած էի
եւ Յուդայի երէցները առջեւս նստած էին, հոն Տէրոջ՝ Եհովայի ձեռքը վրաս ինկաւ: **2**
Նայեցայ, եւ ահա՛ **մարդու** նմանութիւն մը կար՝ կրակի երեւոյթով. անոր մէջքին երեւոյթէն
վար կրակ էր, իսկ անոր մէջքէն վեր ցոլքի երեւոյթ մը կար, ոսկեպղինձի դրսերեւոյթին
պէս: **3** Ան ձեռքի կերպար մը երկարեց, գլուխիս մազափունջերէն բռնեց, եւ Հոգին զիս
երկրի ու երկինքի մէջտեղ ⁴վերցուց. զիս Աստուծոյ տեսիլքներուն մէջ Երուսաղէմ տարաւ,
դէպի հիւսիս նայող ներքին դրան մուտքը, ուր նախանձի մղող Նախանձի ⁵կուռքը կար: **4**
Եւ ահա՛ հո՛ն էր Իսրայէլի Աստուծոյն փառքը, դաշտին մէջ տեսած տեսիլքիս նման:

5 Այն ատեն ինձի ըսաւ. «Մարդո՛ւ որդի, այժմ վերցո՛ւր աչքերդ դէպի հիւսիս»: Աչքերս
դէպի հիւսիս վերցուցի, եւ ահա՛ այս Նախանձի կուռքը կար՝ զոհասեղանին դրան մուտքին
հիւսիսային կողմը: **6** Ուստի ինձի ըսաւ. «Մարդո՛ւ որդի, կը տեսնե՞ս ի՛նչ կ'ընեն, այն մեծ

¹ Կամ՝ Հեթանոսներուն

⁶ Եբր.՝ ամայութիւն

² Եբր.՝ շփոթիւն

⁷ Եբր.՝ ճամբաներուն

⁸ Կամ՝ յափշտակեց

⁹ Եբր.՝ կուռքին աթոռը

գարշութիւնները՝ որ Իսրայէլի տունը հոս կը գործէ, որպէսզի ես հեռանամ իմ սրբարանէս: Բայց անգամ մըն ալ դարձիր, եւ **աւելի** մեծ գարշութիւններ պիտի տեսնես»:

7 Զիս գաւիթին մուտքը տարաւ, ու նայեցայ, եւ ահա՛ պատին վրայ ծակ մը կար: **8** Ուստի ինծի ըսաւ. «Մարդո՛ւ որդի, այժմ ծակէ՛ այս պատը»: Երբ պատը ծակեցի, ահա՛ դուռ մը կար: **9** Ինծի ըսաւ. «Մտի՛ր ու տե՛ս այն վատ գարշութիւնները, որ անոնք հոս կը գործեն»: **10** Ուստի մտայ եւ նայեցայ, եւ ահա՛ ամէն **տեսակ** սողուններու կերպարներ, պիղծ անասուններու **պատկերներ**, եւ Իսրայէլի տան բոլոր չաստուածները պատին վրայ բոլորածեւ գծուած էին: **11** Անոնց առջեւ Իսրայէլի տան երէցներէն եօթանասուն մարդ կայնած էր. Սափանի որդին՝ Յեզոնիա **ալ** անոնց մէջ կայնած էր: Իւրաքանչիւրը ձեռքը բուրվառ մը ունէր, եւ անուշահոտ խունկի ամպ մը կը բարձրանար: **12** **Տէրը** ինծի ըսաւ. «Մարդո՛ւ որդի, կը տեսնե՞ս թէ ինչե՛ր կ'ընեն Իսրայէլի տան երէցները խաւարին մէջ, իւրաքանչիւրը իր «ծածուկ պատկերատան» մէջ. որովհետեւ անոնք կ'ըսեն. «Տէրը մեզ չի տեսներ. Տէրը երկիրը լքած է»»: **13** Նաեւ ինծի ըսաւ. «Անգամ մըն ալ դարձիր, եւ անոնց գործած **աւելի** մեծ գարշութիւնները պիտի տեսնես»:

14 Յետոյ զիս Տէրոջ տան դէպի հիւսիս **նայող** դրան մուտքը տարաւ, եւ ահա՛ հոն Թամուզի համար լացող կիներ նստած էին: **15** Ինծի ըսաւ. «Մարդո՛ւ որդի, կը տեսնե՞ս. անգամ մըն ալ դարձիր, ու ասոնցմէ **աւելի** մեծ գարշութիւններ պիտի տեսնես»:

16 Ապա զիս Տէրոջ տան ներքին գաւիթը տարաւ. եւ ահա՛ Տէրոջ տաճարին մուտքը, ներքնագաւիթին ու զոհասեղանին մէջտեղ, շուրջ քսանհինգ մարդ կար: Անոնք իրենց կռնակը Տէրոջ տաճարին դարձուցած էին, իսկ երեսը՝ դէպի արեւելք, եւ արեւին կ'երկրպագէին՝ դէպի արեւելք: **17** Ինծի ըսաւ. «Մարդո՛ւ որդի, տեսա՞ր. միթէ Յուդայի տան «պզտի՛կ **բան** կը թուի» ընել իրենց հոս գործած գարշութիւնները, որ երկիրն **ալ** բռնութեամբ կը լեցնեն, ու դարձեալ զիս կը գրգռեն. ահա՛ բարունակը իրենց քիթին «կը դնեն»: **18** Ես ալ ցասումով պիտի վարուիմ **անոնց հետ**. աչքս պիտի չխղճայ, ու պիտի չխնայեմ. անոնք իմ ականջներուս բարձր ձայնով պիտի գոչեն, սակայն անոնց մտիկ պիտի չընեն»:

ԵՐՈՒՍԱՂԷՍ ԿԸ ՊԱՏԺՈՒԻ

9

Ապա բարձր ձայնով գոչեց իմ ականջներուս. «Մօտեցուցէ՛ք քաղաքը՝ պատժողները, իւրաքանչիւրը իր ձեռքը **ունենալով** իր կործանարար գործիքը»: **2** Եւ ահա՛ դէպի հիւսիս **նայող** վերի դրան ճամբայէն վեց մարդ եկաւ. իւրաքանչիւրին բնաջնջումի գործիքը իր ձեռքն էր: Անոնց մէջ կտաւէ **հանդերձ** հագած մարդ մը կար, որ մէջքը գրագիրի կաղամար ունէր: Անոնք եկան ու պղինձէ զոհասեղանին քով կայնեցան: **3** Իսրայէլի Աստուծոյն փառքը բարձրացաւ քերովբէէն՝ որուն վրայ էր, եւ տան սեմը **իջաւ**: Կտաւէ **հանդերձ** հագած ու մէջքը գրագիրի կաղամար ունեցող մարդը կանչեց, **4** եւ Տէրը անոր ըսաւ. «Քաղաքի՛ն մէջէն – Երուսաղէմի մէջէն – անցիր ու նշա՛ն դիր անոր մէջ գործուած բոլոր գարշութիւններուն համար հառաչող եւ հեծեծող մարդոց ճակատներուն վրայ»: **5**

⁹ Երբ.՝ պատկերներու ներքին սենեակին
¹⁰ Երբ.՝ թեթե՛ւ բան է
¹¹ Կամ՝ կ'երկարեն
¹² Երբ.՝ հատուցանողները

Յետոյ ՚լսեցի թէ՝ միւսներուն ըսաւ. «Քաղաքէ՛ն անցէք անոր ետեւէն, ու զարկէ՛ք. ձեր աչքերը թող չխղճան, եւ մի՛ խնայէք: **6** Մեռցուցէ՛ք, կոտորեցէ՛ք ծերը, երիտասարդն ու կոյսը, մանուկներն ու կիները. բայց վրան նշան ունեցող ո՛չ մէկուն մօտեցէք. սկսեցէ՛ք իմ սրբարանէս»: Ուստի տան առջեւ եղող երէց մարդոցմէն սկսան: **7** Ապա անոնց ըսաւ. «Պղծեցէ՛ք տունը, եւ լեցուցէ՛ք գաւիթները ՚սպաննուածներով. դո՛ւրս ելէք»: Անոնք ալ դուրս ելան ու քաղաքին մէջ զարկին:

8 Զանի գանոնք զարկին ու ես **ողջ** մնացի, երեսիս վրայ ինկայ եւ աղաղակեցի. «Ո՛հ, Տէ՛ր Եհովա, Երուսաղէմի վրայ քու ցասումդ թափելով՝ Իսրայէլի ամբողջ մնացորդը պիտի բնաջնջե՞ս»:

9 Ինծի ըսաւ. «Իսրայէլի եւ Յուդայի տան անօրէնութիւնը չափազանց մեծ է. երկիրը արիւնով լեցուած է, քաղաքն ալ անիրաւութեամբ լեցուած է. որովհետեւ ըսին. “Տէրը երկիրը լքած է. Տէրը **մեզ** չի տեսներ□: **10** Ուստի իմ աչքս ա՛լ պիտի չխղճայ, ու պիտի չխնայեմ. իրենց ՚արարքներուն **պատիժը** իրենց վրայ պիտի բերեմ”»:

11 Ահա՛ կտաւէ **հանդերձ** հագած եւ մէջքը կաղամար ունեցող մարդը լուր բերաւ՝ ըսելով. «Ինծի հրամայածիդ համաձայն ըրի»:

ՏԵՐՈՋ ՓԱՌԸ ԿԸ ՆԵՌԱՆԱՅ ՏԱՃԱՐԷՆ

10

Յետոյ նայեցայ, եւ ահա՛ քերովբէներուն գլուխին վերեւ եղող հաստատութեան մէջ՝ շափիւղայ քարի պէս **բան մը** երեւցաւ անոնց վրայ, գահի նմանութեան երեւոյթին պէս: **2** “Տէրը կտաւէ **հանդերձ** հագած մարդուն ըսաւ. «Մտի՛ր քերովբէին տակ եղող անիւներուն մէջտեղ, լեցո՛ւր փերդ քերովբէներուն մէջտեղ եղող կրակի կայծերով, ու ցանէ՛ քաղաքին վրայ»: Ան ալ մտաւ իմ աչքերուս **առջեւ**: **3** Երբ այդ մարդը մտաւ, քերովբէները տան աջ կողմը կեցած էին, եւ ամպը ներքին գաւիթը լեցուցած էր: **4** Տէրոջ փառքը քերովբէէն բարձրացաւ ու տան սեմը **իջաւ**. տունը ամպով լեցուեցաւ, նաեւ գաւիթը Տէրոջ փառքին պայծառութեամբ լեցուեցաւ: **5** Քերովբէներու թելերուն ձայնը մինչեւ արտաքին գաւիթը կը լսուէր, Ամենակարող Աստուծոյ ձայնին պէս՝ երբ կը խօսի: **6** Երբ կտաւէ **հանդերձ** հագած մարդուն հրամայեց. “Կրա՛կ առ քերովբէներուն մէջտեղ եղող անիւներուն մէջէն□, ան գնաց անիւներուն քով կեցաւ: **7** Քերովբէ մը իր ձեռքը քերովբէներուն մէջէն երկարեց կրակին՝ որ քերովբէներուն մէջտեղն էր, **անկէ** առաւ եւ կտաւէ **հանդերձ** հագնողին փերուն մէջ դրաւ: **8** Ան ալ առաւ ու դուրս ելաւ: (Քերովբէներու թելերուն տակ մարդու ձեռքի կերպար մը կ’երեւնար:)

9 Մինչ կը նայէի, ահա՛ քերովբէներուն քով չորս անիւ կար, ՚իւրաքանչիւր քերովբէի քով մէկ անիւ՝: Անիւներուն երեւոյթը ոսկեքարի դրսերեւոյթին պէս էր: **10** **Ինչ կը վերաբերի** անոնց երեւոյթին, անոնք չորսն ալ մէ՛կ նմանութիւն ունէին, որպէս թէ անիւ մը ուրիշ անիւի մը մէջտեղը ըլլար: **11** Երբ երթային՝ իրենց չորս կողմերուն վրայ կ’երթային.

^բ Եբբ.՝ իմ ականջիս

^գ Եբբ.՝ խոցուածներով

^դ Եբբ.՝ ճամբան իրենց գլուխին վրայ պիտի դնեմ

^ւ Եբբ.՝ Ան

^բ Եբբ.՝ մէկ քերովբէի քով անիւ մը, եւ ուրիշ քերովբէի մը քով՝ ուրիշ անիւ մը

գացած ատեն **իրենց աջ կամ ձախ կողմը** չէին դառնար, հապա ո՛ր տեղը որ գլուխը կը նայէր, անոր կը հետեւէին. գացած ատեն չէին դառնար: **12** Անոնց ամբողջ մարմինը, կոնակը, ձեռքերը, թւերն ու անիւները, **այսինքն՝** այդ չորսին անիւները, ամէն կողմէ աչքերով լեցուն էին: **13** Ինչ կը վերաբերի անիւներուն, «լսեցի թէ» անոնք կոչուեցան. «Թաթառ□: **14** Իւրաքանչիւրը չորս երես ունէր.— առաջին երեսը քերովբէի երես էր, երկրորդ երեսը՝ մարդու երես էր, երրորդը՝ առիւծի երես էր, չորրորդը՝ արծիւի երես էր: **15** Զերովբէները բարձրացան. ասոնք էին այն էակները՝ որ տեսեր էի Քոբար գետին քով: **16** Երբ քերովբէները կ'երթային, անիւներն **ալ** անոնց քովէն կ'երթային: Երբ քերովբէները՝ երկրէն բարձրանալու համար՝ իրենց թւերը վերցնէին, անիւներն **ալ** անոնց քովէն չէին զատուեր: **17** Երբ անոնք կենային, **ասոնք ալ** կը կենային. երբ անոնք բարձրանային, **ասոնք ալ** կը բարձրանային անոնց հետ. որովհետեւ անոնց մէջ էակներուն ոգին կար:

18 Տէրոջ փառքը տան սեմին վրայէն ելաւ ու քերովբէներուն վրայ կեցաւ: **19** Իմ աչքերուս առջեւ քերովբէները իրենց թւերը վերցուցին ու երկրէն բարձրացան. երբ դուրս ելան՝ անիւներն **ալ** իրենց հետ էին: Տէրոջ տան արեւելեան դրան մուտքը կեցան, եւ Իսրայէլի Աստուծոյն փառքը անոնց վրայ էր՝ վերելը: **20** Ասոնք էին այն էակները՝ որ տեսեր էի Իսրայէլի Աստուծոյն տակ, Քոբար գետին քով, ու գիտցայ թէ անոնք քերովբէներ են: **21** Իւրաքանչիւրը չորս երես ունէր, իւրաքանչիւրը՝ չորս թեւ, եւ անոնց թւերուն տակ մարդու ձեռքերու նմանութիւն կար: **22** Իսկ անոնց երեսներուն նմանութիւնը այն երեսներուն **պէս էր՝** որ Քոբար գետին քով տեսեր էի, թէ՛ անոնց տեսքը եւ թէ իրենք. իւրաքանչիւրը շիտակ յառաջ կ'երթար:

ԵՐՈՒՍԱՂԷՄ ԿԸ ԴԱՏԱՊԱՐՏՈՒԻ

11

Հոգին գիս յափշտակեց ու Տէրոջ տան արեւելեան դուռը տարաւ, որ դէպի արեւելք կը նայի, եւ ահա՛ դրան մուտքը քսանհինգ մարդ կար. անոնց մէջ Ազուրի որդին՝ Յեզոնիան ու Բանեայի որդին՝ Փաղատիան տեսայ – ժողովուրդին իշխանաւորները:

- 2** Ան ինծի ըսաւ. «Մարդո՛ւ որդի, Ահա՛ւասիկ այն մարդիկը՝ որ անօրէնութիւն կը մտածեն, Ու չար խորհուրդ կու տան այս քաղաքին:
- 3** Անոնք կ'ըսեն. «Մատենը չէ տուներ կառուցանելու. Այս **քաղաքը** կաթսան է, ու մենք միսն ենք□:
- 4** Ուստի մարգարէացի՛ր անոնց դէմ, Մարգարէացի՛ր, մարդո՛ւ որդի»:
- 5** Այն ատեն Տէրոջ Հոգին ^բգիս համակեց՝
Եւ ինծի ըսաւ. «Ըսէ՛. “Տէրը սա՛ կը յայտարարէ.
"Դուք ասիկա կ'ըսէք, ո՛վ Իսրայէլի տունը.

- ^գ Եբբ.՝ իմ ականջիս
- ^դ Կամ՝ Դիւրաթաւալ
- ^ե Եբբ.՝ վերադառնար
- ^ւ Եբբ.՝ Մօտ
- ^բ Եբբ.՝ վրաս ինկաւ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

Բայց ես ձեր Գմտածումը գիտեմ:

6 Դուք այս քաղաքին մէջ ձեր Դսպանուածները շատցուցիք, եւ անոր փողոցները սպանուածներով լեցուցիք^Գ»:

7 Հետեւաբար Տէրը՝ Եհովան սա՛կը յայտարարէ.
«Ձեր սպանուածները՝ որ անոր մէջ դրիք, Անոնք միսն են, ան ալ կաթսան է. Բայց ձեզ անոր մէջէն պիտի հանեմ:

8 Դուք սուրէն վախցաք, Ու ես սուրը պիտի բերեմ ձեր վրայ,– Կը պատգամէ Տէրը՝ Եհովան:–

9 Ձեզ անոր մէջէն պիտի հանեմ, Ձեզ օտարներուն ձեռքը պիտի մատնեմ, եւ ձեզի դէմ **իմ** դատաւճիռներս պիտի կիրարկեմ:

10 Դուք սուրով պիտի իյնաք. Իսրայէլի հողամասին մէջ ձեզ պիտի դատեմ, Ու պիտի գիտնաք թէ ե՛ս եմ Տէրը:

11 Այս **քաղաքը** ձեզի համար կաթսայ պիտի չըլլայ, Որ դուք անոր մէջ միս ըլլաք. Իսրայէլի հողամասին մէջ ձեզ պիտի դատեմ,

12 Ու պիտի գիտնաք թէ ե՛ս եմ Տէրը. Զանի որ իմ կանոններովս չընթացաք եւ իմ որոշումներս չկիրարկեցիք, Հապա ձեր շուրջը եղող ^Եհեթանոսներուն սովորութիւններուն համաձայն վարուեցաք»:

13 Մինչ կը մարգարէանայի, Բանեայի որդին՝ Փաղատիա մեռաւ: Այն ատեն երեսիս վրայ ինկայ ու բարձր ձայնով աղաղակեցի. «Ո՛հ, Տէ՛ր Եհովա, միթէ Իսրայէլի մնացորդը **ամբողջովին** պիտի Գբնաջնջե՞ս»:

ԱՍՏՈՒԾՈՅ ԽՈՍՏՈՒՄԸ ԱԶՍՈՐԱԿԱՆՆԵՐՈՒՆ

14 Այն ատեն ^ԵՏէրը խօսեցաւ՝ ինծի՛ ըսելով. **15** «Մարդո՛ւ որդի, քու եղբայրներդ, **այսինքն՝** եղբայրներդ, ազգականներդ եւ ամբողջ Իսրայէլի տունը, բոլորը այն մարդիկն են՝ որոնց Երուսաղէմի բնակիչները ըսին. “Հեռացէ՛ք Տէրոջ քովէն. այս երկիրը մեզի՛ տրուած է իբր ստացուածք^Գ»:

16 «Հետեւաբար ըսէ՛. “Տէրը՝ Եհովան սա՛կը յայտարարէ. Թէպէտ գանոնք հեռացուցի հեթանոսներուն մէջ Ու ցրուեցի երկիրներուն մէջ,

^Գ Եբբ.՝ հոգիին մէջ բարձրացածը
^Դ Եբբ.՝ խոցուածները
^Ե Կամ՝ ազգերուն
^Զ Եբբ.՝ սպառե՞ս
^Է Եբբ.՝ Տէրոջ խօսքը եղաւ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

Անոնց գացած երկիրներուն մէջ
Իրենց սրբարան պիտի ըլլամ քիչ մը **ատեն**»[□]»:

17 «Հետեւաբար ըսէ՛. «Տէրը՝ Եհովան սա՛ կը յայտարարէ.
Չեզ պիտի հաւաքեմ ժողովուրդներէն,
Չեզ պիտի ժողվեմ այն երկիրներէն՝
Ուր դուք ցրուած էք,
Ու ձեզի պիտի տամ Իսրայէլի ^{Երկիրը}:

18 Հոն պիտի երթան,
Եւ անոր բոլոր պղծութիւնները,
Անոր բոլոր գարշութիւնները անկէ պիտի հեռացնեն:

19 Անոնց մէ՛կ սիրտ պիտի տամ,
^{Եւ} Անոնց ներսը նոր հոգի պիտի դնեմ.
Անոնց մարմինէն քարեղէն սիրտը պիտի հանեմ,
Եւ անոնց մարմնեղէն սիրտ պիտի տամ.

20 Որպէսզի իմ կանոններովս ընթանան,
Իմ որոշումներս պահեն ու զանոնք գործադրեն:
Անոնք իմ ժողովուրդս ըլլան,
Ես ալ անոնց Աստուածը ըլլամ:

21 Բայց **անոնց**[՝] որոնց սիրտը կ'ընթանայ իրենց [՝]կամքին պղծութիւններուն
Ու գարշութիւններուն համաձայն,
Անոնց ^Իարարքներուն **պատիժը** իրենց վրայ պիտի բերեմ՝[՝],
Կը պատգամէ Տէրը՝ Եհովան [□]»:

ԱՍՏՈՒԾՈՅ ՓԱՌԸ ԿԸ ՀԵՌԱՆԱՅ ԵՐՈՒՍԱՂԷՄԷՆ

22 Զերովբէները իրենց թելերը վերցուցին. անիւները անոնց հետ էին, եւ Իսրայէլի
Աստուծոյն փառքը անոնց վրայ էր՝ վերելը: 23 Տէրոջ փառքը քաղաքին մէջտեղէն
բարձրացաւ, ու քաղաքին արեւելեան կողմը եղող լեռան վրայ կեցաւ:

24 Յետոյ Հոգին զիս յափշտակեց եւ Զաղդէաստան տարաւ, տարագիրներուն քով.
ասիկա եղաւ տեսիլքի մէջ՝ Աստուծոյ Հոգիով, ու տեսած տեսիլքս իմ վրայէս
^Իանհետացաւ: 25 Ես ալ տարագիրներուն խօսեցայ այն բոլոր բաներուն մասին՝ որ Տէրը
ինծի ցոյց տուեր էր:

ՄԱՐԳԱՐԷՆ ԻԲՐ ՏԱՐԱԳԻՐ

12

«Տէրը խօսեցաւ՝ ինծի՝ ըսելով. 2 «Մարդո՛ւ որդի, դուն ըմբոստներու տան մէջ կը

[□] Եբբ.՝ հողը

^Բ Եբբ.՝ Չեք

^Վ Եբբ.՝ սիրտին

^Ի Եբբ.՝ ճամբան իրենց գլուխին վրայ պիտի դնեմ

^Լ Եբբ.՝ բարձրացաւ

^Մ Եբբ.՝ Տէրոջ խօսքը եղաւ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

բնակիս: Անոնք աչքեր ունին՝ տեսնելու համար, բայց չեն տեսներ. ականջներ ունին՝ լսելու համար, սակայն չեն լսեր. որովհետև, անոնք ըմբոստներու տուն են: **3** Դո՛ւն, մարդո՛ւ որդի, քեզի տարագրութեան՝ գոյքեր պատրաստէ, եւ ցերե՛կը տարագրուէ անոնց աչքերուն առջեւ: Զու եղած տեղէդ ուրի՛շ տեղ մը տարագրուէ անոնց աչքերուն առջեւ. թերեւս Բուշադրութիւն դարձնեն, թէև անոնք՝ ըմբոստներու տուն են: **4** Անոնց աչքերուն առջեւ ցերե՛կը դուրս հանէ գոյքերդ, տարագրութեան գոյքերու պէս. բայց դուն անոնց աչքերուն առջեւ իրիկունը դուրս ելիր, տարագրութեան գացողներու պէս: **5** Անոնց աչքերուն առջեւ պարի՛սպը ծակէ եւ անկէ՛ հանէ գոյքերդ: **6** Անոնց աչքերուն առջեւ ուսի՛դ վրայ վերցուր **զանոնք եւ** աղջամուղջի՛ն դուրս հանէ. երե՛սդ ծածկէ, որպէսզի երկիրը չտեսնես. քանի որ քեզ **ճշման կարգեցի Իսրայէլի տան**»:

7 Ինչպէս ինծի հրամայուեցաւ՝ այնպէս ըրի. գոյքերս տարագրութեան գոյքերու պէս ցերեկը դուրս հանեցի, իրիկունը ձեռքովս պարիսպը ծակեցի, **եւ** աղջամուղջին դուրս հանեցի. անոնց աչքերուն առջեւ ուսիս վրայ վերցուցի: **8** Առտուն **Տէրը խօսեցաւ**՝ ինծի՛ ըսելով. **9** «Մարդո՛ւ որդի, Իսրայէլի տունը, **այդ** ըմբոստներու տունը, քեզի չըսա՞ւ. **“Այդ ի՞նչ կ’ընես**□: **10** Անոնց ըսէ՛. “Տէրը՝ Եհովան սա՛ կը յայտարարէ. “Սա՛ պատգամը Երուսաղէմի մէջ եղող իշխանին ու հոն **բնակող** Իսրայէլի ամբողջ տան համար է”□: **11** Ըսէ՛.

“Ես ձեզի համար ճշման եմ:

Ես ինչպէս ըրի, անոնց այնպէս պիտի ըլլայ:

Անոնք պիտի հեռանան **ու** տարագրութեան երթան:

12 Անոնց մէջ եղող իշխանը

Իր ուսին վրայ **բեռ** պիտի վերցնէ,

Եւ աղջամուղջին դուրս պիտի ելլէ.

Պարիսպը պիտի ծակեն, որպէսզի անկէ հանեն:

Ան իր երեսը պիտի ծածկէ,

Որպէսզի երկիրը աչքով չտեսնէ:

13 Անոր վրայ իմ ցանցս պիտի տարածեմ,

Ու որոգայթիս մէջ պիտի բռնուի:

Զինք Բաբելոն՝

Զաղդէացիներու երկիրը պիտի տանիմ.

Ինք այդ **տեղը** պիտի չտեսնէ,

Թէպէտ հոն պիտի մեռնի:

14 Իր շուրջը եղող բոլոր օգնականները

Եւ իր բոլոր գումարտակները՝

Բոլոր հովերուն պիտի ցրուեմ.

Անոնց ետեւէն սուր պիտի քաշեմ:

15 Երբ զանոնք ազգերուն մէջ ցրուեմ

Ու երկիրներուն մէջ սփռեմ,

Պիտի գիտնան թէ ե՛ս եմ Տէրը:

16 Բայց անոնցմէ փոքրաթիւ մարդիկ պիտի թողում՝

^բ Եբբ.՝ տեսնեն թէ իրենք

^գ Եբբ.՝ հրաշք

^դ Եբբ.՝ Տէրոջ խօսքը եղաւ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

Սուրեն, սովէն ու ժանտախտէն **ազատած**,
Որպէսզի իրենց բոլոր գարշութիւնները պատմեն
Այն ^Եազգերուն մէջ՝ ուր պիտի երթան,
Ու պիտի գիտնան թէ ե՛ս եմ Տէրը [□]»:

ԴՈՂԱՅՈՂ ՄԱՐԳԱՐԷԻՆ ՆՇԱՆԸ

- 17 ^ԳՏէրը խօսեցաւ՝ ինծի՝ ըսելով.
- 18 «Մարդո՛ւ որդի, քու հացդ դողալով կեր,
Ջուրդ վրդովումով եւ մտահոգութեամբ խմէ,
- 19 Ու երկրին ժողովուրդին ըսէ՛.
“Իսրայէլի ^Եերկրին մէջ” եղող Երուսաղէմի բնակիչներուն մասին
Տէրը՝ Եհովան սա՛ կը յայտարարէ.
“Անոնք իրենց հացը մտահոգութեամբ պիտի ուտեն,
Եւ իրենց ջուրը ապշութեամբ պիտի խմեն,
Որովհետեւ իրենց երկիրը ^Բամբողջովին պիտի ամայանայ
Իր բոլոր բնակիչներուն բռնութեան պատճառով:
- 20 Բնակուած քաղաքները պիտի ակերուին,
Երկիրը ամայի պիտի ըլլայ,
Ու պիտի գիտնաք թէ ե՛ս եմ Տէրը [□]»:

ԺՈՂՈՎՐԴԱԿԱՆ ԱՌԱԿ ՄԸ ԵՒ ԱՆԺՈՂՈՎՐԴԱԿԱՆ ՊԱՏԳԱՄ ՄԸ

- 21 ^ԲՏէրը խօսեցաւ՝ ինծի՝ ըսելով.
- 22 «Մարդո՛ւ որդի, ի՞նչ է այն առածը՝
Որ դուք Իսրայէլի ^Ժերկրին մէջ՝ **կը գործածէք**
Ու կ’ըսէք. “Օրերը կ’երկարին,
Եւ ամէն տեսիլք կը կորսուի [□]”:
- 23 Հետեւաբար ըսէ՛ անոնց.
“Տէրը՝ Եհովան սա՛ կը յայտարարէ.
“Այս առածը պիտի դադրեցնեմ.
Այս առածը անգամ մըն ալ Իսրայէլի մէջ պիտի չխօսուի [□]”:
Բայց ըսէ՛ անոնց. “Օրերը մօտեցան,
Նաեւ իւրաքանչիւր տեսիլքի իրագործումը.

- ^Ե **Կամ՝** հեթանոսներուն
- ^Գ **Եբբ.**՝ Տէրոջ խօսքը եղաւ
- ^Ե **Եբբ.**՝ հողին վրայ
- ^Բ **Եբբ.**՝ իր լիութենէն
- ^Բ **Եբբ.**՝ Տէրոջ խօսքը եղաւ
- ^Ժ **Եբբ.**՝ հողին վրայ
- ^Ի **Եբբ.**՝ արարքը

- 24 Որովհետև Իսրայելի տան մէջ անգամ մըն ալ ունայն տեսիլք
Եւ շողորթութեան՝ գուշակութիւն պիտի չըլլայ:
- 25 Զանի որ ^ԽԵս՝ Տէրս՝ պիտի խօսիմ՝,
Եւ ըսելիք խօսքս պիտի իրագործուի,
Ա՛յ պիտի չյետաձգուի.
Արդարեւ ձեր օրերուն մէջ, ո՛վ ըմբոստներու տունը,
Խօսք մը պիտի ըսեմ ու պիտի իրագործեմ[□],
Կը պատգամէ Տէրը՝ Եհովան»:
- 26 ^ՅՏէրը խօսեցաւ՝ ինծի՝ ըսելով.
- 27 «Մարդո՛ւ որդի, ահա՛ Իսրայելի տունը կ'ըսէ.
"Ասոր տեսած տեսիլքը երկար օրերու համար է,
Ասիկա հեռաւոր ժամանակներու համար կը մարգարէանայ[□]:"
- 28 Ուստի ըսէ՛ անոնց.
"Սա՛ կը յայտարարէ Տէրը՝ Եհովան.
"Ա՛յ խօսքերէս ո՛չ մէկը պիտի յետաձգուի,
Հապա իմ ըսելիք խօսքս պիտի իրագործուի",
Կը պատգամէ Տէրը՝ Եհովան[□]»:

ԳՈՒՇԱԿՈՒԹԻՒՆ ՍՈՒՏ ՄԱՐԳԱՐԷՆԵՐՈՒ ԴԷՄ

13

«Տէրը խօսեցաւ՝ ինծի՝ ըսելով.

- 2 «Մարդո՛ւ որդի, մարգարէացող Իսրայելի մարգարէներուն դէմ մարգարէացի՛ր,
Եւ իրենց սիրտէն մարգարէացողներուն ըսէ՛.
"Մտի՛կ ըրէք Տէրոջ խօսքը.
- 3 Տէրը՝ Եհովան սա՛ կը յայտարարէ.
"Վա՛յ անգամ մարգարէներուն,
Որոնք իրենց հոգիին կը հետեւին,
Ու ոչինչ տեսեր են"[□]:
- 4 Զու մարգարէներդ, ո՛վ Իսրայել,
Անապատներու մէջ եղող աղուէսներու պէս են:
- 5 Խրամատը չբարձրացաք,
Ո՛չ ալ Իսրայելի տունը ցանկապատով փակեցիք,
Պատերազմին մէջ դիմանալու համար՝ Տէրոջ օրը:
- 6 Անոնց տեսիլքը ունայնութիւն է, եւ ^Բգուշակութիւնը՝ ստութիւն,
Երբ կ'ըսեն. "Տէ՛րը պատգամեց[□],
– Թէպէտ Տէրը զանոնք ղրկած չէ –,

[□] Եբր.՝ դիւթութիւն

^Խ Կամ՝ Ես եմ Տէրը՝ որ կը խօսիմ

^Յ Եբր.՝ Տէրոջ խօսքը եղաւ

^Ս Եբր.՝ Տէրոջ խօսքը եղաւ

^Բ Եբր.՝ դիւթութիւնը

Ու կը յուսադրեն թէ **իրենց** խօսքը պիտի իրագործուի:

- 7** Միթէ դուք ունայն տեսիլքներ չտեսա՞ք
Եւ սուտ գուշակութիւններ ⁴չըրի՞ք՝
Ըսելով. «Տէ՛րը պատգամեց[□],
Մինչդեռ ես խօսած չէի»:
- 8** Հետեւաբար Տէրը՝ Եհովան սա՛ կը յայտարարէ.
«Ձեր ունայն խօսքերուն
Ու սուտ տեսիլքներուն պատճառով՝
Ահա՛ ես ձեզի դէմ եմ,—
Կը պատգամէ Տէրը՝ Եհովան:—
- 9** Իմ ձեռքս ունայն տեսիլք **տեսնող**
Եւ սուտ դիւթութիւն **ընող** մարգարէներուն դէմ պիտի ըլլայ.
Անոնք իմ ժողովուրդիս խորհրդածողովին մէջ պիտի չըլլան,
Իսրայէլի տան գիրքին մէջ պիտի չարձանագրուին,
Իսրայէլի ⁷երկիրը պիտի չմտնեն,
Ու պիտի գիտնաք թէ ե՛ս եմ Տէրը՝ Եհովան:
- 10** Բանի անոնք իմ ժողովուրդս կը մոլորեցնեն՝
Ըսելով. «Խաղաղութիւն է[□], երբ խաղաղութիւն չկայ,
Եւ ան պատ կը կառուցանէ,
Անոնք ալ շաղախով կը ծեփեն զայն,
- 11** Ըսէ՛ շաղախով ծեփողներուն թէ ան պիտի փլչի.
Յորդահոս տեղատարափ պիտի ըլլայ,
Եւ դուք, ո՛վ կարկուտի քարեր, պիտի իյնաք,
Ու **զայն** մրրկալից հովը պիտի ճեղքէ:
- 12** Ահա՛ **երբ** պատը փլչի,
Ձեզի պիտի չըսե՞ն.
«Ո՛ւր է այն ծեփը՝ որով դուք ծեփեցիք[□]»:
- 13** Հետեւաբար Տէրը՝ Եհովան սա՛ կը յայտարարէ.
«Իմ ցասումովս մրրկալից հովով մը **զայն** պիտի ճեղքեմ.
Իմ բարկութեամբս՝ յորդահոս տեղատարափ պիտի ըլլայ,
Ու ցասումովս՝ կարկուտի քարեր,
Որպէսզի **զայն** ⁵անհետացնեն:
- 14** Այն պատը՝ որ շաղախով ծեփեցիք, պիտի փլցնեմ.
Զայն գետինին պիտի ⁶հաւասարեցնեմ.
Անոր հիմը պիտի յայտնուի, ան պիտի տապալի,
Դուք ալ անոր մէջ պիտի ⁸բնաջնջուիք,
Ու պիտի գիտնաք թէ ե՛ս եմ Տէրը:

⁴ Եբբ.՝ չխօսեցա՞ք

⁷ Եբբ.՝ հողը

⁸ Եբբ.՝ սպառեն

⁹ Եբբ.՝ դպցնեմ

⁶ Եբբ.՝ սպառիք

15 Իմ ցասումս պատին վրայ
Ու զայն շաղախով ծեփողներուն վրայ պիտի ըիրագործեմ,
Եւ ձեզի պիտի ըսեմ.

Պատն ու զայն ծեփողները չքացան,

16 Այսինքն՝ Իսրայելի մարգարէները,
Որոնք Երուսաղէմի մասին կը մարգարէանային,
Եւ անոր մասին խաղաղութեան տեսիլքներ կը տեսնէին,
Մինչդեռ խաղաղութիւն չկար՝, կը պատգամէ Տէրը՝ Եհովան»:

ԳՈՒՇԱԿՈՒԹԻՒՆ ՍՈՒՏ ԳՈՒՇԱԿՈՒԹԻՒՆՆԵՐՈՒ ԴԷՄ

17 «Նաեւ դո՛ւն, մարդո՛ւ որդի, ՞ուղղէ՛ քեզոյ քու ժողովուրդիդ աղջիկներուն դէմ,
որոնք իրենց սիրտին համաձայն կը մարգարէանան. մարգարէացի՛ր անոնց դէմ, 18 եւ
ըսէ՛. “Տէրը՝ Եհովան սա՛ կը յայտարարէ. “Վա՛յ այն կիներուն, որոնք բոլոր անուօններուն
համար մոգական բարձիկներ կը կարեն, եւ ամէն հասակի մարդոց գլուխներուն
ժլաչակներ կը պատրաստեն, որպէսզի անձեր որսան”: Միթէ դուք իմ ժողովուրդիս անձերը
որսալով ձեր անձերը ո՞ղջ պիտի պահէք: 19 Իմ ժողովուրդիս առջեւ զիս կ’անպատուէք
բուռ մը գարիի ու պատառ մը հացի համար, մեռցնելով անձեր՝ որ մեռնելու չեն, ողջ
պահելով անձեր՝ որ ապրելու չեն, ստելով ժողովուրդիս՝ որ ձեր սուտերը մտիկ կ’ընէ: 20
Հետեւաբար Տէրը՝ Եհովան սա՛ կը յայտարարէ. “Ահա՛ ես ձեր բարձիկներուն դէմ եմ,
որոնցմով դուք անձերը կ’որսաք իթռչուններու պէս”: Զանոնք ձեր բազուկներէն պիտի
պատռեմ, եւ այդ անձերը պիտի արձակեմ, այսինքն այն անձերը՝ որ դուք կ’որսաք
իթռչուններու պէս”: 21 Ձեր լաչակներն ալ պիտի պատռեմ ու ժողովուրդս ձեր ձեռքէն
ազատեմ. անգամ մըն ալ ձեր ձեռքին մէջ որս պիտի չըլլան, եւ պիտի գիտնաք թէ ե՛ս եմ
Տէրը: 22 Արդարեւ դուք ձեր ստութիւններով յուսալքեցիք արդարին սիրտը, որ ես
՚տորտմեցուցած չէի, եւ ուժովցուցիք ամբարիշտին ձեռքը, որպէսզի իր վատ ճամբայէն
չհեռանայ՝ ապրելու համար: 23 Հետեւաբար անգամ մըն ալ ունայն տեսիլք պիտի
չտեսնէք ու դիւթութիւն պիտի չընէք. իմ ժողովուրդս ձեր ձեռքէն պիտի ազատեմ, եւ
պիտի գիտնաք թէ ե՛ս եմ Տէրը»:

ԱՍՏՈՒԱԾ ԿԸ ԴԱՏԱՊԱՐՏԷ ԿՈՒՊԱՇՏՈՒԹԻՒՆԸ

14

^Ը Եբբ.՝ աւարտեմ

^Բ Եբբ.՝ դի՛ր

^Ժ Կամ՝ երեսի բարձեր

^Ի Կամ՝ որպէսզի թռչին

^Լ Կամ՝ որպէսզի թռչին

^Խ Եբբ.՝ կոտտալ տուած

^ծ Եբբ.՝ չդիւթէք

Իսրայելի երեցներէն քանի մը մարդիկ ինծի եկան, եւ առջեւս նստան: **2** «Տէրը խօսեցաւ» ինծի՝ ըսելով. **3** «Մարդո՛ւ որդի, այդ մարդիկը իրենց չաստուածները իրենց սիրտերուն մէջ կանգնեցուցած են, ու ՚իրենց անօրէնութեան գայթակղութիւնը իրենց երեսներուն առջեւ դրած են՝. միթէ անոնց ՚պիտի պատասխանե՞մ»: **4** Ուստի խօսե՛ անոնց հետ եւ ըսե՛ անոնց. «Տէրը՝ Եհովան սա՛ կը յայտարարէ. "Իսրայելի տունէն ո՛վ որ իր չաստուածները իր սիրտին մէջ կանգնեցնէ, իր անօրէնութեան գայթակղութիւնը իր երեսին առջեւ դնէ ու մարգարէին գայ, ես՝ Տէրս՝ **այդ** եկողին պիտի պատասխանեմ անոր չաստուածներուն շատութեան համեմատ, **5** որպէսզի Իսրայելի տունը իրենց սիրտէն բռնեմ, որովհետեւ անոնք իրենց չաստուածներով օտարացան ինձմէ՛»:

6 «Հետեւաբար ըսե՛ Իսրայելի տան. «Տէրը՝ Եհովան սա՛ կը յայտարարէ. "Դարձի՛ եկէք, ձեր չաստուածներէն հեռացէ՛ք, ու ձեր գարշութիւններէն դարձուցէ՛ք ձեր երեսը՛: **7** Արդարեւ Իսրայելի տունէն – կամ Իսրայելի մէջ պանդխտացած գաղթականներէն – ո՛վ որ ինձմէ անջատուի, իր չաստուածները իր սիրտին մէջ կանգնեցնէ եւ իր անօրէնութեան գայթակղութիւնը իր երեսին առջեւ դնէ, ու մարգարէին գայ՝ անոր միջոցով ինծի խորհուրդ հարցնելու համար, ես՝ Տէրս՝ ՚անձամբ պիտի պատասխանեմ անոր: **8** Իմ երեսս այդ մարդուն դէմ պիտի ՚ուղղեմ, զայն նշան եւ ՚նշաւակ պիտի ընեմ, ու զինք իմ ժողովուրդիս մէջէն պիտի բնաջնջեմ, որ գիտնաք թէ ե՛ս եմ Տէրը:

9 «Եթէ մարգարէ մը հրապուրուելով խօսք մը արտասանէ, այդ մարգարէն ես՝ Տէրս հրապուրած եմ. իմ ձեռքս անոր վրայ պիտի երկարեմ եւ զայն պիտի բնաջնջեմ ժողովուրդիս՝ Իսրայելի մէջէն: **10** Անոնք իրենց անօրէնութեան **պատիժը** պիտի կրեն, խորհուրդ հարցնողին անօրէնութեան **պատիժն** ու մարգարէին անօրէնութեան **պատիժը** նոյնը պիտի ըլլան. **11** որպէսզի Իսրայելի տունը անգա՛մ մըն ալ ինձմէ չմոլորի, եւ անգա՛մ մըն ալ իրենց յանցանքներով անմաքուր չըլլան, հապա անոնք իմ ժողովուրդս ըլլան, ես ալ անոնց Աստուածը ըլլամ», կը պատգամէ Տէրը՝ Եհովան:

ՆՈՅ, ԴԱՆԻԷԼ, ՅՈԲ

12 ԿՏէրը խօսեցաւ» ինծի՝ ըսելով. **13** «Մարդո՛ւ որդի, եթէ երկիր մը ուխտագանգ ըլլալով ինծի դէմ մեղանչէ, ու ես անոր վրայ իմ ձեռքս երկարելով՝ անոր հացին գաւազանը կոտրեմ, եւ անոր վրայ սով դրկեմ ու մարդը եւ անասունը անկէ բնաջնջեմ, **14** թէեւ սա՛ երեք մարդիկը՝ Նոյ, Դանիէլ ու Յոբ անոր մէջ ըլլան, անոնք իրենց արդարութեամբ՝ **միայն** իրենց անձը պիտի ազատեն», կը պատգամէ Տէրը՝ Եհովան:

15 «Եթէ երկրին մէջէն չար գազաններ անցընեմ, եւ անոնք զայն ՚անբնակ թողուն» ու

^ա Եբբ.՝ Տէրոջ խօսքը եղաւ

^բ Այսինքն՝ կը նային այն բանին՝ որ զիրենք անօրէնութեան մէջ կը ձգէ

^գ Եբբ.՝ պիտի թոյլատրե՞մ որ ինծի խորհուրդ հարցնեն

^դ Եբբ.՝ ինձմէ

^ե Եբբ.՝ դնեմ

^զ Եբբ.՝ առակ

^է Եբբ.՝ Տէրոջ խօսքը եղաւ

^ը Եբբ.՝ գաւակներէ զրկեն

ամայի ըլլայ, այնպէս որ գազաններուն պատճառով անկէ անցնող չըլլայ, **16 թէն** այդ երեք մարդիկը անոր մէջ ըլլան, ես կ'ապրի՛մ,– կը պատգամէ Տէրը՝ Եհովան,– անոնք **իրենց** որդիներն ու աղջիկները պիտի **չկարենան** ազատել. միայն իրենք պիտի ազատին, եւ երկիրը ամայի պիտի ըլլայ:

17 «Կամ **եթէ** այդ երկրին վրայ սուր բերեմ ու ըսեմ. “Սո՛ւր, անցի՛ր երկրին մէջէն□, եւ անկէ մարդն ու անասունը բնաջնջեմ, **18 թէն** այդ երեք մարդիկը անոր մէջ ըլլան, ես կ'ապրի՛մ,– կը պատգամէ Տէրը՝ Եհովան,– **իրենց** որդիներն ու աղջիկները պիտի **չկարենան** ազատել. միայն իրենք պիտի ազատին:

19 «Կամ **եթէ** այդ երկրին վրայ ժանտախտ դրկեմ, եւ արիւնով իմ ցասումս անոր վրայ թափեմ, այնպէս որ մարդն ու անասունը անկէ բնաջնջեմ, **20** եւ Նոյ, Դանիէլ ու Յոբ անոր մէջ ըլլան, ես կ'ապրի՛մ,– կը պատգամէ Տէրը՝ Եհովան,– **իրենց** որդին կամ աղջիկը պիտի **չկարենան** ազատել. անոնք իրենց արդարութեամբ՝ **միայն** իրենց անձը պիտի ազատեն»:

21 Արդարեւ Տէրը՝ Եհովան սա՛ կը յայտարարէ. «Նոյնիսկ **եթէ** ես իմ չորս թսուկալի դատավճիռներս – սուրը, սովը, չար գազաններն ու ժանտախտը – դրկեմ Երուսաղէմի վրայ՝ մարդն ու անասունը անկէ բնաջնջելու համար, **22** ահա՛ հոն ազատուածներ պիտի մնան, **այսինքն՝** որդիներ եւ աղջիկներ, որոնք դուրս պիտի ելլեն. ահա՛ անոնք ձեզի՝ “պիտի գան”, դուք ալ անոնց ինթացքը եւ արարքները պիտի տեսնէք, ու պիտի մխիթարուիք Երուսաղէմի վրայ բերած չարիքիս համար, անոր վրայ բերած ամբողջ **բաներուս** համար: **23** Անոնք ձեզ պիտի մխիթարեն, քանի անոնց ընթացքը եւ արարքները պիտի տեսնէք, ու պիտի գիտնաք թէ ինչ որ ըրի անոր մէջ՝ առանց ‘պատճառի չըրի», կը պատգամէ Տէրը՝ Եհովան:

ԱՌԱԿ ՄԸ ՈՐԹԱՏՈՒՆԿԻՆ ՄԱՍԻՆ

15

“Տէրը խօսեցաւ” ինծի՝ ըսելով.

- 2** «Մարդո՛ւ որդի, որթատունկին փայտը ի՞նչ առաւելութիւն ունի **ուրիշ** որեւէ փայտէ, **Այսինքն** բարունակը՝ որ անտառի ծառերուն մէջ է:
- 3** Միթէ ան իբր փայտ կը ստացուի^բ, գործ մը կատարելու համար. Կամ թէ անկէ սեպ^բ կը շինուի^բ, անկէ առարկայ մը կախելու համար:
- 4** Ահա՛ կրակի մէջ կը նետուի՝ անոր ճարակ ըլլալու համար. Կրակը անոր երկու ծայրերը կը սպառէ, Ու մէջտեղը հրաբորբոք կ'ըլլայ: Միթէ ան գործի մը ^գօգտակար^բ է”:

- ^բ Եբր.՝ գէշ
- ^գ Եբր.՝ դուրս պիտի ելլեն
- ^դ Եբր.՝ ճամբան
- ^ե Եբր.՝ վճարումի
- ^զ Եբր.՝ Տէրոջ խօսքը եղաւ
- ^բ Եբր.՝ կ'առնուի^բ
- ^գ Եբր.՝ յաջողութիւն կու տա^բ

- 5 Ահա՛ ան լման եղած ատենը անով ո՛չ մէկ գործ կը կատարուէր.
Ա՛յ ի՞նչպէս անով որեւէ գործ պիտի կատարուի,
Երբ կրակը զայն սպառէ եւ Դայրէ:
- 6 Հետեւաբար Տէրը՝ Եհովան սա՛ կը յայտարարէ.
«Անտառին փայտերուն մէջ ինչպէս է որթատունկին փայտը՝
Որ կրակին տուի ճարակի համար,
Այնպէս ալ Երուսաղէմի բնակիչները տուի:
7 Իմ երեսս անոնց դէմ պիտի Եռուղեմ.
Անոնք մէկ կրակէն պիտի ազատին,
Բայց ուրիշ կրակ մը զանոնք պիտի սպառէ:
Երբ իմ երեսս անոնց դէմ ուղղեմ,
Պիտի գիտնաք թէ ե՛ս եմ Տէրը.
- 8 Իրենց ըրած ուխտազանցութեան համար
Երկիրը ամայի պիտի դարձնեմ□,
Կը պատգամէ Տէրը՝ Եհովան»:

ԱՆՀԱՒԱՏԱՐԻՄ ԵՐՈՒՍԱԴԵՄԸ

16

- 1 Դարձեալ «Տէրը խօսեցաւ» ինծի՝ ըսելով.
- 2 «Մարդո՛ւ որդի, Երուսաղէմի գիտցո՛ւր իր գարշութիւնները,
3 Եւ ըսէ՛. «Տէրը՝ Եհովան սա՛ կը յայտարարէ Երուսաղէմի.
"Ծագումովդ ու ծնունդովդ՝ դուն Բանանի երկրէն ես.
Զու հայրդ Ամորհացի էր, եւ մայրդ՝ Բետացի:
4 Զու ծնունդդ սա՛պէս եղաւ.
Ծնած օրդ՝ պորտդ չկտրուեցաւ,
Ո՛չ ալ ջուրով լուացուեցար՝ մաքրուելու համար.
Աղով չջփուեցար ու խանձարուրով չփաթթուեցար:
5 Ո՛չ մէկ աչք քու վրայ խղճաց, որ ասոցմէ որեւէ մէկը ընէր քեզի՝
Զու վրայ արգահատելով.
Հապա ծնած օրդ՝
Զու անձիդ խորշանքին պատճառով Բբաց դաշտը՝՝ նետուեցար:
6 Երբ ես քովէդ անցայ,
Զեզ Գարիւնլուայ տեսայ,
Եւ քեզի ըսի՝ մինչ արիւնիդ մէջ էիր. «Ապրէ՛»:
Թէպէտ արիւնիդ մէջ էիր, քեզի ըսի. «Ապրէ՛»:
7 Զեզ դաշտի բոյսերուն պէս Դանցուցի.

- ¹ Եբբ.՝ հրաբորբոք ընէ
- ² Եբբ.՝ դնեմ
- ³ Եբբ.՝ Տէրոջ խօսքը եղաւ
- ⁴ Եբբ.՝ դաշտին մակերեսը
- ⁵ Եբբ.՝ արիւնիդ մէջ կոխկռտուած

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

- Դուն շատցար ու մեծցար,
Եւ ^Եկատարեալ գեղեցկութեան՝ հասար:
^ԳՍտիճքների ^Էկազմուեցան ու մազերդ աճեցան,
Բայց դուն մերկ եւ անծածկոյթ էիր:
- 8** Զովէդ անցայ ու քեզի նայեցայ,
Եւ ահա՛ ^Ըտարփանքի տարիքին մէջ էիր՝.
Ուստի իմ քղանցքս վրադ տարածեցի,
Զու մերկութիւնդ ծածկեցի,
Ու քեզի երդում ընելով՝
Քեզի հետ ^Ռուխտ կնքեցի՝,– կը պատգամէ Տէրը՝ Եհովան,–
Եւ դուն իմս եղար:
- 9** Զեզ ջուրով լուացի,
Զու վրայէդ արիւնդ ^Փմաքրեցի,
Ու քեզ **հոտաւէտ** իւղով օծեցի:
- 10** Զեզի նկարագարդ **հանդերձ** հագցուցի
Եւ իշղարի **մորթէ շինուած** կօշիկ հագցուցի.
Զեզ բարակ քթանով ^Իգօտեւորեցի
Ու մետաքսով ծածկեցի:
- 11** Նաեւ քեզ ^Լպճնազարդեցի,
Չեռքերուդ ապարանջաններ դրի,
Եւ վիզէդ մանեակ **կախեցի**:
- 12** Զու քիթիդ օղակ դրի,
Ականջներուդ՝ գինդեր,
Գլուխիդ՝ շքեղ պսակ:
- 13** Այսպէս՝ ոսկիով ու արծաթով զարդարուած էիր,
Եւ հանդերձների բարակ քթանէ ու մետաքսէ էին՝ նկարագարդ:
Նաշիհ, մեղր եւ իւղ կերար,
Չափազանց գեղեցկացար
Ու թագաւորութեան ^Խհասար:

^Դ Եբբ.՝ բիրաւոր ըրի

^Ե Եբբ.՝ զարդերու զարդին

^Գ Եբբ.՝ Ծիծերդ

^Է Եբբ.՝ հաստատուեցան

^Ը Եբբ.՝ ատենդ տարփանքի ատեն էր

^Ռ Եբբ.՝ ուխտի մէջ մտայ

^Փ Եբբ.՝ ողողելով մաքրեցի

^Ի Եբբ.՝ փաթեցի

^Լ Եբբ.՝ զարդերով զարդարեցի

^Խ Եբբ.՝ յաջողեցար

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

- 14 Զու գեղեցկութեանդ համար համբաւդ ^ծհեթանոսներուն մէջ ^Կտարածուեցաւ,
Որովհետեւ ան կատարեալ էր այն վայելչութեամբ՝
Որ 'քեզի շնորհած' էի, – կը պատգամէ Տէրը՝ Եհովան:–
- 15 Բայց դուն՝ համբաւիդ պատճառով
Եւ գեղեցկութեանդ վստահելով՝ պոռնկեցար.
Զու պոռնկութիւնդ ամէն անցորդի ^ծշռայլեցիր, ^Պանոր յանձնուեցար՝:
- 16 Զու հագուստներէդ առիր,
Զեզի խայտաբղէտ **զարդերով** բարձր տեղեր կերտեցիր,
Եւ անոնց վրայ պոռնկեցար.
Ասոր նմանը եղած չէ, ո՛չ ալ պիտի ըլլայ:
- 17 Իմ քեզի տուած ոսկիէս ու արծաթէս **շինուած**
Զու շքեղ 'զարդերդ առիր,
Զեզի 'այր մարդու' պատկերներ շինեցիր,
Եւ անոնց հետ պոռնկեցար:
- 18 Զու նկարագարդ հագուստներդ առնելով՝
Զանո՛նք ծածկեցիր,
Եւ իմ իւղս ու խունկս անո՛նց մատուցանեցիր:
- 19 Զեզի տուած հացս,
Զեզի կերցուցած նաշիհս, իւղս ու մեղրս ալ
Անոնց մատուցանեցիր անոյշ հոտի համար,
Եւ ասիկա եղաւ, – կը պատգամէ Տէրը՝ Եհովան:–
- 20 Ինծի համար ծնած որդիներդ եւ աղջիկներդ առիր,
Ու զանոնք զոհեցիր անոնց՝ որպէսզի զիրենք լափեն:
- 21 Այս պոռնկութիւնդ քի՞չ **բան** էր՝
Որ իմ որդիներս մորթեցիր,
Եւ զիրենք անոնց մատնեցիր՝ **կրակէ** անցընելով:
- 22 Զու բոլոր գարշուքիւններուդ ու պոռնկութիւններուդ մէջ
Զու 'մանկութեանդ օրերը չյիշեցիր,
Երբ մերկ, անծածկոյթ
Եւ արիւնլուայ էիր՝□»:

- ^ծ **Կամ՝** ազգերուն
- ^Կ **Եբբ.**՝ դուրս ելաւ
- ^Զ **Եբբ.**՝ քու վրայ դրած
- ^Ճ **Եբբ.**՝ թափեցիր
- ^Պ **Եբբ.**՝ անորը եղար
- ^Կ **Եբբ.**՝ իրերդ
- ^Մ **Եբբ.**՝ արուի
- ^Ղ **Կամ՝** երիտասարդութեանդ

- 23 «Այս բոլոր չարություններէդ ետք
(Վա՛յ քեզի, վա՛յ քեզի,— կը պատգամէ Տէրը՝ Եհովան,—)
- 24 Դուն քեզի հանրատուն ալ կառուցանեցիր,
Ամէն հրապարակի մէջ քեզի բարձր տեղ կերտեցիր.
- 25 Ամէն ճամբայի գլուխ քու բարձր տեղդ կառուցանեցիր,
Քու գեղեցկութիւնդ գարշելի ըրիր,
Ամէն անցորդի ոտքերդ լայն բացիր,
Եւ պոռնկութիւններդ բազմապատկեցիր:
- 26 Քու ⁶մեծանդամ սահմանակիցներուդ՝
Եգիպտոսի որդիներուն հետ պոռնկեցար,
Ու զիս գրգռելու համար քու պոռնկութիւններդ շատցուցիր:
- 27 Ուստի ահա՛ իմ ձեռքս քու վրայ երկարեցի,
Քու ²ռոճիկդ պակսեցուցի,
Քեզ ³ոտխներուդ՝ Փղշտացիներու աղջիկներուն ⁴կամքին յանձնեցի,
Որոնք քու լիրբ ⁵ընթացքէդ կը խպնին:
- 28 Ասորեստանցիներուն հետ ալ պոռնկեցար, քանի որ անկուշտ էիր.
Անոնց հետ պոռնկեցար, սակայն չկշտացար:
- 29 Քու պոռնկութիւններդ բազմապատկեցիր
Քանանի երկրէն մինչեւ Բաղդաստան,
Բայց ասով ալ չկշտացար:
- 30 Քու սիրտդ ո՛րչափ ուժաթափ է,— կը պատգամէ Տէրը՝ Եհովան,—
Որ այս բոլորը ըրիր՝
²Բռնակալ պոռնիկ կնոջ մը արարքները.—
- 31 Ամէն ճամբայի գլուխ հանրատունդ կառուցանեցիր,
Ամէն հրապարակի մէջ քու բարձր տեղդ կերտեցիր:
Սակայն պոռնիկի պէս չեղար. **հապա** վարձատրութիւնը ²արհամարհելով՝
- 32 Ծնութիւն ընող կնոջ մը **պէս եղար**,
Որ իր ամուսինին տեղը օտարներ կ'առնէ:
- 33 Բոլոր պոռնիկներուն վարձատրութիւն կու տան,
Իսկ դո՛ւն վարձատրութիւններդ կու տաս բոլոր հոմանիներուդ.
Ջանոնք կը կաշառես, որպէսզի ամէն կողմէ քեզի գան՝
Քեզի հետ պոռնկելու համար:

- ⁶ Եբբ.՝ մեծ մարմինով
- ² Եբբ.՝ սովորական ուսելիքդ
- ³ Եբբ.՝ քեզ ատողներուն
- ⁴ Եբբ.՝ անձին
- ⁵ Եբբ.՝ ճամբայէդ
- ² Եբբ.՝ Տիրող
- ² Եբբ.՝ ծաղրելով

34 Զու պոռնկություններուդ մէջ՝ **ուրիշ** կիներուն «պատահածին ներհակը կը պատահի քեզի»
Զանի ո՛չ մէկը քեզի կը հետեւի՝ պոռնկութեան համար,
Դո՛ւն վարձատրութիւն կու տաս, իսկ քեզի վարձատրութիւն չի տրուիր.
Ուստի **ուրիշներուն** ներհակն ես»:

ԵՐՈՒՍԱՂԵՄԻ ԴԱՏԱՍՏԱՆԸ

35 «Հետեւաբար, ո՛վ պոռնիկ, մտի՛կ ըրէ Տէրոջ խօսքը.
36 Տէրը՝ Եհովան սա՛ կը յայտարարէ.
“Զանի քու ⁴դրամդ մսխուեցաւ”,
Եւ պոռնկություններովդ մերկութիւնդ երեւցաւ
Զու հոմանիներուդ ու բոլոր գարշելի չաստուածներուդ,
Նաեւ անոնց մատնած որդիներուդ արիւնը **թափուեցաւ**,
37 Ահա՛ ես պիտի հաւաքեմ քու բոլոր հոմանիներդ՝
Որոնց հաճելի եղար,
Բոլոր անոնք՝ որ սիրեցիր, եւ բոլոր անոնք՝ որ ատեցիր.
Ջանոնք ամէն կողմէ քեզի դէմ պիտի հաւաքեմ
Ու մերկութիւնդ անոնց պիտի բանամ,
Եւ անոնք ամբողջ մերկութիւնդ պիտի տեսնեն:
38 Զեզ պիտի դատեմ
Շնութիւն ընող եւ արիւն թափող կիներուն դատաստանով.
Ու քեզի **դէմ** ցասումով ու նախանձախնդրութեամբ արիւնի **վճիռ** պիտի տամ.
39 Զեզ անոնց ձեռքը պիտի մատնեմ,
Եւ անոնք հանրատունդ պիտի փլցնեն,
Բարձր տեղերդ պիտի քանդեն,
Հագուստներէդ քեզ պիտի մերկացնեն,
Շքեղ զարդերդ պիտի գրաւեն,
Ու քեզ մերկ եւ անծածկոյթ պիտի ձգեն:
40 Զեզի դէմ համախմբում մը պիտի բարձրացնեն,
Ու քեզ ⁵պիտի քարկոծեն”,
Իրենց սուրերով քեզ պիտի ծակծկեն,
41 Տուներդ կրակով պիտի այրեն,
Ու վրադ դատավճիռներ պիտի կիրարկեն շատ կիներու ⁶առջեւ.
Զեզ պոռնկելէ պիտի դադրեցնեմ,
Եւ անգա՛մ մըն ալ վարձատրութիւն պիտի չտաս:
42 Այսպէս պիտի հանդարտացնեմ ցասումս՝ որ քեզի դէմ է.
Իմ նախանձախնդրութիւնս քեզմէ պիտի հեռանայ,
Պիտի հանդարտիմ, եւ ա՛լ պիտի չբարկանամ:

⁴ Եբբ.՝ եղածին

⁴ Եբբ.՝ պղինձի թափուեցաւ

⁵ Եբբ.՝ քարերով պիտի քարկոծեն

⁶ Եբբ.՝ աչքերուն

43 Զանի քու ⁹մանկութեանդ օրերը չյիշեցիր,
Հապա այս բոլոր **բաներով** զիս վրդովեցիր,
Ահա՛ ես ալ քու ‘արարքներուդ **պատիժը քու** վրայ պիտի բերեմ՝,-
Կը պատգամէ Տէրը՝ Եհովան:-
Դուն բոլոր գարշութիւններուդ վրայ
Այս լրբութիւնն ալ պիտի ^ϕչաւելցնես□»:

ԻՆՉՊԷՍ ՄԱՅՐԸ՝ ՆՈՅՆՊԷՍ ԱՂՋԻԿԸ

44 «Ահա՛ ամէն առակախօս
Զու մասիդ **սա՛** առակը պիտի խօսի.
“Ի՛նչպէս է մայրը, աղջիկն ալ **այնպէս է**□:
45 Դուն քու մօրդ աղջիկն ես,
Որ իր ամուսինէն ու որդիներէն զզուեցաւ.
Եւ քու քոյրերուդ քոյրն ես,
Որոնք իրենց ամուսիններէն ու որդիներէն զզուեցան:
Ձեր մայրը Զետացի էր, ու ձեր հայրը՝ Ամորհացի:
46 Զու մեծ քոյրդ Սամարիան է,
Որ իր ²գիւղերով ծախ կողմդ կը բնակի.
Զու պզտիկ քոյրդ ալ Սողոմն է,
Որ իր գիւղերով աջ կողմդ կը բնակի:
47 Սակայն դուն **միայն** անոնց ճամբաներէն չընթացար,
Եւ անոնց գարշութիւններուն նմանները չգործեցիր.
Հապա՛ որպէս թէ **անոնց ըրածը** պզտիկ ու քիչ **բան** ըլլար՝
Դուն քու բոլոր ճամբաներուդ մէջ անոնցմէ աւելի ապականեցար:
48 Ես կ’ապրի՛մ,- կը պատգամէ Տէրը՝ Եհովան.-
Զու քոյրդ՝ Սողոմ, ինք եւ իր գիւղերը, **այնպէս** չըրի՛ն՝
Ինչպէս դուն ու քու գիւղերդ ըրիք:
49 Ահա՛ սա՛ էր քրոջդ՝ Սողոմի անօրէնութիւնը.-
Ան իր գիւղերով ունեցաւ
Ամբարտաւանութիւն, հացի ^օառատութիւն եւ ^ϕանհոգ հանդարտութիւն,
Բայց դժբախտին ու աղքատին ^ւչօգնեց:
50 Խրոխտացան եւ իմ առջեւ գարշութիւն գործեցին.
Ուստի զանոնք բնաջնջեցի՝ երբ տեսայ:

⁹ **Կամ՝** երիտասարդութեանդ

¹ **Եբր.՝** ճամբադ **քու** գլուխիդ վրայ պիտի դնեմ

^ϕ **Եբր.՝** չգործես

² **Եբր.՝** աղջիկներով

^օ **Եբր.՝** կշտացում

^ϕ **Եբր.՝** անդորր

^ւ **Եբր.՝** ձեռքը չուժովցուց

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

- 51 Սամարիա քու մեղքերուդ կէսը չգործեց.
Դուն անոնցմէ ակելի շատցուցիր քու գարշութիւններդ,
Ու գործած բոլոր գարշութիւններովդ
Քոյրերդ արդարացուցիր:
- 52 Դուն ալ, որ քոյրերդ կը դատապարտէիր,
Կրէ՛ քու նախատինքդ՝ մեղքերուդ պատճառով,
Որոնցմով անոնցմէ ակելի գարշելի եղար.
Անոնք քեզմէ արդար են:
Իսկ դուն ալ ամչցի՛ր ու կրէ՛ նախատինքդ,
Քանի որ քոյրերդ արդարացուցիր»:

ՍՈՂՈՄ ԵՒ ՍԱՄԱՐԻԱ ՊԻՏԻ ՎԵՐԱԿԱՆԳՆԻՆ

- 53 «Ես պիտի վերադարձնեմ անոնց գերիները,
Սողոմնի եւ անոր գիւղերուն գերիները,
Սամարիայի եւ անոր գիւղերուն գերիները.
Ու անոնց մէջ՝ քու գերիներդ ալ,
- 54 Որպէսզի նախատինքդ կրես
Եւ բոլոր ըրածներուդ համար խպնիս՝
Քանի անոնց մխիթարութիւն կ'ըլլաս:
- 55 Զու քոյրերդ՝ Սողոմ եւ անոր գիւղերը՝
Իրենց վաղեմի վիճակին պիտի վերադառնան.
Սամարիա եւ անոր գիւղերը
Իրենց վաղեմի վիճակին պիտի վերադառնան.
Դուն ու քու գիւղերդ ալ
Ձեր վաղեմի վիճակին պիտի վերադառնաք:
- 56 Արդարեւ, քու ամբարտաւանութեանդ օրը,
Քրոջդ՝ Սողոմի մասին ^բ չխօսեցար,
- 57 Քանի չարութիւնդ տակաւին յայտնուած չէր,
Ինչպէս յայտնուեցաւ հիմա, երբ ատենն է նախատուելու Սուրիայի աղջիկներէն եւ
բոլոր անոր շուրջը եղողներէն,
Փղշտացիներուն աղջիկներէն՝
Որոնք ամէն կողմէ քեզ կ'արհամարհեն:
- 58 Զու լրբութիւններուդ եւ գարշութիւններուդ պատիժը
Դուն կրեցիր,– կը պատգամէ Տէրը»:

ՈՒՒՏ ՄԸ՝ ՈՐ ՅԱԻՏԵՆԱԿԱՆ Է

- 59 «Արդարեւ Տէրը՝ Եհովան սա՛ կը յայտարարէ.
“Քեզի հետ պիտի վարուիմ՝ ինչպէս որ դուն վարուեցար,
Քանի ^գ երդումը արհամարհեցիր եւ ուխտը խզեցիր:
- 60 Բայց ես պիտի յիշեմ քու երիտասարդութեանդ օրերը քեզի հետ կըքած ուխտս,

^բ Եբբ.՝ բերանէդ չխօսեցաւ

^գ Եբբ.՝ անէծքով երդումը

Ու քեզի հետ յաւիտենական ուխտ մը պիտի հաստատեմ:

- 61 Դուն ալ պիտի յիշես քու Դընթացքդ,
Ու պիտի խպնիս՝ երբ ընդունիս քու մեծ եւ քու պզտիկ քոյրերդ.
Զանոնք քեզի պիտի տամ իբր Եգիւղեր,
Բայց ո՛չ թէ քու Գուխտովդ:
- 62 Զեզի հետ իմ ուխտս պիտի հաստատեմ,
Ու պիտի գիտնաս թէ ե՛ս եմ Տէրը.
- 63 Որպէսզի յիշես եւ ամչնաս,
Ու նախատինքիդ պատճառով անգա՛մ մըն ալ բերանդ չբանաս,
Երբ քու բոլոր ըրածներուդ համար
Զեզի քաւութիւն ընեմ[□], կը պատգամէ Տէրը՝ Եհովան[»]:

ԱՐԾԻՒՆ ԵՒ ՈՐԹԱՏՈՒՆԿԻՆ ԱՌԱԿԸ

17

«Տէրը խօսեցաւ» ինծի՝ ըսելով. **2** «Մարդո՛ւ որդի, Իսրայէլի տան հանելո՛ւկ մը առաջարկէ եւ առա՛կ մը խօսէ: **3** Ըսէ՛. «Տէրը՝ Եհովան սա՛ կը յայտարարէ. "Մեծ արծիւ մը՝ մեծաթել, երկայն փետուրներով ու գոյնգգոյն **բարակ** փետուրներով՝ Բժածկուած՝ Լիբանան եկաւ եւ մայրիին կատարը առաւ: **4** Անոր ընծիւղներուն գագաթը փրցուց, ու զայն Գառետրականի երկիր մը տարաւ. զայն վաճառականներու քաղաք մը դրաւ: **5** Նաեւ այդ երկրին հունտէն առաւ ու զայն Դբարեբեր արտի մը մէջ **բուսցուց. զայն** յորդառատ ջուրերու քով տարաւ, **եւ** ուռիի **պէս** Ետնկեց: **6** Ան ալ բուսաւ ու տարածուելով կարճահասակ որթատունկ մը եղաւ. անոր ոստերը ՚իւր **կողմը** դարձած էին, եւ արմատները իր տակն էին. ան որթատունկ մը եղաւ, բարունակներ Էբուսցուց եւ շառաւիղներ արձակեց:

7 "Ուրիշ մեծ արծիւ մըն ալ կար, մեծաթել ու բազմափետուր. եւ ահա՛ այս որթատունկը իր արմատները դէպի անոր **կողմը** Էդարձուց ու ոստերը անոր երկնցուց, այն ածուներէն՝

-
- ^Դ Եբր.՝ ճամբաներդ
 - ^Ե Եբր.՝ աղջիկներ
 - ^Գ Կամ՝ ուխտիդ համաձայն
 - ^Մ Եբր.՝ Տէրոջ խօսքը եղաւ
 - ^Բ Եբր.՝ լեցուած
 - ^Գ Եբր.՝ քանանացի առետրականի
 - ^Դ Եբր.՝ սերմանուած
 - ^Ե Եբր.՝ դրաւ
 - ^Գ Այսինքն՝ արծիւին
 - ^Է Եբր.՝ տուաւ
 - ^Ը Եբր.՝ ծռեց

ուր տնկուած էր, որպէսզի ան զինք թողոզէ: **8** Ան լաւ արտի մէջ տնկուեցաւ՝ յորդառատ ջուրերու քով, որպէսզի ոստեր ժարծակէ, պտուղ բերէ, եւ հոյակապ որթատունկ ըլլայ^բ»:

9 «Ըսէ՛. “Տէրը՝ Եհովան սա՛ կը յայտարարէ. “Արդեօք ան պիտի ուռճանա՞յ: Միթէ **այդ առաջին արծիւք** անոր արմատները պիտի ^հչխլէ՞ եւ անոր պտուղը պիտի չփրցնէ՞, որ ան չորնայ: Անոր բոլոր բուսած տերեւները պիտի չորնան, եւ առանց մեծ ^կզօրութեան ու շատ ժողովուրդի՝ զայն արմատէն պիտի ^լխլէ: **10** Ահա՛ տնկուեցաւ. արդեօք պիտի ուռճանա՞յ: Միթէ բոլորովին պիտի չչորնա՞յ՝ երբ արեւելեան հովը անոր դպչի: Ան պիտի չորնայ այն ածուններուն մէջ՝ ուր բուսած էր”^բ»:

ԱՌԱԿԸ ԿԸ ԲԱՅԱՏՐՈՒԻ

11 Դարձեալ ժՏէրը խօսեցաւ՝ ինծի՝ ըսելով. **12** «Ուրեմն ըսէ՛ ըմբոստներու տան. “Միթէ չէ՞ք գիտեր թէ ասոնք ի՛նչ կը նշանակեն^բ: Ըսէ՛. “Ահա՛ Բաբելոնի թագաւորը Երուսաղէմ եկաւ, անոր թագաւորն ու իշխանաւորները առաւ եւ զանոնք իր քով՝ Բաբելոն տարաւ: **13** Թագաւորին զարմէն **մէկը** առնելով՝ անոր հետ ուխտ կնքեց, եւ անոր ^կերդում ընել տուաւ: Նաեւ երկրին զօրաւորները առաւ, **14** որպէսզի թագաւորութիւնը նուաստ ըլլայ ու չկարենայ ինքզինք բարձրացնել, **հապա** իր ուխտը պահելով կայուն **մնայ**^բ: **15** Բայց ինք անոր դէմ ըմբոստացաւ եւ Եգիպտոս պատգամաւորներ դրկեց, որպէսզի իրեն ձիեր ու շատ ժողովուրդ տան: Միթէ ինք պիտի յաջողի՞. ասոնք ընողը պիտի ազատի՞, կամ թէ ուխտը խզելով պիտի ազատի՞: **16** Ես կ’ապրի՛մ,– կը պատգամէ Տէրը՝ Եհովան.– անիկա անշուշտ պիտի մեռնի այն թագաւորին **բնակած** տեղը՝ որ զինք թագաւոր նշանակեր էր, որուն երդումը արհամարհեց եւ անոր ուխտը խզեց. անոր քով՝ Բաբելոնի մէջ: **17** Պատերազմի մէջ Փարաւոն անոր համար ոչինչ պիտի ընէ **իր** մեծ զօրագունդով եւ ստուար համախմբումով, երբ հողաբլուրներ բարձրացնեն ու մարտկոցներ կառուցանեն՝ շատ անձեր կոտորելու համար. **18** որովհետեւ անիկա երդումը արհամարհեց եւ ուխտը խզեց: Ահա՛ անիկա այս բոլորը ըրաւ՝ ^հ“իր ձեռքը տալէն” **ետք. ուստի** պիտի չազատի^բ»:

19 «Հետեւաբար Տէրը՝ Եհովան սա՛ կը յայտարարէ. “Ես կ’ապրի՛մ. անշուշտ անոր ձկրայ պիտի բերեմ” **պատիժը** իմ ^կերդումիս՝ որ ան արհամարհեց, եւ իմ ուխտիս՝ որ խզեց:

^բ Եբր.՝ ջրէ

^գ Եբր.՝ տայ

^դ Եբր.՝ չփրցնէ՞

^ե Եբր.՝ բազուկի

^զ Եբր.՝ հանէ

^է Եբր.՝ Տէրոջ խօսքը եղաւ

^զ Եբր.՝ անէծքով երդում

^զ Այսինքն՝ երդում ընելէն

^է Եբր.՝ գլուխին վրայ պիտի դնեմ

^է Եբր.՝ անէծքով երդումիս

20 Անոր վրայ իմ ցանցս պիտի տարածեմ, եւ անիկա իմ որոգայթիս մէջ պիտի բռնուի. զայն Բաբելոն պիտի տանիմ, ու հոն անոր հետ դատ պիտի վարեմ, ինծի դէմ ըրած ուխտազանցութեան համար: 21 Անոր բոլոր փախստականներն ու բոլոր գումարտակները սուրով պիտի իյնան, եւ անոր մնացորդները բոլոր հովերուն պիտի ցրուին: Ու պիտի գիտնաք թէ ես՝ Տէրս՝ խօսեցայ»:

ԱՍՏՈՒԾՈՅ ՅՈՅՍԻ ԽՈՍՏՈՒՄԸ

22 Տէրը՝ Եհովան սա՛ կը յայտարարէ. «Ե՛ս ալ բարձր մայրիին կատարէն պիտի առնեմ, ու պիտի տնկեմ. անոր ընծիւղներուն գագաթէն մատղաշ մը պիտի փրցնեմ, եւ բարձր ու վեհ լերան մը վրայ պիտի տնկեմ. 23 զայն Իսրայէլի բարձր լերան վրայ պիտի տնկեմ: Ան ոստեր պիտի արձակէ, պտուղ պիտի տայ, եւ հոյակապ մայրի մը պիտի ըլլայ: Անոր տակ պիտի բնակին բոլոր թռչնազգիները, ամէն տեսակ թեւաւոր. անոր ոստերուն հովանիին տակ պիտի բնակին: 24 Դաշտի բոլոր ծառերը պիտի գիտնան թէ ես՝ Տէրս ցածրուցի բարձր ծառը, ու բարձրացուցի ցած ծառը. չորցուցի դալար ծառը, եւ ծաղկեցուցի չոր ծառը: Ե՛ս՝ Տէրս խօսեցայ, ու պիտի իրագործեմ»:

18

Դարձեալ «Տէրը խօսեցաւ» ինծի՝ ըսելով. 2 «Ի՞նչ կը նշանակէ ձեզի սա՛ առածը՝ որ դուք Իսրայէլի Բերկրին Գմէջ կ'ըսէք. «Հայրերը ազոխ կերան, եւ որդիներուն ակռաները Դառնն»: 3 Ես կ'ապրի՛մ, – կը պատգամէ Տէրը՝ Եհովան. – Իսրայէլի մէջ այս առածը անգա՛մ մըն ալ պիտի չըսէք: 4 Ահա՛ բոլոր անձերը իմս են. ինչպէս հօր անձը իմս է, նոյնպէս ալ որդիին անձը: Այն անձը որ կը մեղանչէ, անիկա՛ պիտի մեռնի: 5 Իսկ եթէ մարդ մը արդար ըլլայ, իրաւունք եւ արդարութիւն կիրարկէ, 6 լեռներու վրայ չուտէ եւ աչքերը դէպի Իսրայէլի տան չաստուածները չվերցնէ, իր ընկերին կինը չպղծէ ու Դաշտանի մէջ եղող կնոջ մը չմերձենայ, 7 ո՛չ մէկը կեղեքէ, պարտականին գրաւը վերադարձնէ, ոչի՞նչ բռնագրաւելով յափշտակէ, իր հացը անօթիին տայ եւ մերկը հագուստով ծածկէ, 8 դրամը վաշխով չտայ ու տոկոս չառնէ, իր ձեռքը անիրաւութենէ ետ քաշէ եւ Կմարդոց միջեւ Բարդար դատաստան կիրարկէ, 9 իմ կանոններովս ընթանայ ու

- Վ Եբբ.՝ կրէ
- Մ Եբբ.՝ Տէրոջ խօսքը եղաւ
- Բ Եբբ.՝ հողին
- Գ Կամ՝ մասին
- Դ Այսինքն՝ գրգռուեցան
- Ե Եբբ.՝ կեղտոտութեան
- Վ Եբբ.՝ պահէ
- Է Եբբ.՝ մարդու եւ մարդու
- Ը Եբբ.՝ ճշմարիտ

որոշումներս պահէ՝ ճշմարտութեամբ վարուելով, անհկա արդար է. անշո՛ւշտ պիտի ապրի», կը պատգամէ Տէրը՝ Եհովան:

10 «Բայց եթէ անհկա Քանօրէն **եւ** արիւնահեղ որդի մը ծնանի, որ ասոնց նման **որեւէ բան** ընէ, 11 **եւ** այն **լաւ բաներէն** ո՛չ մէկը ընէ, հապա լեռներու վրայ ուտէ եւ իր ընկերին կինը պղծէ, 12 դժբախտն ու աղքատը կեղեքէ, **բան մը** բռնագրաւելով յափշտակէ, գրաւը չվերադարձնէ, եւ իր աչքերը չաստուածներուն վերցնելով՝ գարշութիւն գործէ, 13 վաշխով **դրամ** տայ ու տոկոս առնէ, միթէ ան պիտի ապրի^բ. պիտի չապրի: **Քանի** այս բոլոր գարշութիւնները գործեց, անշո՛ւշտ պիտի մեռնի. անոր արիւնը իր վրայ պիտի ըլլայ:

14 «Իսկ **եթէ** ան որդի մը ծնանի, որ իր հօր գործած բոլոր մեղքերը տեսնելով՝ ^հուշադրութիւն դարձնէ՝ ու զանոնք չգործէ, 15 լեռներու վրայ չուտէ եւ իր աչքերը դէպի Իսրայէլի տան չաստուածները չվերցնէ, իր ընկերին կինը չպղծէ, 16 ո՛չ մէկը կեղեքէ, գրաւը չպահէ, **ոչինչ** բռնագրաւելով յափշտակէ, իր հացը անօթիին տայ ու մերկը հագուստով ծածկէ, 17 դժբախտին **անիրաւութիւն ընելէն** իր ձեռքը ետ քաշէ, վաշխ եւ տոկոս չառնէ, իմ որոշումներս կիրարկէ **ու** կանոններովս ընթանայ, անհկա իր հօր անօրէնութեան համար պիտի չմեռնի. անշո՛ւշտ պիտի ապրի: 18 Բայց իր հայրը, քանի չափազանց հարստահարեց, իր եղբօրմէն **բան մը** բռնագրաւելով յափշտակեց, եւ իր ժողովուրդին մէջ ըրաւ ինչ որ **լաւ** չէ, ահա՛ իր անօրէնութեան մէջ պիտի մեռնի:

19 «Սակայն պիտի ըսէք. «Ինչո՞ւ որդին **իր** հօր անօրէնութեան **պատիժը** պիտի չկրէ□: Քանի որդին իրաւունք եւ արդարութիւն կիրարկեց, իմ բոլոր կանոններս պահեց ու զանոնք գործադրեց, անշուշտ պիտի ապրի: 20 Այն անձը որ կը մեղանչէ, անհկա՛ պիտի մեռնի. որդին հօրը անօրէնութեան **պատիժը** պիտի չկրէ, հայրն ալ որդիին անօրէնութեան **պատիժը** պիտի չկրէ. արդարին արդարութիւնը իր վրայ պիտի ըլլայ, եւ ամբարիշտին ամբարշտութիւնը իր վրայ պիտի ըլլայ: 21 Իսկ եթէ ամբարիշտը իր գործած բոլոր մեղքերէն հեռանայ, իմ բոլոր կանոններս պահէ, ու իրաւունք եւ արդարութիւն կիրարկէ, ան անշուշտ պիտի ապրի. պիտի չմեռնի: 22 Անոր գործած բոլոր յանցանքները իրեն դէմ պիտի չյիշուին, հապա ան իր կիրարկած արդարութեամբ պիտի ապրի: 23 Արդեօք ես կ'ախորժի՞մ որ ամբարիշտը մեռնի,– կը պատգամէ Տէրը՝ Եհովան.– միթէ չե՞մ **ուզեր** որ ան իր ճամբայէն հեռանայ եւ ապրի: 24 Բայց եթէ արդարը իր արդարութենէն ^լհրաժարի եւ ամբարիշտին գործած բոլոր գարշութիւններուն պէս անիրաւութիւն գործէ, պիտի ապրի^բ: Անոր կիրարկած ամբողջ արդարութիւնը պիտի չյիշուի. ան իր ըրած ուխտազանցութեան ու գործած մեղքին պատճառով պիտի մեռնի:

25 «Դուք կ'ըսէք. «Տէրոջ ^խճամբան ^ծուղիղ չէ□: Ուրեմն մտի՛կ ըրէք, ո՛վ Իսրայէլի տունը. միթէ ի՞նչ ճամբաս ուղիղ չէ: Ձեր ճամբաները չե՞ն ուղիղ չեղողները: 26 Երբ արդարը իր արդարութենէն հրաժարի եւ անիրաւութիւն գործէ, ու ատոր մէջ մեռնի, ան իր գործած անիրաւութեան համար կը մեռնի: 27 Իսկ երբ ամբարիշտը իր գործած

^բ Եբբ.՝ աւազակ

^գ Եբբ.՝ Ահա՛

^հ Եբբ.՝ տեսնէ

^լ Եբբ.՝ հեռանայ

^խ Այսինքն՝ վարուելակերպը

^ծ Եբբ.՝ կշռուած

ամբարշտութենէն հրաժարի, ու իրաւունք եւ արդարութիւն կիրարկէ, ան իր անձը ողջ պիտի պահէ: **28** Արդարեւ ան «ուշադրութիւն դարձուց», եւ իր գործած բոլոր յանցանքներէն հրաժարեցաւ. **ուստի** անշուշտ պիտի ապրի, պիտի չմեռնի:

29 «Բայց Իսրայէլի տունը կ'ըսէ. «Տէրոջ ճամբան ուղիղ չէ: Ո՛վ Իսրայէլի տունը, միթէ ի՞նչ ճամբաներս ուղիղ չեն: Ձեր ճամբաները չե՞ն ուղիղ չեղողները: **30** Հետեւաբար, ո՛վ Իսրայէլի տունը, ձեզմէ իւրաքանչիւրը իր ճամբաներուն համեմատ պիտի դատեմ,– կը պատգամէ Տէրը՝ Եհովան:– Դարձի՛ եկէք ու հեռացէ՛ք ձեր բոլոր յանցանքներէն, որպէսզի անօրէնութիւնը «ձեր կորուստին պատճառ» չըլլայ: **31** Ձեզմէ նետեցէ՛ք ձեր գործած բոլոր յանցանքները, եւ ձեզի նո՛ր սիրտ ու նո՛ր հոգի ձստացէք. ինչո՞ւ մեռնիք, ո՛վ Իսրայէլի տունը: **32** Արդարեւ մեռնողին մահէն չեմ ախորժիր,– կը պատգամէ Տէրը՝ Եհովան.– ուստի դարձի՛ եկէք եւ ապրեցէ՛ք»:

ՏՐՏՄՈՒԹԵԱՆ ԵՐԳ ՄԸ

19

Իսկ դուն ո՛րք բարձրացուր Իսրայէլի իշխաններուն վրայ, **2** եւ ըսէ՛.

«Ի՞նչ է քու մայրդ – մատակ առիծ մը,
Որ առիծներու մէջ կը պառկի
Եւ իր ձագերը կորիւններու մէջ կը մեծցնէ:

3 Ան իր ձագերէն մէկը մեծցուց,
Որ կորիւն եղաւ,
Որս բզքտել սորվեցաւ, **ու** մարդ լափեց:

4 Իր մասին ազգերը լսեցին,
Անոնց փոսին մէջ բռնուեցաւ,
Եւ **քիթին** օղակ մը **անցընելով** զինք Եգիպտոսի երկիրը տարին:

5 Երբ «մայրը տեսաւ թէ **պարապ տեղը** սպասած է ու յոյսը ^բկտրած է,
Իր ձագերէն ուրիշ մը առաւ,
Եւ գայն կորիւն ըրաւ:

6 Ան առիւծներու մէջ շրջող կորիւն մը եղաւ,
Որս բզքտել սորվեցաւ **ու** մարդ լափեց:

7 Անոնց դղեակները «քանդեց,
Անոնց քաղաքները ակերեց.
Անոր մռնչիւնին ձայնէն
Երկիրը «իր բնակիչներէն» ամայացաւ:

⁴ Եբբ.՝ տեսաւ

⁶ Եբբ.՝ ձեզի խոչընդոտ

⁸ Կամ՝ ըրէք

^ա Եբբ.՝ անհկա

^բ Եբբ.՝ կորսուած

^գ Եբբ.՝ գիտցաւ

^դ Եբբ.՝ գայն լեցնողներէն

- 8 Շրջակայ գաւառներէն ազգեր անոր դէմ՝ շարունեցան,
իրենց ցանցը տարածեցին անոր վրայ.
Անոնց փոսին մէջ բռնուեցաւ:
- 9 Ըիթին օղակ մը անցընելով վանդակի մէջ դրին,
Ու գայն Բաբելոնի թագաւորին տարին.
Զինք բերդը դրին,
Որպէսզի իր ձայնը անգամ մըն ալ Իսրայէլի լեռներուն վրայ չլսուի:
- 10 Զու մայրդ քու նմանութեամբդ՝ ջուրերու քով տնկուած որթատունկի պէս է,
Որ յորդառատ ջուրերու պատճառով՝ պտղատու ոստերով լեցուեցաւ:
- 11 Ան գօրաւոր՝ շառաւիղներ ունեցաւ՝ կառավարիչներու մականներուն համար:
Իր հասակը տերեւախիտ ճիւղերուն մէջէն բարձրացաւ,
Եւ իր բարձրութեամբն ու ոստերուն առատութեամբ երեւցաւ:
- 12 Բայց ցասումով խլուեցաւ եւ գետինը ձգուեցաւ,
Արեւելեան հովը անոր պտուղը չորցուց.
Անոր գօրաւոր շառաւիղները կոտրեցան ու չորցան,
Եւ գանոնք կրակը սպառեց:
- 13 Հիմա անապատը տնկուած է,
Անջրդի ու ծարաւուտ երկրի մը մէջ:
- 14 Անոր բարունակներուն մէկ շառաւիղէն կրակ ելաւ,
Եւ անոր պտուղը սպառեց.
Անոր վրայ գօրաւոր շառաւիղ չմնաց՝ կառավարիչի մականի համար:
Ասիկա ողբ մըն է, եւ իբր՝ ողբերգ պիտի գործածուի՞»:

ԱՍՏՈՒԾՈՅ ԿԱՄԸ ԵՒ ՄԱՐԴՈՒՆ ՄԵՐԺՈՒՄԸ

20

Եօթներորդ տարին, հինգերորդ ամսուան տասներորդ օրը, Տէրոջ խորհուրդ հարցնելու համար Իսրայէլի երէցներէն մարդիկ եկան եւ իմ առջեւ նստան:

2 Ուստի «Տէրը խօսեցաւ» ինձի՝ ըսելով. 3 «Մարդո՛ւ որդի, խօսէ՛ Իսրայէլի երէցներուն հետ եւ ըսէ՛ անոնց. «Տէրը՝ Եհովան սա՛ կը յայտարարէ. "Միթէ դուք ինձի խորհո՞ւրդ հարցնելու եկաք: Ես կ'ապրի՛մ. ձեզի պիտի ՚չպատասխանեմ", կը պատգամէ Տէրը՝ Եհովան: 4 Միթէ անոնց դա՞տը պիտի պաշտպանես, մարդո՛ւ որդի. անոնց դա՞տը պիտի պաշտպանես: Գիտցո՞ւր անոնց իրենց հայրերուն գարշուրիւնները, 5 եւ ըսէ՛ անոնց. «Տէրը՝ Եհովան սա՛ կը յայտարարէ. "Այն օրը երբ Իսրայէլը ընտրեցի, Յակոբի տան զարմին ՚իմ ձեռքս բարձրացուցի" ու Եգիպտոսի մէջ զիս անոնց ճանչցուցի, իմ ձեռքս անոնց բարձրացնելով՝ ըսի. «Ե՛ս եմ Տէրը՝ ձեր Աստուածը»: 6 Այդ օրը իմ ձեռքս անոնց

^Է Եբբ.՝ դրուեցան

^Գ Եբբ.՝ գաւազաններ

^Է Եբբ.՝ ողբ պիտի ըլլայ

^Մ Եբբ.՝ Տէրոջ խօսքը եղաւ

^Բ Եբբ.՝ չթոյլատրեմ որ ինձի խորհուրդ հարցնէք

^Գ Այսինքն՝ երդում ըրի

բարձրացուցի, որպէսզի զիրենք Եգիպտոսի երկրէն հանեմ դէպի այն երկիրը՝ որ իրենց համար հետախուզած էի,– **երկիր մը՝** որ կաթ ու մեղր կը հոսեցնէ եւ բոլոր երկիրներուն պարծանքն է ,– **7** ու անոնց ըսի. «Ձեզմէ իւրաքանչիւրը թող վտարէ իր աչքերուն **դիտած պղծութիւնները**, եւ անմաքուր մի՛ ըլլաք Եգիպտոսի չաստուածներով. ե՛ս եմ Տէրը՝ ձեր Աստուածը»[□]»:

8 «Բայց անոնք ինծի դէմ ընդվզեցան ու չուզեցին ինծի մտիկ ընել. անոնցմէ ո՛չ մէկը վտարեց իր աչքերուն **դիտած պղծութիւնները**, ո՛չ ալ լքեցին Եգիպտոսի չաստուածները: Այն ատեն ըսի. “Իմ ցասումս անոնց վրայ պիտի թափեմ, եւ բարկութիւնս անոնց վրայ պիտի ՚իրագործեմ Եգիպտոսի երկրին մէջ[□]: **9** Սակայն **այդպէս** վարուեցայ իմ անունիս համար, որ ան չաղարտուի այն ^Եազգերուն աչքերուն՝ որոնց մէջ անոնք **կը գտնուէին, եւ** որոնց ^Գառջել զիս անոնց ճանչցուցի՝ զանոնք Եգիպտոսի երկրէն հանելով:

10 «Ջանոնք Եգիպտոսի երկրէն հանեցի եւ անապատը տարի. **11** իմ կանոններս անոնց տուի ու որոշումներս անոնց գիտցուցի, որոնցմով մարդ կ’ապրի՝ եթէ զանոնք գործադրէ: **12** Իմ Ծաբաթներս ալ անոնց տուի՝ որ նշան ըլլան իմ եւ անոնց միջեւ, որպէսզի գիտնան թէ ե՛ս եմ Տէրը՝ որ զիրենք կը սրբացնեմ:

13 «Բայց Իսրայէլի տունը ինծի դէմ ընդվզեցաւ անապատին մէջ: Իմ կանոններովս չընթացան ու որոշումներս ^Եմերժեցին, որոնցմով մարդ կ’ապրի՝ եթէ զանոնք գործադրէ: Իմ Ծաբաթներս մեծապէս պղծեցին. ուստի ըսի թէ իմ ցասումս անոնց վրայ պիտի թափեմ՝ անապատին մէջ, եւ զանոնք պիտի ^Բբնաջնջեմ: **14** Սակայն **այդպէս** վարուեցայ իմ անունիս համար, որ ան չաղարտուի այն ազգերուն աչքերուն՝ որոնց ^Բառջել զանոնք դուրս հանեցի: **15** Անապատին մէջ ալ իմ ձեռքս անոնց բարձրացուցի, որ զանոնք չտանհիմ այն երկիրը՝ որ տուեր էի **անոնց**, որ կաթ ու մեղր կը հոսեցնէ եւ բոլոր երկիրներուն պարծանքն է: **16** Արդարեւ իմ որոշումներս մերժեցին, կանոններովս չընթացան ու Ծաբաթներս պղծեցին, որովհետեւ անոնց սիրտը իրենց չաստուածներուն կը հետեւէր: **17** Բայց իմ աչքս անոնց խղճաց՝ որ զիրենք չբնաջնջեմ. ուստի անապատին մէջ զանոնք չսպառեցի:

18 «Անապատին մէջ անոնց որդիներուն ըսի. “Ձեր հայրերուն կանոններով մի՛ ընթանաք, անոնց սովորութիւնները մի՛ պահէք, եւ անոնց չաստուածներով անմաքուր մի՛ ըլլաք: **19** Ե՛ս եմ Տէրը՝ ձեր Աստուածը. ի՛մ կանոններովս ընթացէք, ի՛մ որոշումներս պահեցէք ու գործադրեցէ՛ք զանոնք: **20** Սրբացուցէ՛ք իմ Ծաբաթներս. անոնք նշան թող ըլլան իմ եւ ձեր միջեւ, որպէսզի գիտնաք թէ ե՛ս եմ Տէրը՝ ձեր Աստուածը[□]»:

21 «Բայց **անոնց** որդիներն ալ ինծի դէմ ընդվզեցան. իմ կանոններովս չընթացան, որոշումներս չպահեցին՝ զանոնք գործադրելու համար,– որոնցմով մարդ կ’ապրի՝ եթէ զանոնք գործադրէ,– եւ Ծաբաթներս պղծեցին: Ուստի ըսի. “Իմ ցասումս անոնց վրայ պիտի թափեմ, ու բարկութիւնս անոնց վրայ պիտի ՚իրագործեմ անապատին մէջ[□]: **22**

⁷ Եբր.՝ ակարտեմ

⁸ Կամ՝ հեթանոսներուն

⁹ Եբր.՝ աչքերուն առջել

¹⁰ Կամ՝ անարգեցին

¹¹ Եբր.՝ սպառեմ

¹² Եբր.՝ աչքերուն առջել

¹³ Եբր.՝ ակարտեմ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

Սակայն իմ ձեռքս ետ քաշեցի, եւ **այդպէս** վարուեցայ իմ անունիս համար, որ ան չաղարտուի այն ազգերուն աչքերուն՝ որոնց ի առջեւ զանոնք դուրս հանեցի:

23 «Նաեւ անապատին մէջ իմ ձեռքս անոնց բարձրացուցի, որ զանոնք ցրուեմ ազգերուն մէջ եւ սփռեմ երկիրներուն մէջ: **24** Արդարեւ իմ որոշումներս չկիրարկեցին, կանոններս մերժեցին ու Շաբաթներս պղծեցին, եւ իրենց աչքերը ՚հետեւեցան իրենց հայրերուն չաստուածներուն: **25** Ուստի ես ալ անոնց այնպիսի կանոններ տուի՝ որ ՚նպաստաւոր չէին, եւ այնպիսի որոշումներ՝ որոնցմով չէին **կրնար** ապրիլ: **26** Զանոնք իրենց ծննծաներով կ'ապականեցի, քանի ամէն արգանդ բացող **կրակէ** կ'անցընէին, որպէսզի զանոնք ամայացնեմ, ու գիտնան թէ ե՛ս եմ Տէրը»:

27 «Հետեւաբար, մարդո՛ւ որդի, խօսէ՛ Իսրայէլի տան եւ ըսէ՛ անոնց. “Տէրը՝ Եհովան սա՛ կը յայտարարէ. “Ձեր հայրերը սա՛ **կերպով** ալ զիս նախատեցին՝ ինծի հանդէպ ուխտագանց ըլլալով: **28** Արդարեւ երբ զանոնք տարի այն երկիրը, որուն համար ձեռքս բարձրացուցեր էի որ անոնց տամ, ամէն բարձր բլուր եւ ամէն տերեւախիտ ծառ տեսնելով՝ իրենց զոհերը հոն մատուցանեցին, իրենց գրգռիչ մատաղները հոն ծտարին, իրենց անոյշ հոտերը հոն ՚գետեղեցին եւ իրենց թափելիք նուէրները հոն ՚ընծայեցին”»:

29 (Անոնց ըսի. «Ի՞նչ է այդ բարձր տեղը՝ ուր դուք կ'երթաք, որուն անունը մինչեւ այսօր “Բարձր տեղ” կը կոչուի»:)

30 «Հետեւաբար ըսէ՛ Իսրայէլի տան. “Տէրը՝ Եհովան սա՛ կը յայտարարէ. “Դուք ձեր հայրերուն ՚ընթացքին հետեւելով”՝ կ'ապականիք, անոնց պղծութիւններուն հետեւելով կը պռռնկիք, **31** եւ ձեր ընծաները մատուցանելով ու ձեր որդիները կրակէ անցընելով՝ ձեր բոլոր չաստուածներով կ'ապականիք. միթէ ձեզի պիտի պատասխանե՞մ”, ո՛վ Իսրայէլի տունը: Ես կ'ապրի՛մ, – կը պատգամէ Տէրը՝ Եհովան. – ձեզի պիտի չպատասխանեմ”»:

32 «Երբեք պիտի չկատարուի ձեր մտածումը՝ որ կ'ըսէք. “Մենք փայտ ու քար

^h Եբբ.՝ աչքերուն առջեւ

ⁱ Եբբ.՝ ետեւէն եղան

^h Եբբ.՝ լաւ

^o Եբբ.՝ պարգեւներով

^y Եբբ.՝ անմաքուր ըրի

^o Եբբ.՝ հայհոյեցին

^o Եբբ.՝ տուին

^o Եբբ.՝ դրին

^o Եբբ.՝ թափեցին

^o Եբբ.՝ ճամբային մէջ

^o Եբբ.՝ անմաքուր կ'ըլլաք

^o Եբբ.՝ պիտի թոյլատրե՞մ որ ինծի խորհուրդ հարցնէք

^o Եբբ.՝ չըլլայ

պաշտելով, չհեթանոսներուն պէս՝ երկիրներու գերդաստաններուն պէս պիտի ըլլանք[□]»:

ԱՍՏՈՒԱԾ ԿԸ ՊԱՏԺԷ ԵՒ ԿԸ ՆԵՐԷ

33 «Ես կ'ապրի՛մ,– կը պատգամէ Տէրը՝ Եհովան.– անշուշտ ձեր վրայ ուժեղ ձեռքով, երկարած բազուկով ու թափուած ցասումով պիտի թագաւորեմ: **34** Ուժեղ ձեռքով, երկարած բազուկով եւ թափուած ցասումով ձեզ ժողովուրդներէն պիտի հանեմ, ու ձեզ պիտի հաւաքեմ այն երկիրներէն՝ ուր դուք ցրուեցաք: **35** Ձեզ ժողովուրդներուն անապատը պիտի տանիմ, եւ հոն ձեզի հետ դատ պիտի վարեմ՝ երես առ երես: **36** Ինչպէս Եգիպտոսի երկրին անապատին մէջ ձեր հայրերուն հետ դատ վարեցի, այնպէս ալ ձեզի հետ դատ պիտի վարեմ,– կը պատգամէ Տէրը՝ Եհովան.– **37** ձեզ գաւազանին տակէն պիտի անցընեմ եւ ուխտին կապին մէջ մտցնեմ: **38** Ըմբոստներն ու ինծի դէմ յանցանք գործողները ձեզմէ պիտի զատեմ. զանոնք իրենց գաղթականութեան երկրէն պիտի հանեմ, սակայն անոնք Իսրայէլի ^uերկիրը պիտի չմտնեն: Այն ատեն պիտի գիտնաք թէ ե՛ս եմ Տէրը»:

39 «Իսկ ձեզի, ո՛վ Իսրայէլի տունը, Տէրը՝ Եհովան սա՛ կը յայտարարէ. “Գացէ՛ք, ձեզմէ իւրաքանչիւրը ասկէ ետքն ալ թող պաշտէ իր չաստուածները, եթէ **չուզէք** ինծի մտիկ ընել. բայց իմ սուրբ անունս մի՛ պղծէք ձեր ընծաներով ու չաստուածներով: **40** Արդարեւ իմ սուրբ լերանս վրայ, Իսրայէլի բարձր լերան վրայ,– կը պատգամէ Տէրը՝ Եհովան,– հո՛ն ամբողջ Իսրայէլի տունը զիս պիտի պաշտէ, անոնց բոլորը՝ **իրենց** երկրին մէջ: Հոն անոնց պիտի հաճիմ, եւ հոն պիտի պահանջեմ ձեր բարձրացնելիք ընծաներն ու ձեր պարգեւներուն ²երախայրիքը՝ ձեր բոլոր սուրբ բաներով: **41** Երբ ձեզ ազգերէն հանեմ եւ հաւաքեմ այն երկիրներէն՝ ուր ցրուած էք, ձեր անոյշ հոտին հետ ձեզի պիտի հաւանիմ, ու ձեր մէջ ^uպիտի փառաւորուիմ” ազգերուն աչքերուն **առջեւ**: **42** Երբ ձեզ Իսրայէլի ^uերկիրը տանիմ, այն երկիրը՝ որուն համար ձեռքս բարձրացուցի որ ձեր հայրերուն տամ, պիտի գիտնաք թէ ե՛ս եմ Տէրը: **43** Հոն պիտի յիշէք ձեր ընթացքն ու բոլոր արարքները՝ որոնցմով ⁴ապականեցաք, եւ ձեր գործած բոլոր չարիքներուն համար դուք ձեզմէ պիտի զզուիք: **44** Պիտի գիտնաք թէ ե՛ս եմ Տէրը, երբ ձեզի հետ **այդպէս** վարուիմ՝ իմ անունիս համար, եւ ո՛չ թէ ձեր վատ ^uընթացքին ու ապականած արարքներուն համեմատ, ո՛վ Իսրայէլի տունը[□]», կը պատգամէ Տէրը՝ Եհովան:

ⁿ Եբբ.՝ հոգիին մէջ բարձրացածը

^z Կամ՝ ազգերուն

^u Եբբ.՝ հողը

² Եբբ.՝ առաջինները

ⁿ Եբբ.՝ սուրբ պիտի ըլլամ

^u Եբբ.՝ հողը

⁴ Եբբ.՝ անմաքուր եղաք

ⁿ Եբբ.՝ ճամբաներուն

45 ^րՏէրը խօսեցաւ՝ ինծի՝ ըսելով. 46 «Մարդո՛ւ որդի, ^ճուղղէ՛ երեսդ դէպի հարաւ, չխօսէ՛ դէպի հարաւ, ու մարգարէացի՛ր հարաւային դաշտի անտառին դէմ: 47 Ըսէ՛ հարաւային անտառին. «Մտի՛կ ըրէ Տէրոջ խօսքը. Տէրը՝ Եհովան սա՛ կը յայտարարէ. "Ահա՛ ես քու մէջդ կրակ պիտի ^Վվառեմ, որ պիտի սպառէ մէջդ եղած ամէն դալար ծառ եւ ամէն չոր ծառ: Բռնկած բոցը պիտի չմարի, ու անով բոլոր երեսները պիտի այրին՝ հարաւէն մինչեւ հիւսիս: 48 Ամէն մարմին պիտի տեսնէ թէ ե՛ս՝ Տէրս զայն վառեցի. ան պիտի չմարի"»: 49 Այն ատեն ես ըսի. «Ո՛հ, Տէ՛ր Եհովա, անոնք ինծի համար կ'ըսեն. "Միթէ ասիկա առակներ չի՞ խօսիր»:

ԱՍՏՈՒԾՈՅ ՍՈՒՐԸ

21

«Տէրը խօսեցաւ՝ ինծի՝ ըսելով. 2 «Մարդո՛ւ որդի, ^Բուղղէ՛ երեսդ դէպի Երուսաղէմ, չխօսէ՛ սրբարաններուն, ու մարգարէացի՛ր Իսրայէլի ^Ներկրին դէմ: 3 Ըսէ՛ Իսրայէլի երկրին. «Տէրը սա՛ կը յայտարարէ. "Ահա՛ ես քեզի դէմ եմ. իմ սուրս իր պատեանէն պիտի հանեմ, եւ արդարն ու ամբարիշտը քու մէջէդ պիտի բնաջնջեմ: 4 Զանի արդարն ու ամբարիշտը քու մէջէդ պիտի բնաջնջեմ, իմ սուրս իր պատեանէն պիտի հանուի ամէն մարմինի դէմ՝ հարաւէն մինչեւ հիւսիս, 5 եւ ամէն մարմին պիտի գիտնայ թէ ե՛ս՝ Տէրս իմ սուրս իր պատեանէն հաներ եմ. ան անգամ՝ մըն ալ ^{հոն} պիտի չվերադառնայ"»: 6 Իսկ դո՛ւն, մարդո՛ւ որդի, հառաչէ՛ մէջքդ բեկանելու ^{չափ}, հառաչէ՛ դառնութեամբ՝ անոնց աչքերուն առջեւ: 7 Երբ քեզի ըսեն. "Ինչո՞ւ կը հառաչես», պատասխանէ՛. «Գոյժին համար, որովհետեւ կու գայ. ամէն սիրտ պիտի հալի, ամէն ձեռք պիտի թուլնայ, ամէն հոգի պիտի յուսալքուի, եւ ամէն ծունկ ջուրի ^{պէս} պիտի ^եհոսի: Ահա՛ կու գայ, ու պիտի ^հիրազործուի», կը պատգամէ Տէրը՝ Եհովան»:

8 Դարձեալ ^ԵՏէրը խօսեցաւ՝ ինծի՝ ըսելով. 9 «Մարդո՛ւ որդի, մարգարէացի՛ր եւ ըսէ՛.

- ^ր Եբբ.՝ Տէրոջ խօսքը եղաւ
- ^ճ Եբբ.՝ դի՛ր
- ^Վ Եբբ.՝ խօ՛սքդ կաթեցուր
- ^Վ Եբբ.՝ բռնկեցնեմ
- ^ս Եբբ.՝ Տէրոջ խօսքը եղաւ
- ^Բ Եբբ.՝ դի՛ր
- ^Գ Եբբ.՝ խօ՛սքդ կաթեցուր
- ^Դ Եբբ.՝ հողին
- ^Ե Եբբ.՝ երթայ
- ^Զ Եբբ.՝ ըլլայ
- ^Է Եբբ.՝ Տէրոջ խօսքը եղաւ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

“Տէրը սա՛ կը յայտարարէ. “Ըսէ՛. «Սո՛ւրը, սո՛ւրը սրուեցաւ. նաեւ յղկուեցաւ»: **10** Մեծ սպանո՞ղ ընելու համար սրուեցաւ, փայլատակելու համար յղկուեցաւ: Ուստի բերկրի՞նք. ^բիմ որդիիս գաւազանը ամէն փայտ կ’անարգէ՛”: **11** Ինք զայն յղկուելու տուաւ, որպէսզի ձեռքով բռնուի. այս սուրը սրուած ու յղկուած է, որպէսզի զայն սպաննողին ձեռքը տայ: **12** Աղաղակէ՛ եւ գոռա՛, մարդո՛ւ որդի, քանի որ ան իմ ժողովուրդիս դէմ, Իսրայէլի բոլոր իշխաններուն դէմ պիտի ըլլայ. իմ ժողովուրդիս վրայ արհաւիրք պիտի ըլլայ սուրի պատճառով: Հետեւաբար զա՛րկ քու ազդրիդ, **13** որովհետեւ փորձը եղաւ. եւ ի՞նչ **պիտի ըլլայ**, եթէ **այդ** անարգող գաւազանը ա՛լ չըլլայ”, կը պատգամէ Տէրը՝ Եհովան:»:

14 «Դո՛ւն, մարդո՛ւ որդի, մարգարէացի՛ր, ձեռքերդ իրարո՛ւ զարկ, ու սուրին **հարուածները** թող կրկնուի՛ն, եռապատկուի՛ն: Ասիկա խոցուածներուն սուրն է, ^բխոցուածներուն մեծ՝ սուրը՝ որ զանոնք ^գշրջապատեց: **15** Անոնց բոլոր դռներուն դէմ սպառնացող սուրը դրի, որպէսզի իրենց սիրտը հալի ու խոչընդոտները բազմանան: Աւա՛ղ, անիկա փայլատակելու համար շինուեցաւ, մորթելու համար սրուեցաւ: **16** Հաւաքէ՛ ոյժերդ՛, **զարկ** քու աջ կամ ձախ կողմդ, ո՛ւր որ երեսդ ինդղուած ըլլայ՝: **17** Ե՛ս ալ ձեռքերս իրարու պիտի զարնեմ, եւ իմ ցասումս իջեցնեմ: Ես՝ Տէրս խօսեցայ»:

ԲԱԲԵԼՈՆԻ ԹԱԳԱՒՈՐԻՆ ՍՈՒՐԸ

18 ^աՏէրը խօսեցաւ՝ ինծի՛ ըսելով. **19** «Մարդո՛ւ որդի, դուն քեզի երկո՛ւ ճամբայ ^բպատրաստէ, որպէսզի Բաբելոնի թագաւորին սուրը գայ: Անոնք երկուքն ալ մէկ երկրէ թող ելլեն: ^գՅուցանշա՛ն մը ^դկերտէ. **զայն** քաղաքին ճամբային գլո՛ւխը կերտէ: **20** Ծամբա՛յ պատրաստէ, որպէսզի սուրը հասնի Ամմոնի որդիներուն Ռաբբային վրայ, եւ Յուդայի մէջ եղող պարսպապատ Երուսաղէմի վրայ:

21 «Արդարեւ Բաբելոնի թագաւորը մայրուղիին վրայ կայնած է՝ երկու ճամբաներուն գլուխը, որպէսզի դիւթութիւն ընէ: Իր նետերը կը ցնցէ, ^եընտանեկան կուռքերուն՝ կը հարցնէ. լեարդը կը զննէ: **22** Իր աջ ձեռքին մէջ դիւթութիւն կայ՝ Երուսաղէմի վերաբերեալ, որպէսզի ^զքարընկէցներ դնեն, ^ապատերազմի մէջ իրենց բերանը բանան ու

^բ **Կամ՝** ան կ’անարգէ իմ որդիիս գաւազանը, ինչպէս **ուրիշ** ամէն փայտ

^բ **Կամ՝** խոցուած մեծ **մարդոց**

^գ **Կամ՝** խոցեց

^դ **Եբբ.՝** հանդիպի

^ե **Կամ՝** հանդարտեցնեմ

^ա **Եբբ.՝** Տէրոջ խօսքը եղաւ

^բ **Եբբ.՝** դիր

^գ **Եբբ.՝** Չե՛ռք

^դ **Եբբ.՝** ստեղծէ

^ե **Եբբ.՝** թերափիմներուն

^ա **Եբբ.՝** խոյեր

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

գոռումով ձայն բարձրացնեն, դռներու դէմ քարընկէցներ դնեն, հողաբլուր բարձրացնեն **եւ** մարտկոց կառուցանեն: **23** Բայց ասիկա անոնց համար՝ իրենց աչքերուն սնոտի դիւթութեան մը պէս պիտի ըլլայ, **քանի որ** անոնք երդումներ ըրեր էին. իսկ ինք **իրենց** անօրէնութիւնը պիտի յիշեցնէ, որպէսզի բռնուին:

24 «Հետեւաբար Տէրը՝ Եհովան սա՛ կը յայտարարէ. «Քանի դուք ձեր անօրէնութիւնը յիշեցուցիք, երբ ձեր յանցանքները յայտնուեցան ու բոլոր արարքներուն մէջ ձեր մեղքերը երեւցան, քանի **զանոնք** յիշեցուցիք՝ **անոր** ձեռքով պիտի բռնուիք»: **25** «Իսկ դո՛ւն, ո՛վ Իսրայէլի պիղծ **եւ** ամբարիշտ իշխան, որուն օրը – անօրէնութեան վախճանին ժամանակը – հասած է, **26** Տէրը՝ Եհովան սա՛ կը յայտարարէ. «Խոյրը պիտի վերցուի ու պսակը հանուի. «իրավիճակը պիտի փոխուի». ցածը պիտի բարձրանայ, **եւ** բարձրը պիտի ցածնայ: **27** Զայն պիտի յեղաշրջեմ, պիտի յեղաշրջեմ, պիտի յեղաշրջեմ. բայց ասիկա պիտի չըլլայ, մինչեւ գայ ա՛ն՝ որուն կը պատկանի դատաստանը. **եւ** **զայն** անոր պիտի յանձնեմ»:

ՍՈՒՐԸ ԵՒ ԱՄՍՈՆԱՅԻՆԵՐԸ

28 «Դո՛ւն, մարդո՛ւ որդի, մարգարէացի՛ր **եւ** ըսէ. «Ամմոնի որդիներուն մասին ու անոնց նախատինքին մասին Տէրը՝ Եհովան սա՛ կը յայտարարէ. "Սուրը, սուրը՝ քաշուած է. մորթելու համար յղկուած է՝ որ իր փայլատակումով սպառէ, **29** մինչ քեզի համար ունայն տեսիլքներ **կը տեսնեն** **եւ** սուտ դիւթութիւն **կ'ընեն**, որպէսզի քեզ դնեն "սպաննուելիք ամբարիշտներուն վիզին վրայ, որոնց օրը – անօրէնութեան վախճանին ժամանակը – հասած է. **30** միթէ **զայն** իր պատեա՞նը վերադարձնեմ: Քեզ պիտի դատեմ այն տեղը՝ ուր ստեղծուեցար, քու ²հայրենի երկրիդ մէջ: **31** Զու վրադ իմ սրտմտութիւնս պիտի թափեմ. քու վրադ իմ ցասումիս կրակով պիտի փչեմ, ու քեզ անխելք մարդոց ձեռքը պիտի մատնեմ, որոնք կոտորելու "վարպետ են: **32** Կրակի ճարակ պիտի ըլլաս, քու արիւնդ երկրին մէջտեղը պիտի չհոսի, **եւ** ա՛յլ պիտի չյիշուիս. արդարեւ **եւ** Տէրս խօսեցայ"»:

ԵՐՈՒՍԱՂԷՄԻ ՈՃԻՐՆԵՐԸ

22

«Տէրը խօսեցաւ՝ ինծի՛ ըսելով. **2** «Դո՛ւն, մարդո՛ւ որդի, պիտի դատե՞ս, պիտի դատե՞ս

⁶ Եբբ.՝ ջարդի

⁷ Եբբ.՝ ասիկա այսպէս պիտի չըլլայ

¹ Եբբ.՝ բացուած

⁶ Եբբ.՝ խոցուելիք

² Եբբ.՝ ծագումի

ⁿ Եբբ.՝ արհեստաւոր

^է Եբբ.՝ ըլլայ

^u Եբբ.՝ Տէրոջ խօսքը եղաւ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

այս արիւնահեղ քաղաքը: Ուրեմն գիտցո՛ւր անոր իր բոլոր գարշութիւնները, **3** եւ ըսէ՛.
“Տէրը՝ Եհովան սա՛ կը յայտարարէ. **“Ո՛վ քաղաք, – որ քու մէջդ արիւն կը թափես՝ որպէսզի ժամանակդ գայ, ու քեզի չաստուածներ կը շինես՝ քեզ անմաքուր ընելու համար, – 4** դուն քու թափած արիւնովդ յանցաւոր եղար, եւ շինած չաստուածներովդ քեզ անմաքուր ըրիր. քու օրերդ մօտեցուցիր ու տարիներուդ **վախճանին** հասար. հետեւաբար քեզ **Պապերուն** նախատինքին եւ բոլոր երկիրներուն ծաղրանքին մատնեցի: **5** Մօտ թէ հեռու եղողները քեզ պիտի ծաղրեն, **ո՛վ վատահամբաւ եւ խռովալից քաղաք՝**□:”

6 «Ահա՛ քու մէջդ եղող Իսրայէլի իշխանները արիւն թափեցին, իւրաքանչիւրը իր **Պապերուն** համեմատ: **7** Զու մէջդ հայրն ու մայրը անարգեցին. քու մէջդ գաղթականը հարստահարեցին. քու մէջդ որդին եւ այրին կեղեքեցին: **8** Իմ սուրբ բաներս արհամարհեցիր ու Ծաբաթներս պղծեցիր: **9** Զու մէջդ բանսարկու մարդիկ եղան՝ արիւն թափելու համար. քու մէջդ լեռներու վրայ կերան. քու մէջդ լրբութիւն գործեցին: **10** Զու մէջդ **որդիներ իրենց** հօր մերկութիւնը բացին. քու մէջդ դաշտանի **պատճառով** անմաքուր եղող կիներ բռնաբարեցին: **11** Մէկը իր ընկերին կնոջ հետ գարշութիւն գործեց, միւսը լրբութեամբ իր հարսը պղծեց, ուրիշ մըն ալ քու մէջդ իր քոյրը՝ իր հօր աղջիկը բռնաբարեց: **12** Զու մէջդ կաշառք ստացան՝ արիւն թափելու համար. վաշխ ու տոկոս ստացար. ազահութեամբ ընկերներդ հարստահարեցիր, եւ զիս մոռցար», կը պատգամէ Տէրը՝ Եհովան:

13 «Ուստի ահա՛ ձեռքերս իրարու զարկի՝ քու բանեցուցած ազահութեանդ ու մէջդ եղած **արիւնահեղութեան** համար: **14** Միթէ սիրտդ պիտի դիմանա՞յ, կամ ձեռքերդ ուժեղ պիտի ըլլա՞ն այն օրերը՝ երբ ես քեզի **հատուցում** պիտի ընեմ: Ես՝ Տէրս խօսեցայ, ու պիտի իրագործեմ: **15** Զեզ ազգերուն մէջ պիտի ցրուեմ, քեզ երկիրներուն մէջ պիտի սփռեմ, եւ անմաքութիւնդ քու մէջդ պիտի **Պանհետացնեմ**: **16** Դուն քեզ պիտի անպատուես ազգերուն աչքերուն, ու պիտի գիտնաս թէ ե՛ս եմ Տէրը»:

ԱՍՏՈՒԾՈՅ ԶՏՈՂ ՓՈՒՌԸ

17 **“Տէրը խօսեցաւ”** ինծի՝ ըսելով. **18** «Մարդո՛ւ որդի, Իսրայէլի տունը ինծի **Խարամի** պէս եղաւ. բոլորը քուրային մէջ՝ պղինձի, անագի, երկաթի ու կապարի **պէս**՝ արծաթի խարամ եղան: **19** Հետեւաբար Տէրը՝ Եհովան սա՛ կը յայտարարէ. “Զանի բոլորդ խարամի պէս եղաք, ահա՛ ես ձեզ Երուսաղէմի մէջ պիտի հաւաքեմ: **20** Ինչպէս արծաթը, պղինձը, երկաթը, կապարն ու անագը քուրային մէջ կը հաւաքեն եւ անոր վրայ կրակը կը փչեն՝ **զանոնք** հալեցնելու համար, այնպէս ալ ձեզ բարկութեամբս ու ցասումովս պիտի հաւաքեմ, **անոր մէջ** պիտի ձգեմ եւ հալեցնեմ: **21** Ձեզ դիզելով՝ ձեր վրայ իմ ցասումիս

^բ **Կամ՝** քեզի դէմ

^գ **Կամ՝** հեթանոսներուն

^դ **Եբր.՝** բազուկին

^ե **Եբր.՝** արիւնին

^զ **Եբր.՝** վերջացնեմ

^է **Եբր.՝** Տէրոջ խօսքը եղաւ

^ը **Այսինքն՝** հալած մետաղի կեղտի

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

կրակը պիտի փչեմ, ու դուք ^բանոր մէջ պիտի հալիք: **22** Ինչպէս արծաթը քուրային մէջ կը հալի, դուք **ալ** անոր մէջ այնպէս պիտի հալիք, եւ պիտի գիտնաք թէ ես՝ Տէրս իմ ցասունս թափեցի ձեր վրայ[□]»:

ԻՍՐԱՅԷԼԻ ՂԵԿԱՎԱՐՆԵՐՈՒՆ ՄԵՂԸ

23 ^ճՏէրը խօսեցաւ՝ ինծի՝ ըսելով. **24** «Մարդո՛ւ որդի, ըսէ՛ անոր. “Դուն այնպիսի երկիր մըն ես՝ որ ո՛չ մաքրուած է, ո՛չ ալ տեղատարափով թրջուած՝ սրտմտութեան օրը[□]: **25** Անոր մէջ իր մարգարէները կը դաւադրեն. ինչպէս մոնչող առիւծը որսը կը բզքտէ, անոնք անձերը կը լափեն. գանձերն ու պատուական **բաները** կը գրաւեն, եւ այրիները կը շատցնեն անոր մէջ: **26** Անոր քահանաները իմ Օրէնքս բռնաբարեցին ու սուրբ բաներս պղծեցին. սուրբը անսուրբէն չգանազանեցին, եւ անմաքուրին ու մաքուրին **տարբերութիւնը** չգիտցուցին: Իրենց աչքերը իմ ^ԷՇաբաթներս անտեսեցին”, ու ես անոնց մէջ ^Ըպիղծ սեպուեցայ”:
27 Անոր իշխանաւորները իր մէջ որսը բզքտող գայլերու պէս են. արիւն կը թափեն **եւ** անձեր կը կորսնցնեն, որպէսզի ազահութեամբ շահին: **28** Անոր մարգարէները զանոնք շաղախով ծեփեցին՝ ունայն տեսիլքներով ու ^Խսուտ դիւթութեամբ՝ անոնց ըսելով. “Տէրը՝ Եհովան սա՛ կը յայտարարէ[□], թէպէտ Տէրը խօսած չէր: **29** Երկրին ժողովուրդը կը հարստահարէ եւ կը յափշտակէ. դժբախտն ու աղքատը կը կեղեքէ, եւ գաղթականը անիրաւութեամբ կը հարստահարէ: **30** Անոնց մէջ մարդ մը փնտռեցի՝ որ ցանկապատը փակէ ու խրամատին մէջ իմ առջեւ կայնի՝ երկրին համար, որպէսզի զայն չկործանեմ. բայց չգտայ: **31** Ուստի իմ սրտմտութիւնս անոնց վրայ թափեցի, զանոնք իմ ցասումիս կրակով ^Բքնաջնջեցի, անոնց ^Կարարքներուն **պատիժը** իրենց վրայ բերի”»:
կը պատգամէ Տէրը՝ Եհովան:

ՄԵՂԱԽՈՐ ԶՈՅՐԵՐԸ

23

Դարձեալ ^ՄՏէրը խօսեցաւ՝ ինծի՝ ըսելով. **2** «Մարդո՛ւ որդի, երկու կիներ կային, մէկ մօր աղջիկներ: **3** Անոնք Եգիպտոսի մէջ պոռնկեցան, իրենց երիտասարդութեան ատենը պոռնկեցան. անոնց ծիծերը հոն ճնշուեցան, անոնց կուսութեան ստիւնները հոն ^Զշօշափուեցան: **4** Անոնց անուններն էին՝ մեծինը՝ ^ՊՈհողա, եւ անոր քրոջ՝ ^ՌՈհողիբա:

^բ Այսինքն՝ Երուսաղէմի

^ճ Եբր.՝ Տէրոջ խօսքը եղաւ

^Է Եբր.՝ Շաբաթներէս թաքուն պահեցին

^Ը Կամ՝ աղարտուեցայ

^Խ Եբր.՝ սուտեր դիւթելով

^Կ Եբր.՝ սպառեցի

^Բ Եբր.՝ ճամբան իրենց գլուխին վրայ դրի

^Մ Եբր.՝ Տէրոջ խօսքը եղաւ

^Բ Եբր.՝ գործածուեցան

Յետոյ անոնք իմս եղան, ու որդիներ եւ աղջիկներ ծնան: **Ահա՛ւասիկ** անոնց անունները.— Ոհողա՛ Սամարիա, ու Ոհողիբա՛ Երուսաղէմ:

5 «Ոհողա՛ թէպէտ իմս էր՝ պոռնկեցաւ. իր հոմանիներուն սիրահարեցաւ, **այսինքն՝ իր** ասորեստանցի հարեւաններուն, **6** ^Եկապուտակ հագնող կուսակալներուն ու նախարարներուն. անոնք բոլորը ցանկալի երիտասարդներ էին, ձի հեծնող ձիաւորներ: **7** Ան ^Գպոռնկեցաւ իրենց հետ, **այսինքն՝** Ասորեստանցի բոլոր ընտիր որդիներուն հետ. նաեւ բոլոր անոնց հետ՝ որոնց սիրահարեցաւ **եւ** անոնց բոլոր չաստուածներով ինքզինք ^Կպղծեց: **8** Եգիպտոսէն **բերած** պոռնկութիւնները չլքեց. արդարեւ իր երիտասարդութեան ատեն իրեն հետ պառկեր էին, իր կուսութեան ստինքները շօշափեր էին եւ իրենց պոռնկութիւնը իր վրայ թափեր էին: **9** Հետեւաբար զայն իր հոմանիներուն ձեռքը յանձնեցի, Ասորեստանցիներուն ձեռքը, որոնց սիրահարած էր: **10** Անոնք իր մերկութիւնը բացին, իր որդիներն ու աղջիկները յափշտակեցին, եւ զինք սուրով մեռցուցին: Այսպէս՝ ան կիներուն մէջ անուանի եղաւ, եւ իր վրայ դատավճիռներ կիրարկեցին:

11 «Երբ անոր քոյրը՝ Ոհողիբա **ասիկա** տեսաւ, իր սիրահարութեամբ անկէ աւելի ապականեցաւ, եւ իր պոռնկութիւնները քրոջ պոռնկութիւններէն աւելի **շատցուց: 12** **Իր** հարեւաններուն սիրահարեցաւ, **այսինքն՝** Ասորեստանցիներուն, ^Բշքեղազգեստ կուսակալներուն ու նախարարներուն. անոնք բոլորը ցանկալի երիտասարդներ էին, ձի հեծնող ձիաւորներ: **13** Տեսայ թէ պղծուեցաւ, **ու** երկուքին ^Քընթացքն ալ նոյնը՝ եղաւ: **14** Իր պոռնկութիւնները աւելցուց, քանի որ երբ պատին վրայ գծուած մարդիկ տեսաւ, ^Գնօթով գծագրուած Զաղդէացիներուն պատկերները,— **15** որոնք իրենց մէջքը գօտի կապած էին, իրենց գլուխին վրայ ներկուած ապարօշներ իունէին, ու բոլորը զօրավարներու տեսքով էին, իրենց ՝ծննդավայրին՝ Զաղդէաստանի Բաբելոնացիներուն նման,— **16** **զանոնք** իր աչքերով տեսնելով՝ անոնց սիրահարեցաւ, եւ անոնց պատգամաւորներ դրկեց՝ Զաղդէաստան: **17** Բաբելոնացիները իրեն հետ տարփանքի անկողինը մտան, ու զինք իրենց պոռնկութիւններով պղծեցին. ինք անոնց հետ պղծուեցաւ, **յետոյ** իր անձը անոնցմէ անջատուեցաւ: **18** Իր պոռնկութիւնները յայտնեց եւ իր մերկութիւնը բացաւ. ուստի իմ անձս անկէ անջատուեցաւ, ինչպէս անոր քրոջմէն անջատուեր էր: **19** Այսպէս ան իր պոռնկութիւնները բազմապատկեց, յիշելով իր

^Գ **Այսինքն՝** իր վրանը

^Դ **Այսինքն՝** իմ վրանս իր մէջ

^Ե **Այսինքն՝** կապուտակով ներկուած կերպաս

^Զ **Երբ.**՝ իր պոռնկութիւններուն յանձնուեցաւ

^Է **Երբ.**՝ անմաքուր ըրաւ

^Ը **Երբ.**՝ կատարելապէս հագուած

^Թ **Երբ.**՝ ճամբան ալ մէկ

^Ժ **Այսինքն՝** բարձրորակ կարմիր ներկով

^Ի **Երբ.**՝ տարածած էին

^Լ **Երբ.**՝ ծնունդի երկրին

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

երիտասարդութեան օրերը՝ Եգիպտոսի երկրին մէջ պոռնկած ժամանակը: **20** Ուստի սիրահարեցաւ անոնց տարփածուններուն, որոնց մարմինը էշերու մարմինին պէս էր, եւ անոնց սերմնացայտումը՝ ձիերու սերմնացայտումին պէս: **21** Դուն երիտասարդութեանդ լրբութիւնը՝ խվերյիշեցիր, երբ երիտասարդութեանդ ծիծերը **ճնշուելով՝** ստինքներդ Եգիպտացիներէն կը շօշափուէին»:

ՓՈՔՐ ԸՐՈՋ ԴՍՏԱՍՏԱՆԸ

22 «Հետեւաբար, ո՛վ Ոհողիբա, Տէրը՝ Եհովան սա՛ կը յայտարարէ. «Ահա՛ ես քեզի դէմ պիտի գրգռեմ քու հոմանիներդ, որոնցմէ քու անձդ անջատուեցաւ, եւ զանոնք ամէն կողմէ քեզի դէմ պիտի բերեմ.– **23** Բաբելոնացիներն ու բոլոր Զաղդէացիները, Փակուղը, Սուէն ու Կուէն», եւ անոնց հետ բոլոր Ասորեստանցիները, բոլորը՝ ցանկալի երիտասարդներ, կուսակալներ ու նախարարներ, բոլորը ձի հեծնող զօրավարներ եւ անուանի **մարդիկ: 24** Անոնք մարտակառքերով, կառքերով, անիւներով ու ժողովուրդներու համախմբումով քեզի դէմ պիտի գան. ամէն կողմէ քեզի դէմ պիտի ՚շարուին՝ ասպարով, վահանով եւ սաղաւարտով: Դատաստանը անոնց ՚պիտի յանձնեմ՝, ու քեզ իրենց կանոններով պիտի դատեն: **25** Իմ նախանձախնդրութիւնս պիտի ՚կիրարկեմ քեզի դէմ, որ ցասումով վարուին քեզի հետ: Զու քիթդ եւ ականջներդ պիտի ՚կտրեն, ու քեզմէ մնացածը սուրով պիտի իյնայ: Զու որդիներդ եւ աղջիկներդ պիտի յափշտակեն, ու քեզմէ մնացածը կրակով պիտի սպառի: **26** Զու հագուստներէդ քեզ պիտի մերկացնեն, եւ շքեղ ՚զարդերդ պիտի գրաւեն: **27** Զեզմէ պիտի դադրեցնեմ լրբութիւնդ ու պոռնկութիւններդ, որոնք Եգիպտոսի երկրէն **բերիր**, որպէսզի աչքերդ անոնց չվերցնես եւ անգամ մըն ալ Եգիպտոսը չյիշես»:

28 Արդարեւ Տէրը՝ Եհովան սա՛ կը յայտարարէ. «Ահա՛ ես քեզ պիտի մատնեմ անոնց ձեռքը՝ որ դուն ատեցիր, անոնց ձեռքը՝ որոնցմէ անձդ անջատուեցաւ: **29** Անոնք քեզի հետ ատելութեամբ պիտի վարուին, ամբողջ վաստակդ պիտի գրաւեն, ու քեզ մերկ եւ անծածկոյթ պիտի թողուն. քու պոռնկութիւններուդ մերկութիւնը, լրբութիւնդ ու պոռնկութիւնդ պիտի յայտնուին: **30** Զեզի պիտի ա՛յսպէս պիտի վարուիմ, քանի ՚հեթանոսներուն հետ պոռնկեցար եւ անոնց չաստուածներով ՚ապականեցար: **31** Դուն քրոջդ ճամբայէն ընթացար, ես ալ անոր բաժակը քու ձեռքդ պիտի տամ»:

¹ Եբր.՝ աչքէ անցուցիր

² Կամ՝ վերատեսուչները, հարուստներն ու ազնուականները

³ Եբր.՝ դրուին

⁴ Եբր.՝ առջեւ պիտի դնեմ

⁵ Եբր.՝ դնեմ

⁶ Եբր.՝ փրցնեն

⁷ Եբր.՝ իրերդ

⁸ Կամ՝ ազգերուն

⁹ Եբր.՝ անմաքուր ըլլալուդ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

Եհովան սա՛ կը յայտարարէ. «Դուն քրոջդ խորունկ ու լայն բաժակը պիտի խմես. քու վրադ պիտի խնդացնես եւ պիտի ծաղրուիս, որովհետեւ շատ բան կը պարունակէ: **33** Գինովութեամբ ու տրտմութեամբ պիտի լեցուիս, քանի ապշութեան եւ «գարմացումի բաժակ մըն է քու քրոջդ՝ Սամարիայի բաժակը: **34** Դուն զայն պիտի խմես ու պիտի քամես, պիտի շկոտրտես եւ անոր ՚խեցատներով չստինքներդ պիտի պատռտես, որովհետեւ ես խօսեցայ», կը պատգամէ Տէրը՝ Եհովան: **35** Հետեւաբար Տէրը՝ Եհովան սա՛ կը յայտարարէ. «Քանի զիս մոռցար ու կռակիդ ետելը նետեցիր, դո՛ւն ալ քու լրբութեանդ եւ պռռնկութիւններուդ պատիժը պիտի կրես»:

ԵՐԿՈՒ ԶՈՅՐԵՐՈՒՆ ԴՍՏԱՍՏԱՆԸ

36 Նաեւ Տէրը ինծի ըսաւ. «Մարդո՛ւ որդի, պիտի դատե՞ս Ոհողան ու Ոհողիբան. ուրեմն յայտնէ՛ անոնց իրենց գարշութիւնները: **37** Արդարեւ շնութիւն ըրին, եւ իրենց ձեռքերնուն վրայ արին կայ. իրենց չաստուածներով շնութիւն ըրին, ու նոյնիսկ ինծի ծնած իրենց որդիները կրակէ անցուցին, որպէսզի անոնց կերակուր ըլլան: **38** Նաեւ սա՛ ըրին ինծի.— նոյն օրը իմ սրբարանս «ապականեցին եւ Շաբաթներս պղծեցին, **39** որովհետեւ երբ իրենց որդիները զոհէին իրենց չաստուածներուն, նոյն օրը իմ սրբարանս կը մտնէին՝ որպէսզի զայն պղծեն. ահա՛ ինչ որ ըրին իմ տանս մէջ: **40** Նաեւ լուր դրկեցիք որ մարդիկ հեռուէն գան, անոնց պատգամաւորներ դրկելով. եւ ահա՛ անոնք եկան: Անոնց համար դուն լուացուեցար, աչքերուդ վրայ ծարոյր դրիր ու «պճնազարդուեցար. **41** յետոյ փառաւոր «բազմոցի մը վրայ նստար, որուն առջեւ սեղան մը պատրաստուած էր, եւ իմ խունկս ու իւղս անոր վրայ դրիր: **42** Անոր հետ Վուրախութիւն ընող՝ բազմութեան մը աղմուկը կը լսուէր, եւ այդ «ամբոխին մարդոց քով՝ անապատէն Պարբեցողներ բերուեցան, որոնք զանոնց ձեռքերը ապարանջաններ դրին, ու գլուխը՝ շքեղ պսակներ:

¹ Կամ՝ ամայութեան

² Կամ՝ կրծես

³ Այսինքն՝ թրծուած կաւի կտորները

⁴ Եբր.՝ ծիծերդ

⁵ Եբր.՝ անմաքուր ըրին

⁶ Եբր.՝ մորթէին

⁷ Եբր.՝ զարդերով զարդարուեցար

⁸ Կամ՝ մահիճի

⁹ Եբր.՝ անդորր

¹⁰ Եբր.՝ մարդոց շատութեան

¹¹ Կամ՝ Սաբայեցիներ

¹² Այսինքն՝ երկու քոյրերուն

43 «Ուստի շնութեան մէջ պառաւածին մասին ըսի. “Հիմա՞ ալ իրեն հետ պիտի պոռնկին. իրե՞ն հետ»: 44 Սակայն մտան իր քով, ինչպէս կը մտնեն պոռնիկ կնոջ մը քով. այսպէս մտան այդ լիրբ կիներուն՝ Ոհողայի ու Ոհողիբայի քով: 45 Բայց արդար մարդիկ զանոնք պիտի դատեն շնացեալ կիներուն դատաստանով եւ արիւն թափող կիներուն դատաստանով. արդարեւ անոնք շնացեալ կիներ են, ու իրենց ձեռքերուն վրայ արիւն կայ»:

46 Արդարեւ Տէրը՝ Եհովան սա՛ կը յայտարարէ. «Անոնց դէմ համախմբում մը պիտի բարձրացնեմ, եւ զանոնք սոսկումի ու կողոպուտի պիտի մատնեմ: 47 Համախմբումը զանոնք պիտի քարկոծէ, եւ զանոնք պիտի փկորատեն իրենց սուրերով. անոնց որդիներն ու աղջիկները պիտի մեռցնեն, եւ անոնց տուները կրակով պիտի այրեն: 48 Այսպէս՝ երկրին մէջ լրբութիւնը պիտի դադրեցնեմ, որպէսզի բոլոր կիները խրատուին ու ձեր լրբութեան համեմատ չվարուին: 49 Ձեր լրբութեան հատուցումը ձեր վրայ պիտի քերեն, ձեր չաստուածներուն մեղքերուն պատիժը պիտի կրէք, եւ պիտի գիտնաք թէ ե՛ս եմ Տէրը՝ Եհովան»:

ԺԱՆԳՈՏԱԾ ԿԱԹՍԱՆ

24

Իններորդ տարուան տասներորդ ամիսը, ամսուան տասներորդ օրը, “Տէրը խօսեցաւ” ինծի՝ ըսելով. 2 «Մարդո՛ւ որդի, քու քովդ՝ արձանագրէ՛ օրուան – այս նոյն օրուան – Պթուականը. Բաբելոնի թագաւորը այս նոյն օրը Երուսաղէմի դիմաց Դբանակեցաւ: 3 Առա՛կ մը խօսէ այդ ըմբոստներու տան, եւ ըսէ՛ անոնց. “Տէրը՝ Եհովան սա՛ կը յայտարարէ. “Դի՛ր կաթսան, դի՛ր զայն, ու մէջն ալ ջո՛ւր լեցուր: 4 Հաւաքէ՛ անոր մէջ անոր կտորները, բոլոր լաւ կտորները՝ գիստը եւ ուսը. լեցո՛ւր զայն ընտիր ոսկորներով: 5 Ոչխարներուն ընտիրները առ, ու ոսկորներն ալ տա՛կը դիզէ. զայն Եսաստի՛կ եռացուր, որ մէջի ոսկորներն ալ խաշին՝»:

6 Հետեւաբար Տէրը՝ Եհովան սա՛ կը յայտարարէ. «Վա՛յ արիւնահեղ քաղաքին, այն կաթսային՝ որուն ժանգը իր մէջն է: Անոր ժանգը մէջէն ելած չէ. զայն կտոր-կտոր դուրս հանէ, առանց անոր վրայ վիճակ ձգելու: 7 Արդարեւ անոր թափած արիւնը իր մէջն է, զայն չոր ժայռի վրայ դրաւ. զայն գետինի վրայ չթափեց, որ զայն հողով ծածկէ: 8 Իմ ցասումս գրգռելու եւ վրէժ առնելու համար՝ անոր թափած արիւնը չոր ժայռի վրայ դրի,

¹ Եբբ.՝ քարերով պիտի քարկոծէ

² Եբբ.՝ կտրեն

³ Եբբ.՝ դնեն

⁴ Եբբ.՝ Տէրոջ խօսքը եղաւ

⁵ Եբբ.՝ դուն քեզի

⁶ Եբբ.՝ անունը

⁷ Եբբ.՝ բանակ դրաւ

⁸ Եբբ.՝ եռացնելով

⁹ Եբբ.՝ բարձրացնելու

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

որպէսզի չծածկուի»։ **9** Հետեւաբար Տէրը՝ Եհովան սա՛ կը յայտարարէ. «Վա՛յ արինահեղ քաղաքին. ես ալ խարոյկը պիտի մեծցնեմ։ **10** Փայտերը շատցո՛ւր, կրակը էքոնկեցո՛ւր, որպէսզի միսը ^Բհալի. **11** լա՛ւ ^Բհամեմէ, որ ոսկորները ^Բբոցավառի։ **11** Յետոյ կայծերո՛ւն վրայ դիր պարապ **կաթսան**, որպէսզի պղինձը տաքնայ, հրաբորբոք ըլլայ, անոր անմաքրութիւնը իր մէջ հալի, **եւ** ժանգը սպառի։ **12** Անհկա ճիգերով **ինքզիք** հիւծեց, բայց անոր մեծաքանակ ժանգը իրմէ՛ չգնաց. անոր ժանգը կրակով՝ **չգնաց**։ **13** Զու անմաքրութեանդ մէջ լրբութիւն կայ, որովհետեւ քեզ **ջանացի** մաքրել, բայց դուն չմաքրուեցար։ Ա՛յ անմաքրութենէդ պիտի չմաքրուիս, մինչեւ որ իմ ցասումս քու վրայ ^Խիջեցնեմ։ **14** Ես՝ Տէրս խօսեցայ. ասիկա պիտի ^Ծպատահի, եւ ե՛ս **գայն** պիտի իրագործեմ. պիտի ^Կչընկրկիմ, պիտի չխղճամ ու պիտի չզղջամ. քու ^Նընթացքիդ եւ արարքներուդ համեմատ պիտի դատուիս», կը պատգամէ Տէրը՝ Եհովան։

ՄԱՐԳԱՐԷԻՆ ԿՆՈՋ ՄԱՀԸ

15 ^ՅՏէրը խօսեցաւ՝ ինծի՛ ըսելով. **16** «Մարդո՛ւ որդի, ահա՛ ես ^Ղհարուածով մը քու աչքերուդ ցանկութիւնը քեզմէ պիտի յափշտակեմ. ո՛չ հեծեծէ, ո՛չ լաց, ո՛չ ալ **աչքերէդ** արցունք թող գայ։ **17** Լռութեամբ հեծեծէ. մեռելի սուգ մի՛ պահեր։ Խոյրդ **գլո՛ւխդ** փաթթէ, կօշիկներդ ^Կհագի՛ր, պելսդ մի՛ ծածկեր ու մարդոց հացը մի՛ ուտեր»։

18 Առտուն ժողովուրդին խօսեցայ, իրիկունը կինս մեռաւ, ու **հետեւեալ** առտուն ինծի հրամայուածը ըրի։ **19** Ժողովուրդը ինծի ըսաւ. «Մեզի չե՞ս բացատրեր թէ այս ըրածներդ մեզի համար ի՞նչ **կը նշանակեն**»։

^Է Եբբ.՝ բոցավառէ՛

^Ը Եբբ.՝ հատնի

^Թ Կամ՝ բաղադրէ

^Ժ Եբբ.՝ հրաբորբոք ըլլան

^Ի Եբբ.՝ դուրս չելաւ

^Լ Կամ՝ պիտի երթայ

^Խ Կամ՝ հանդարտեցնեմ

^Ծ Եբբ.՝ իրագործուի

^Կ Եբբ.՝ չխուսափիմ

^Ն Եբբ.՝ ճամբաներուդ

^Յ Եբբ.՝ Տէրոջ խօսքը եղաւ

^Ղ Եբբ.՝ պատուհասով

^Ճ Եբբ.՝ դի՛ր ոտքերուդ

20 Ես ալ անոնց պատասխանեցի. «Վերջը խօսեցաւ՝ ինծի՝ ըսելով. “Ըսէ՛ Իսրայէլի տան. 21 “Տէրը՝ Եհովան սա՛ կը յայտարարէ. «Ահա՛ ես պիտի պղծեմ իմ սրբարանս, ձեր զօրութեան մեծափառութիւնը, ձեր աչքերուն ցանկութիւնն ու ձեր անձին գորովի առարկան. իսկ ձեր երկիրը թողուցած որդիներն ու աղջիկները սուրով պիտի իյնան: 22 Դուք ալ իմ ըրածիս պէս պիտի ընէք. ձեր պէխը պիտի չծածկէք, եւ մարդոց հացը պիտի չուտէք. 23 ձեր խոյրերը ձեր գլուխը պիտի ըլլան, ու ձեր կօշիկները՝ ձեր ոտքերը. պիտի չհենձե՞ծէք ու չլաք, հապա ձեր անօրէնութիւններով պիտի մաշիք եւ իրարու հետ պիտի չհառաչէք: 24 Եզեկիէլ ձեզի՝ նշան մըն է. դուք անոր բոլոր ըրածներուն պէս պիտի ընէք, ու երբ ասիկա պատահի, պիտի գիտնաք թէ ե՛ս եմ Տէրը՝ Եհովան»¹□:

25 «Իսկ դո՛ւն, մարդո՛ւ որդի, երբ ես անոնցմէ յափշտակեմ իրենց ՚զօրութիւնը, իրենց պարծանքին բերկրանքը, իրենց աչքերուն ցանկութիւնը եւ իրենց անձին գորովի առարկան՝ որդիներն ու աղջիկները, 26 ահա՛ այդ օրը ազատած մը քեզի պիտի գայ եւ լուրը քու ականջներուդ լսել պիտի տայ: 27 Այդ օրը քու բերանդ պիտի բացուի ազատածին, ու պիտի խօսիս եւ ա՛լ համր պիտի չըլլաս: Դուն անոնց նշան պիտի ըլլաս, եւ պիտի գիտնան թէ ե՛ս եմ Տէրը»:

ՄԱՐԳԱՐԷՈՒԹԻՒՆ ԱՄՍՈՆԻ ԴԷՄ

25

Դարձեալ “Տէրը խօսեցաւ՝ ինծի՝ ըսելով. 2 «Մարդո՛ւ որդի, Բուղղէ՛ երեսդ Ամմոնի որդիներուն, ու մարգարէացի՛ր անոնց դէմ. 3 Ամմոնի որդիներուն ըսէ՛. “Մտի՛կ ըրէք Տէրոջ՝ Եհովայի խօսքը. Տէրը՝ Եհովան սա՛ կը յայտարարէ. “Քանի դուն «Վա՛ջ» ըսիր իմ սրբարանիս դէմ՝ երբ պղծուեցաւ, Իսրայէլի ՚երկրին դէմ՝ երբ ամայացաւ, եւ Յուդայի տան դէմ՝ երբ տարագրութեան գնաց, 4 ահա՛ ես քեզ ՚արեւելքիներուն իբր ստացուածք պիտի տամ. քու մէջդ պիտի ՚հաստատեն իրենց գիւղակները, քու մէջդ պիտի դնեն իրենց բնակարանները, քու պտուղներդ պիտի ուտեն եւ քու կաթդ պիտի խմեն: 5 Ռաբբան ուղտերու արօտավայրի պիտի ՚վերածեմ, եւ Ամմոնի որդիներուն երկիրը՝ հօտերու

¹ Եբբ.՝ Տէրոջ խօսքը եղաւ
¹ Եբբ.՝ գոռաք
⁶ Եբբ.՝ հրաշք
² Եբբ.՝ հասնի
⁷ Եբբ.՝ ամրոցը
³ Եբբ.՝ Տէրոջ խօսքը եղաւ
⁴ Եբբ.՝ դի՛ր
⁵ Եբբ.՝ հողից
⁷ Եբբ.՝ արեւելքի որդիներուն
⁶ Եբբ.՝ բնակեցնեն
⁴ Եբբ.՝ դարձնեմ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

մակադատեղ, ու պիտի գիտնաք թէ ե՛ս եմ Տէրը^Գ: **6** Արդարեւ Տէրը՝ Եհովան սա՛ կը յայտարարէ. «Զանի դուն ծափ զարկիր, ոտքդ **գետինը** զարկիր եւ Իսրայէլի երկրին մասին ուրախացար քու անձիդ ամբողջ արհամարհանքով, **7** ահա՛ ես իմ ձեռքս քու վրայ պիտի երկարեմ, եւ քեզ է՛ազգերուն պիտի մատնեմ իբր կողոպուտ. քեզ ժողովուրդներէն պիտի կտրեմ, ու երկիրներուն մէջէն կորսնցնեմ. քեզ պիտի բնաջնջեմ, եւ պիտի գիտնաս թէ ե՛ս եմ Տէրը^Գ»:

ՄԱՐԳԱՐԷՈՒԹԻՒՆ ՄՈՎԱԲԻ ԴԷՍ

8 Տէրը՝ Եհովան սա՛ կը յայտարարէ. «Զանի Մովաբ ու Սէիր ըսին. «Ահա՛ Յուդայի տունը բոլոր ազգերուն պէս է^Գ, **9** ահա՛ ես պիտի բանամ Մովաբի ռսահմանը՝ **իր** քաղաքներուն **կողմէն** – իր ծայրը եղող քաղաքներուն՝ երկրին պարծանքը եղող Բեթեսիմոթի, Բահաղ-Սէոնի ու Կարիաթեմի **կողմէն** – **10** արեւելքցիներուն **առջեւ**, նաեւ Ամմոնի որդիներուն **երկիրը**: Զանոնք իբր ստացուածք պիտի տամ, որպէսզի Ամմոնի որդիները ազգերուն մէջ չյիշուին: **11** Մովաբի մէջ ալ դատավճիռներ պիտի կիրարկեմ, ու պիտի գիտնան թէ ե՛ս եմ Տէրը^Գ»:

ՄԱՐԳԱՐԷՈՒԹԻՒՆ ԵԴՈՎՄԻ ԴԷՍ

12 Տէրը՝ Եհովան սա՛ կը յայտարարէ. «Զանի Եդովմ Յուդայի տան հետ վրէժխնդրութեամբ վարուեցաւ, եւ անկէ վրէժ առնելով՝ մեծապէս յանցաւոր եղաւ, **13** Տէրը՝ Եհովան սա՛ կը յայտարարէ. «Եդովմի վրայ անշուշտ ձեռքս պիտի երկարեմ. մարդն ու անասունը անկէ պիտի բնաջնջեմ եւ զայն անապատի պիտի վերածեմ՝ Թեմանէն մինչեւ Դեդան. անոնք սուրով պիտի իյնան: **14** Իմ ժողովուրդիս՝ Իսրայէլի ձեռքով վրէժս պիտի առնեմ Եդովմէն. անոնք իմ բարկութեանս ու ցասումիս համեմատ պիտի վարուին Եդովմի հետ, եւ իմ վրէժխնդրութիւնս պիտի գիտնան^Գ, կը պատգամէ Տէրը՝ Եհովան^Գ»:

ՄԱՐԳԱՐԷՈՒԹԻՒՆ ՓՂՇՏԱՅԻՆԵՐՈՒՆ ԴԷՍ

15 Տէրը՝ Եհովան սա՛ կը յայտարարէ. «Զանի Փղշտացիները վրէժխնդրութեամբ վարուեցան, եւ **իրենց** անձին **ամբողջ** արհամարհանքով վրէժ առին՝ հնադարեան թշնամութեամբ կոտորելով, **16** Տէրը՝ Եհովան սա՛ կը յայտարարէ. «Ահա՛ ես իմ ձեռքս Փղշտացիներուն վրայ պիտի երկարեմ. Զերեթիները պիտի կոտորեմ եւ ծովեզերքը եղողներուն մնացորդը պիտի բնաջնջեմ: **17** Անոնց վրայ **իմ** ցասումիս յանդիմանութիւններով մեծ վրէժխնդրութիւններ պիտի կիրարկեմ, ու երբ իմ վրէժս անոնցմէ առնեմ՝ պիտի գիտնան թէ ե՛ս եմ Տէրը^Գ»:

ՄԱՐԳԱՐԷՈՒԹԻՒՆ ՏԻԻՐՈՍԻ ԴԷՍ

26

Տասնմէկերորդ տարին, ամսուան առաջին **օրը**, **2** «Տէրը խօսեցաւ՝ ինձի՝ ըսելով.

^Կ Կամ՝ հեթանոսներուն

^Զ Եբր.՝ ուսը, կամ՝ կողը

^Մ Եբր.՝ Տէրոջ խօսքը եղաւ

«Մարդո՛ւ որդի, քանի Տիրոս Երուսաղէմի մասին ըսաւ. “Վա՛շ, ժողովուրդներուն դուռը կոտրեցաւ, **անոր ունեցածը** ինծի փոխանցուեցաւ, **անոր ակերումով** ես պիտի լեցուիմ³, **Տէրը՝ Եհովան** սա՛ կը յայտարարէ. “Ահա՛ ես քեզի դէմ եմ, ո՛վ Տիրոս. քեզի դէմ շատ ազգեր պիտի բարձրացնեն, ինչպէս ծովը իր ալիքները կը բարձրացնէ: **4 Անոնք Տիրոսի պարիսպները** պիտի քանդեն եւ **անոր աշտարակները** փլցնեն: Ես **անոր հողը** անկէ պիտի աւլեմ ու զայն չոր ժայռի ^բվերածեմ: **5 Ան ծովուն մէջտեղը ուռկաններ փռելու տեղ** պիտի ըլլայ, քանի ես խօսեցայ,— կը պատգամէ Տէրը՝ Եհովան:— Ան ազգերուն կողոպուտ պիտի ըլլայ **6 Անոր Գաղջիկները՝ որ դաշտավայրի մէջ են՝ սուրով պիտի սպաննուին, ու մարդիկ** պիտի գիտնան թէ ե՛ս եմ Տէրը⁴»:

7 Արդարեւ Տէրը՝ Եհովան սա՛ կը յայտարարէ. «Ահա՛ ես հիւսիսէն Տիրոսի դէմ պիտի բերեմ թագաւորներու թագաւորը՝ Բաբելոնի Նաբուգոդոնոսոր թագաւորը, ձիերով, կառքերով, ձիաւորներով, համախմբումով ու շատ ժողովուրդով: **8 Ան քու աղջիկներդ դաշտավայրի մէջ սուրով պիտի մեռցնէ, իսկ քեզի դէմ մարտկոց պիտի նկառուցանէ. քեզի դէմ հողաբլուր պիտի բարձրացնէ եւ ասպար կանգնեցնէ: **9 Զու պարիսպներուդ դէմ իր Բաբելոնները պիտի դնէ, եւ իր ռազմական գործիքներով քու աշտարակներդ պիտի փլցնէ: **10 Անոր ձիերուն բազմութեան պատճառով** անոնց փոշին քեզ պիտի ծածկէ. ձիաւորներուն, անիւներուն ու կառքերուն ձայնէն քու պարիսպներդ պիտի ցնցուին՝ երբ ինք քու դռներէդ մտնէ, ինչպէս պարիսպը ճեղքուած քաղաքի մը մէջ կը մտնեն: **11 Զու բոլոր փողոցներդ պիտի կոխէ իր ձիերուն սմբակներով, ժողովուրդդ սուրով պիտի մեռցնէ, եւ ամուր արձաններդ գետին պիտի ՚իյնան: **12 Զու հարստութիւնդ՝ պիտի թալլեն՝** եւ Բապրանքներդ կողոպտեն. քու պարիսպներդ պիտի փլցնեն ու ցանկալի տուններդ քակեն. քու քարերդ, փայտերդ եւ հողդ ջուրերուն մէջ պիտի րնետեն: **13 Զու երգերուդ դրդիւնը պիտի դադրեցնեմ, ու քնարներուդ ձայնը անգամ մըն ալ պիտի չլսուի: **14 Զեզ չոր ժայռի պիտի վերածեմ. դուն ուռկաններ փռելու տեղ** պիտի ըլլաս, անգամ մըն ալ պիտի չկառուցանուիս. արդարեւ ես՝ Տէրս խօսեցայ», կը պատգամէ Տէրը՝ Եհովան:********

15 Տէրը՝ Եհովան սա՛ կը յայտարարէ Տիրոսի. «Միթէ քու անկումիդ ձայնէն կղզիները պիտի չցնցուի՞ն, երբ քու մէջդ ջարդ ըլլալով՝ վիրաւորները հեծեծեն: **16 Այն ատեն ծովուն բոլոր իշխանները իրենց գահերէն պիտի իջնեն, իրենց պարեգօտները պիտի հանեն եւ իրենց նկարագարդ հագուստներէն պիտի մերկանան. Ժսարսափ պիտի հագնին, գետինի**

^բ Եբբ.՝ դարձնեմ

^գ Այսինքն՝ գիւղերը

^դ Եբբ.՝ դնէ

^ե Այսինքն՝ պատերազմական մեքենաները

^զ Եբբ.՝ իջնեն

^է Եբբ.՝ ակար պիտի դարձնեն

^ը Եբբ.՝ վաճառականութիւնդ

^թ Եբբ.՝ դնեն

^ժ Եբբ.՝ սարսուռ

վրայ պիտի նստին ու ամէն վայրկեան պիտի ՚սարսափին՝ քու վրադ ապշելով: **17** Զու վրադ ողբ բարձրացնելով՝ քեզի պիտի ըսեն. “Ի՛նչպէս կործանեցար, ո՛վ ծովաբնակ անուանի քաղաք, դո՛ւն՝ որ ծովուն մէջ ուժեղ էիր, ՚դուն ու քու բնակիչներդ՝ որ երկիւղ կը պատճառէիք” **Ծովեզերքից** բոլոր բնակիչներուն: **18** Հիմա կղզիները պիտի ցնցուին քու անկումիդ օրը, ծովուն մէջ եղող կղզիները պիտի շփոթին քու ՚վախճանէդ»:

19 Արդարեւ Տէրը՝ Եհովան սա՛ կը յայտարարէ. «Երբ քեզ աներակ քաղաք մը դարձնեմ այն քաղաքներուն պէս՝ որ բնակիչ չունին, եւ վրադ անդունդը բարձրացնեմ ու յորդառատ ջուրերը քեզ ծածկեն, **20** քեզ գուբը իջնողներուն հետ հին դարերու ժողովուրդին պիտի իջեցնեմ, եւ քեզ գուբը իջնողներուն հետ երկրի ստորին **մասերը** պիտի բնակեցնեմ՝ յաւիտենական աներակներուն մէջ, որպէսզի ա՛լ չբնակուիս. այն ատեն փառք պիտի դնեմ ապրողներու երկրին մէջ: **21** Զեզ **բոլորին** արհաւիրք պիտի դարձնեմ, ու պիտի չքանաս. պիտի փնտռուիս, բայց երբեք պիտի չգտնուիս», կը պատգամէ Տէրը՝ Եհովան:

ԹԱՂՈՒՄԻ ԵՐԳ ՄԸ՝ ՏԻՒՐՈՍԻ ՀԱՄԱՐ

27

Դարձեալ “Տէրը խօսեցաւ” ինծի՝ ըսելով. **2** «Դո՛ւն, մարդո՛ւ որդի, ո՛ղբ բարձրացուր Տիրոսի վրայ **3** եւ ըսէ՛ Տիրոսի. “Ո՛վ ծովուն մուտքը բնակող, շատ կղզիներու մէջ ժողովուրդներուն հետ վաճառականութիւն ընող, Տէրը՝ Եհովան սա՛ կը յայտարարէ. “Ո՛վ Տիրոս, դուն ըսիր. «Ես գեղեցկութեան մէջ կատարեալ եմ»»: **4** Զու հողամասդ ծովուն ՚մէջտեղն է. քեզ կառուցանողները գեղեցկութիւնդ կատարելագործեցին:

5 “Անոնք քու բոլոր **նաւերուդ** պատուածքները Սանիրի եղեւինէն կառուցանեցին. Լիբանանէն մայրիներ առին, որպէսզի քեզի կայմեր շինեն: **6** Զու թիերդ Բասանի կաղնիներէն շինեցին, քու Պատարաններդ Կիտացիներու կղզիներէն **բերուած** տօսախէ շինեցին՝ փղոսկրով **պատուած**: **7** Զու տարածած առագաստդ Եգիպտոսի նկարագարդ բարակ քթանէն էր. քու ծածկոցդ Եղիսայի կղզիներուն ՚կապուտակէն ու ՚ծիրանիէն էր: **8** Սիդոնի եւ Արուադի բնակիչները քու թիավարներդ էին. քու մէջդ եղող իմաստուններդ, ո՛վ Տիրոս, քու նաւավարներդ էին: **9** Գեբաղի երէցներն ու անոր իմաստունները քովդ էին՝ քու **նաւերուդ** ճեղքերը նորոգելու համար. ծովուն բոլոր նաւերն ու անոնց նաւաստիները քովդ էին՝ քեզի հետ առուտուր ընելու համար: **10** Զու զօրագունդիդ մէջ Պարսիկները, Ղուդացիներն ու Փութացիներն էին պատերազմիկներդ. անո՛նք քովդ վահան եւ

^h Եբբ.՝ սարսռան

ⁱ Եբբ.՝ ան եւ իր բնակիչները՝ որ իրենց երկիւղը կը պատճառէին

^h Եբբ.՝ ելքէդ

^u Եբբ.՝ Տէրոջ խօսքը եղաւ

^p Եբբ.՝ սիրտն

^q Կամ՝ տախտակամածներդ

^r Այսինքն՝ կապուտակով ներկուած կերպասէն

^b Այսինքն՝ ծիրանիով ներկուած կերպասէն

սաղաւարտ կը կախէին, ու քեզ կը փառաւորէին: **11** ^աԱրուադացիները զօրագունդիդ հետ **քեզ** շրջապատող պարիսպներուդ վրայ էին, իսկ ^էԳամադացիները՝ աշտարակներուդ մէջ. անոնք իրենց վահանները **քեզ** շրջապատող պարիսպներուդ վրայ կը կախէին. անոնք քու գեղեցկութիւնդ կատարելագործեցին:

12 "Ամէն տեսակ ապրանքի առատութեան համար՝ Թարսիսի **բնակիչները** քու վաճառականներդ էին. անոնք վաճառանոցներուդ արծաթ, երկաթ, անագ եւ կապար ^բկը հայթայթէին": **13** Յաւան, Թորբէլ ու Մոսոք քու վաճառականներդ էին. անոնք առուտորիդ ^բստրուկներ եւ պղինձէ առարկաներ կը հայթայթէին: **14** Թորգոմայի տունէն քու վաճառանոցներուդ ձիեր, ձիաւորներ ու ջորիներ կը հայթայթէին: **15** Դեղանի որդիները քու վաճառականներդ էին. շատ մը կղզիներու վաճառականութիւնը քու ձեռքդ էր. անոնք **քեզ** փղոսկրի ^գժանիքներով ու ոպնիազով ^դկը վարձատրէին": **16** Սուրիա քու վաճառականդ էր՝ արտադրութիւններուդ առատութեան համար. քու վաճառանոցներուդ կարկեհան, ծիրանի, նկարազարդ **կերպաս**, բեհեզ, բուստ ու սուտակ կը հայթայթէին: **17** Յուդա եւ Իսրայէլի երկիրը քու վաճառականներդ էին. անոնք առուտորիդ Մեննիթի ցորեն, խմորեղէն, մեղր, իւղ ու բալասան կը հայթայթէին: **18** Դամասկոս քու վաճառականդ էր՝ արտադրութիւններուդ ճոխութեան, ամէն տեսակ ապրանքի առատութեան համար, Զեղբոնի գինի եւ սպիտակ բուրդ **հայթայթելով**: **19** Վեդան ու Յաւան քու վաճառանոցներուդ մանած կը հայթայթէին. առուտորիդ մէջ բանուած երկաթ, կասիա եւ խունկեղէզ կային: **20** Դեղան քու վաճառականդ էր՝ ^էկառքերու պաստառակալներուն համար: **21** ^զԱրաբներն ու Կեդարի բոլոր իշխանները քեզի պարարտ գառներ, խոյեր եւ նոխազներ կը վաճառէին. ասոնց համար քու վաճառականներդ էին: **22** Սաբայի ու Ռեգմայի վաճառականները քու վաճառականներդ էին. անոնք վաճառանոցներուդ ամէն տեսակ ^զընտիր բուրաւէտ **համեմներ**, ամէն տեսակ պատուական քարեր ու ոսկի կը հայթայթէին: **23** Խառան, Զաննէ ու Եդեմ, Սաբայի վաճառականները, ^զԱսորեստան **եւ** Զաղմադ քու վաճառականներդ էին. **24** անոնք քու վաճառանոցներուդ մէջ շքեղ հանդերձներու, կապուտակ ու նկարազարդ վերարկուներու, եւ երփներանգ կերպասներով **լեցուած** ու պարաններով կապուած մայրիի **փայտէ**

^ա Եբբ.՝ Արուադի որդիները
^է Կամ՝ քաջասիրտները
^բ Եբբ.՝ կու տային
^գ Եբբ.՝ մարդոց անձեր
^դ Եբբ.՝ եղջիւրներով
^է Եբբ.՝ պարգեւ կը վերադարձնէին
^զ Եբբ.՝ շինածներուդ
^է Եբբ.՝ հեծնելու
^զ Եբբ.՝ Արաբիան
^կ Եբբ.՝ գլխաւոր
^ն Եբբ.՝ Ասուր

սնտուկներու՝ առուտուր կ'ընէին քեզի հետ: **25** Թարսիսի նաւերը քու առուտուրիդ համար կը շրջէին: Այսպէս՝ դուն լեցունցար եւ յոյժ փառաւոր եղար ծովուն՝ մէջտեղը:

26 "Թիավարներդ քեզ յորդառատ ջուրերու մէջ տարին. արեւելեան հովը քեզ ծովուն մէջտեղը փշրեց: **27** Զու ապրանքներդ, վաճառքներդ եւ առուտուրդ, քու նաւաստիներդ ու նաւավարներդ, քու **նաւերուդ** ճեղքերը նորոգողներն ու քեզի հետ առուտուր ընողները, քովդ եղող բոլոր պատերազմիկները, նաեւ մէջդ եղող ամբողջ համախմբումը՝ քու անկումիդ օրը ծովուն մէջտեղը պիտի իյնան: **28** Զու նաւավարներուդ աղաղակին ձայնէն արուարձանները պիտի ցնցուին: **29** Բոլոր թի՛ «քաշող նաւաստիները, բոլոր ծովուն նաւավարները իրենց նաւերէն պիտի իջնեն եւ գետինին վրայ պիտի կայնին: **30** Իրենց ձայնը քու մասիդ լսել պիտի տան, ու դառնապէս պիտի աղաղակեն. իրենց գլուխին վրայ հող պիտի ցանեն, եւ մոխիրի մէջ պիտի թաւալին: **31** Զեզի համար կնտակ պիտի ըլլան, ու՝ «քո՛ւրձ պիտի հագնին»: քեզի համար՝ սիրտի ցաւով՝ եւ դառն կոծով պիտի լան: **32** Իրենց սուգին մէջ քեզի համար ողբ պիտի բարձրացնեն, ու քու վրայ ողբան՝ **ըսելով**. «Ո՞ր **քաղաքը** Տիրոսի նման էր, ծովուն մէջտեղը անէացածին նման»: **33** Երբ քու վաճառքներդ «ծովերուն վրայէն կ'արտածէիր», շատ ազգեր կը կշտացնէիր. ապրանքներուդ եւ առուտուրիդ ճոխութեամբ երկրի թագաւորները կը հարստացնէիր: **34** Այն ատեն երբ ծովերէն փշրուեցար՝ ջուրերուն խորերը, քու առուտուրդ ու քովդ եղող ամբողջ համախմբումդ ինկան: **35** Կղզիներուն բոլոր բնակիչները քու վրայ ապշեցան. անոնց թագաւորները չափազանց սահմոկեցան, **իրենց** երեսները այլայլեցան: **36** Ազգերուն վաճառականները վրայ սուլեցին: Դուն արհաւիրքի **պատճառ** եղար, եւ յաւիտենապէս չքացար"□»:

ՄԱՐԳԱՐԷՈՒԹԻՒՆ ՏԻՒՐՈՍԻ ԹԱԳԱՒՈՐԻՆ ԴԷՄ

28

«Տէրը խօսեցաւ» ինձի՝ ըսելով. **2** «Մարդո՛ւ որդի, ըսէ՛ Տիրոսի Բիշխանին. «Տէրը՛ Եհովան սա՛ կը յայտարարէ. "Զու սիրտդ խրոխտացաւ, եւ ըսիր. «Ես աստուած մըն եմ, Աստուծոյ աթոռին վրայ կը նստիմ՝ ծովուն մէջտեղը». սակայն դուն մարդ ես եւ ո՛չ թէ աստուած, թէպէտ քու սիրտդ Աստուծոյ սիրտին նմանցուցիր": **3** Ահա՛ դուն Դանիէլէն

^a Եբբ.՝ վաճառականութիւն

^b Եբբ.՝ սիրտը

^c Եբբ.՝ բռնող

^d Եբբ.՝ քուրձով պիտի գօտելորուին

^e Եբբ.՝ անձի դառնութեամբ

^f Եբբ.՝ ծովերէն կ'ելլէին

^g Եբբ.՝ Տէրոջ խօսքը եղաւ

^h Եբբ.՝ առաջնորդին

ⁱ Եբբ.՝ սիրտը

^j Եբբ.՝ տեղը դրիր

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

Իմաստունն ես. ո՛չ մէկ ^բգաղտնիք քեզմէ ^գծածկուած է: **4** Իմաստութեամբդ ու հանճարովդ քեզի հարստութիւն վաստկեցար, եւ գանձերուդ մէջ ոսկի ու արծաթ ստացար: **5** Յորդառատ իմաստութեամբդ ու վաճառականութեամբդ քու հարստութիւնդ շատցուցիր, եւ հարստութեանդ պատճառով սիրտդ խրոխտացաւ□»:

6 Հետեւաբար Տէրը՝ Եհովան սա՛ կը յայտարարէ. «Քանի դուն սիրտդ Աստուծոյ սիրտին նմանցուցիր, **7** ահա՛ ես քեզի դէմ օտարներ պիտի բերեմ, ազգերուն **ամենէն** բռնակալները. անոնք քու իմաստութեանդ գեղեցկութեան վրայ իրենց սուրերը պիտի քաշեն, ու փառահեղութիւնդ պիտի աղարտեն: **8** Քեզ ^էգերեզմանը պիտի իջեցնեն, եւ ծովուն մէջտեղը պիտի մեռնիս՝ խոցուածներուն մահով: **9** Միթէ քեզ մեռցնողին առջեւ պիտի **կարենա՞ս** ըսել. “Ես աստուած եմ□: Քեզ խոցողին ձեռքին մէջ մա՛րդ պիտի ըլլաս, ո՛չ թէ աստուած: **10** Օտարներուն ձեռքով՝ անթլփատներուն մահով պիտի մեռնիս, որովհետեւ ես խօսեցայ», կը պատգամէ Տէրը՝ Եհովան:

ՏԻՒՐՈՍԻ ԹԱԳԱՒՈՐԻՆ ԱՆԿՈՒՄԸ

11 ^բՏէրը խօսեցաւ՝ ինծի՛ ըսելով. **12** «Մարդո՛ւ որդի, Տիւրոսի թագաւորին վրայ ո՛ղբ բարձրացուր **եւ** ըսէ՛ անոր. “Տէրը՝ Եհովան սա՛ կը յայտարարէ. “Դուն ^բկատարելութեան կնիքն էիր”, իմաստութեամբ լեցուած ու գեղեցկութեան մէջ կատարեալ: **13** Դուն Աստուծոյ ^դդրախտին՝ Եդեմի մէջ էիր. քու ծածկոցդ բոլոր պատուական քարերէն էին՝ սարդիոն, տպագիոն եւ ադամանդ, ոսկեքար, եղնգնաքար ու յասպիս, շափիւղայ, կարկեհան եւ զմրուխտ: Ոսկին՝ **որ** քու թմբուկներուդ ու սրինգներուդ **համար** գործածուեցաւ, քու ստեղծումիդ օրը պատրաստուեցաւ ^իքեզի համար”: **14** Դուն օծուած **ու** ծածկող քերովբէ մըն էիր. ե՛ս քեզ ^հհաստատեր էի: Դուն Աստուծոյ սուրբ լերան վրայ էիր. կրակէ քարերուն մէջտեղը կը շրջէիր: **15** Դուն ^լընթացքիդ մէջ անթերի էիր ստեղծուած օրէդ մինչեւ **այն օրը՝** երբ քու վրայ անիրաւութիւն գտնուեցաւ: **16** ^մԱռուտուրիդ ճոխութեան համար՝ քու մէջդ բռնութեամբ լեցուցին, ու մեղանչեցիր. ես ալ քեզ **Աստուծոյ** լեռնէն վար **նետեցի՛** իբր պիղծ. քեզ կրակէ քարերուն մէջէն բնաջնջեցի, ո՛վ ծածկող քերովբէ: **17** Քու գեղեցկութեանդ համար սիրտդ խրոխտացաւ, քու փառահեղութեանդ

- ^բ Եբբ.՝ խցուած բան
- ^գ Եբբ.՝ մթագնած
- ^է Եբբ.՝ ապականութիւնը
- ^ը Եբբ.՝ Տէրոջ խօսքը եղաւ
- ^բ Եբբ.՝ չափանիշը կը կնքէիր
- ^զ Կամ՝ պարտէզին
- ^ի Եբբ.՝ քու մէջդ
- ^լ Եբբ.՝ դրեր
- ^լ Եբբ.՝ ճամբաներուդ
- ^մ Եբբ.՝ վաճառականութեանդ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

պատճառով իմաստութիւնդ ապականեցիր. ես ալ քեզ գետինը նետեցի, թագաւորներուն առջեւ դրի՝ որ քեզ տեսնեն: **18** Զու անօրէնութիւններուդ շատութեամբ, վաճառականութեանդ անիրաւութեամբ՝ քու սրբարաններդ պղծեցիր: Ես ալ մէջէդ կրակ հանեցի. ան քեզ սպառեց, ու բոլոր քեզ տեսնողներուն աչքերուն առջեւ քեզ գետինի վրայ մոխիրի՝ վերածեցի: **19** Ազգերուն մէջ բոլոր քեզ ճանչցողները քու վրայ ապշեցան. դուն արհաւիրքի պատճառ եղար, ու յաւիտենապէս չքացար»⁴:

ՄԱՐԳԱՐԷՈՒԹԻՒՆ ՍԻՂՈՆԻ ԴԷՄ

20 «Տէրը խօսեցաւ» ինծի՝ ըսելով. **21** «Մարդո՛ւ որդի, ՚ուղղէ՛ երեսդ դէպի Սիդոն, մարգարէացի՛ր անոր դէմ **22** եւ ըսէ՛. “Տէրը՛ Եհովան սա՛ կը յայտարարէ. “Ահա՛ ես քեզի դէմ եմ, ո՛վ Սիդոն, ու մէջդ պիտի փառաւորուիմ”. պիտի գիտնան թէ ե՛ս եմ Տէրը՝ երբ անոր մէջ դատավճիռներ կիրարկեմ, եւ անոր մէջ սուրբ ըլլամ: **23** Արդարեւ անոր մէջ ժանտախտ պիտի դրկեմ, ու անոր փողոցներուն մէջ՝ արիւն. անոր մէջ վիրաւորներ պիտի իյնան՝ ամէն կողմէ անոր վրայ հասնող սուրով, եւ պիտի գիտնան թէ ե՛ս եմ Տէրը: **24** Իսրայէլի տան համար անգա՛մ մըն ալ ՚խայթող տատասկ պիտի չըլլայ, ո՛չ ալ կոտտանք պատճառող փուշ՝ բոլոր զիրենք շրջապատողներէն, որոնք զիրենք կ’արհամարհեն. ու պիտի գիտնան թէ ե՛ս եմ Տէրը՝ Եհովան»⁵:

ԻՍՐԱՅԷԼ ՊԻՏԻ ՕՐՇՆՈՒԻ

25 Տէրը՛ Եհովան սա՛ կը յայտարարէ. “Երբ Իսրայէլի տունը հաւաքեմ այն ժողովուրդներէն՝ որոնց մէջ ցրուած են, այն ատեն՝ “ազգերուն աչքերուն “պիտի փառաւորուիմ” անոնց մէջ, եւ անոնք պիտի բնակին իրենց ՚երկրին մէջ” որ ես տուի իմ Յակոբ ծառայիս: **26** Անոր մէջ ապահովութեամբ պիտի բնակին, ու տուներ պիտի կառուցանեն եւ այգիներ տնկեն: Երբ դատավճիռներ կիրարկեմ բոլոր զանոնք շրջապատողներուն դէմ՝ որոնք զիրենք կ’արհամարհեն, իրենք ապահովութեամբ պիտի բնակին. ու պիտի գիտնան թէ ե՛ս եմ Տէրը՝ իրենց Աստուածը»⁶:

ՄԱՐԳԱՐԷՈՒԹԻՒՆ ԵԳԻՊՏՈՍԻ ԴԷՄ

29

Տասներորդ տարին, տասներորդ ամսուան տասներկրորդ օրը, «Տէրը խօսեցաւ» ինծի՝

⁴ Եբբ.՝ դարձուցի

⁵ Եբբ.՝ Տէրոջ խօսքը եղաւ

⁶ Եբբ.՝ դի՛ր

⁷ Եբբ.՝ դառնացնող

⁸ Կամ՝ հեթանոսներուն

⁹ Եբբ.՝ սուրբ պիտի ըլլամ

¹⁰ Եբբ.՝ հողին վրայ

¹¹ Եբբ.՝ Տէրոջ խօսքը եղաւ

ըսելով. **2** «Մարդո՛ւ որդի, Բուդդե՛ր երեսդ Եգիպտոսի Փարաւոն թագաւորին դէմ, ու մարգարէացի՛ր անոր դէմ եւ ամբողջ Եգիպտոսի դէմ: **3** Խօսէ՛ ու ըսէ՛. “Տէրը՝ Եհովան սա՛կը յայտարարէ. “Ահա՛ ես քեզի դէմ եմ, ո՛վ Եգիպտոսի Փարաւոն թագաւոր, իր գետերուն մէջ պառկող մեծ վիշապ: Դուն կ’ըսես. «Իմ գետս իմս է, **գայն** ե՛ս կերտեցի՝ ինծի համար»: **4** Բայց ես քու ծնօտիդ կեռեր պիտի անցընեմ, ու գետերուդ ձուկերը քու թեփերուդ պիտի փակցնեմ. քեզ գետերուդ մէջէն պիտի բարձրացնեմ, նաեւ գետերուդ բոլոր ձուկերը՝ որոնք քու թեփերուդ փակած են: **5** Զեզ եւ գետերուդ բոլոր ձուկերը անապատը պիտի նետեմ. դուն Գբաց դաշտի վրայ՝ պիտի իյնաս, **ու** պիտի չամփոփուիս եւ չհաւաքուիս. քեզ երկրի գազաններուն ու երկինքի թռչուններուն պիտի տամ իբր կեր: **6** Եգիպտոսի բոլոր բնակիչները պիտի գիտնան թէ ե՛ս եմ Տէրը, որովհետեւ Իսրայէլի տան համար եղէգէ ցուպ եղան: **7** Երբ անոնք քեզ ձեռքով բռնեցին, դուն ջախջախուեցար եւ անոնց ամբողջ ուսը ճեղքեցիր. երբ քեզի կռթնեցան, փշրուեցար ու անոնց ամբողջ մէջքը դողացուցիր”□»:

8 Հետեւաբար Տէրը՝ Եհովան սա՛կը յայտարարէ. «Ահա՛ ես քու վրայ սուր պիտի բերեմ, եւ մարդն ու անասունը քու մէջէդ պիտի բնացնջեմ: **9** Եգիպտոսի երկիրը ամայի եւ ււերակ պիտի ըլլայ, ու պիտի գիտնան թէ ե՛ս եմ Տէրը. որովհետեւ ան ըսաւ. “Գետը իմս է, **գայն** ե՛ս կերտեցի□: **10** Հետեւաբար ահա՛ ես քեզի եւ գետերուդ դէմ եմ, ու Եգիպտոսի երկիրը ււերակ, անապատ եւ ամայի պիտի դարձնեմ՝ Մագդոդէն մինչեւ Սուհէն ու մինչեւ Եթովպիայի սահմանը: **11** Անկէ մարդու ոտք պիտի չանցնի. անկէ անասունի ոտք ալ պիտի չանցնի, ու քառասուն տարի պիտի չբնակուի: **12** Եգիպտոսի երկիրը ամայացած երկիրներուն մէջ ամայի պիտի դարձնեմ, եւ անոր քաղաքները ււերուած քաղաքներուն մէջ քառասուն տարի ամայի պիտի ըլլան. Եգիպտացիները ազգերուն մէջ պիտի ցրուեմ, ու զանոնք երկիրներուն մէջ պիտի սփռեմ»:

13 Սակայն Տէրը՝ Եհովան սա՛կը յայտարարէ. «Քառասուն տարուան վախճանին, Եգիպտացիները պիտի հաւաքեմ այն ազգերէն՝ որոնց մէջ ցրուեցան, **14** ու Եգիպտացիները գերութենէն պիտի վերադարձնեմ: Զանոնք Պաթուրէսի երկիրը՝ իրենց Դհայրենի երկիրը պիտի վերադարձնեմ, եւ հոն նուաստ թագաւորութիւն մը պիտի ըլլան: **15** Ան թագաւորութիւններուն ամենէն նուաստը պիտի ըլլայ, եւ անգամ մըն ալ ազգերուն վրայ պիտի Ե՛հպարտանայ. արդարեւ զանոնք պիտի պակսեցնեմ՝ որպէսզի ազգերուն վրայ չտիրապետեն: **16** Գնոնք անգամ մըն ալ Իսրայէլի տան ապահովութիւն պիտի չըլլան, իր անօրէնութիւնը յիշեցնելով՝ երբ **օգնութեան համար** անոնց կը նայէր. ու պիտի գիտնան թէ ե՛ս եմ Տէրը՝ Եհովան»:

ԲԱԲԵԼՈՆԻ ԹԱԳԱՒՈՐԸ ՊԻՏԻ ՏԻՐԷ ԵԳԻՊՏՈՍԻ

^բ Եբբ.՝ դի՛ր

^գ Եբբ.՝ դաշտի մակերեսը

^դ Եբբ.՝ ծագումի

^ե Եբբ.՝ ինքզինք չբարձրացնէ

^զ Եբբ.՝ Ան

17 Զսանեթներորդ տարին, առաջին ամսուան առաջին օրը, ^էՏէրը խօսեցաւ՝ ինծի՝ ըսելով. 18 «Մարդո՛ւ որդի, Բաբելոնի Նաբուգոդոնոսոր թագաւորը իր զօրագունդին ^Բծանր գործ կատարել տուաւ՝ Տիրոսի դէմ: Ամէն գլուխ կնտակ եղաւ ու ամէն ուս սկրթուեցաւ. սակայն իրեն եւ իր զօրագունդին համար ո՛չ մէկ վարձք ^Քստացաւ Տիրոսէն, այն գործին համար՝ որ անոր դէմ կատարեց»: 19 Հետեւաբար Տէրը՝ Եհովան սա՛ կը յայտարարէ. «Ահա՛ ես Եգիպտոսի երկիրը Բաբելոնի Նաբուգոդոնոսոր թագաւորին պիտի տամ. անոր մթերքը պիտի փոխադրէ, անոր անարը պիտի յափշտակէ, ու ^Ժզայն պիտի կողոպտէ՞. ասիկա պիտի ըլլայ իր զօրագունդին վարձքը: 20 Եգիպտոսի երկիրը իրեն տուի ^ԻՏիրոսի դէմ՝ կատարած գործին համար, որովհետեւ ինծի համար աշխատեցան,– կը պատգամէ Տէրը՝ Եհովան:– 21 Այդ օրը Իսրայէլի տան եղջիրը պիտի բուսցնեմ, եւ անոնց մէջ քու բերանդ պիտի բանամ. ու պիտի գիտնան թէ ե՛ս եմ Տէրը»:

ՏԷՐԸ ՊԻՏԻ ՊԱՏԺԷ ԵԳԻՊՏՈՍԸ

30

Դարձեալ ^ՄՏէրը խօսեցաւ՝ ինծի՝ ըսելով. 2 «Մարդո՛ւ որդի, մարգարէացի՛ր եւ ըսէ՛. “Տէրը՝ Եհովան սա՛ կը յայտարարէ. “Գոռացէ՛ք. «Աւա՛ղ, ^Գաւալի օր»»: 3 Արդարեւ օրը մօտ է, Տէրոջ օրը մօտ է, ամպոտ օր մը. ^Բազգերուն ^Աւերումի ժամանակը պիտի ըլլայ: 4 Եգիպտոսի վրայ սուր պիտի գայ, ու Եթովպիայի մէջ անձկութիւն պիտի ըլլայ, երբ Եգիպտոսի մէջ խոցուածներ իյնան, անոր մթերքը գրաւեն, եւ անոր հիմերը քանդեն: 5 Եթովպիացիները, ^ՓՓոլթացիները, ^ՂՂուդացիները, բոլոր ^ԱԱրաբներն ու ^ԵԶուբացիները եւ դաշնակից երկրին որդիները անոնց հետ սուրով պիտի իյնան»: 6 Տէրը սա՛ կը յայտարարէ. “Եգիպտոսի նեցուկ եղողներն ալ պիտի իյնան, ու անոր զօրութեան ամբարտաւանութիւնը պիտի ^Գխորտակուի. սուրով պիտի իյնան անոր մէջ՝ Մագդողէն մինչեւ Սուհէն,– կը պատգամէ Տէրը՝ Եհովան:– 7 Ամայացած երկիրներուն մէջ ամայի

^է Եբբ.՝ Տէրոջ խօսքը եղաւ
^Բ Եբբ.՝ մեծ ծառայութեան ծառայեցուց
^Ք Եբբ.՝ ունեցաւ
^Ժ Եբբ.՝ անոր կողոպուտը պիտի կողոպտէ
^Ի Եբբ.՝ անոր
^Լ Եբբ.՝ ծառայած
^Մ Եբբ.՝ Տէրոջ խօսքը եղաւ
^Բ Կամ՝ հեթանոսներուն
^Գ Կամ՝ Լիպիացիները
^Դ Կամ՝ խառնածիներն
^Ե Կամ՝ Նուբիացիները
^Վ Եբբ.՝ իջնէ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

պիտի ըլլան, եւ անոր քաղաքները ւերուած քաղաքներուն մէջ պիտի ըլլան: **8** Երբ Եգիպտոսի մէջ կրակ էձգեմ, ու անոր բոլոր օգնականները ջախջախուին, պիտի գիտնան թէ ե՛ս եմ Տէրը: **9** Այդ օրը իմ առջեւէս նաւերով պատգամաւորներ դուրս պիտի ելլեն, որպէսզի ապահովութեան մէջ եղող Եթովպիացիները դողացնեն. անոնց մէջ անձկութիւն պիտի ըլլայ՝ Եգիպտոսի օրուան պէս, որովհետեւ ահա՛ ան կու գայ՝[□]»:

10 Տէրը՝ Եհովան սա՛ կը յայտարարէ. «Եգիպտոսի դղրդիւնն ալ պիտի դադրեցնեմ Բաբելոնի Նաբուգոդոնոսոր թագաւորին ձեռքով: **11** Ինք եւ իրեն հետ իր ժողովուրդը – ազգերուն **ամենէն** բռնակալները – երկիրը կործանելու պիտի ^ըգան: Անոնք իրենց սուրերը Եգիպտոսի դէմ պիտի քաշեն, ու երկիրը խոցուածներով պիտի լեցնեն: **12** Ես ալ գետերը պիտի ցամքեցնեմ, երկիրը չարերուն ձեռքը պիտի ^ըմատնեմ, եւ օտարներուն ձեռքով պիտի ամայացնեմ երկիրն ու ^ժամէն ինչ որ անոր մէջ է՝. ես՝ Տէրս խօսեցայ»:

13 Տէրը՝ Եհովան սա՛ կը յայտարարէ. «^ԻԿուռքերն ալ պիտի բնացնջեմ, եւ Մեմփիսէ պիտի ^Լոչնչացնեմ չաստուածները: Անգա՛մ մըն ալ Եգիպտոսի երկրին **մէջ** իշխան պիտի չըլլայ, ու Եգիպտոսի երկրին մէջ վախ պիտի դնեմ: **14** Պաթուրէսը պիտի ամայացնեմ, Տայանիսի մէջ կրակ պիտի ձգեմ, եւ Նովի մէջ դատավճիռներ պիտի կիրարկեմ: **15** Եգիպտոսի ամրոցը եղող Սինի վրայ իմ ցասումս պիտի թափեմ, ու Նովի բազմութիւնը պիտի կոտորեմ: **16** Եգիպտոսի մէջ կրակ պիտի ձգեմ. Սին ^Խսաստիկ պիտի տանջուի՝. Նովի **պարիսպը** պիտի ճեղքուի. ^ՍՄեմփիս ցերեկ **ատեն պիտի գրաւուի** թշնամիներէն՝: **17** Արեգ քաղաքին եւ Փուբաստի երիտասարդները սուրով պիտի իյնան. անոնց **բնակիչները** գերութեան պիտի երթան: **18** Նաեւ Տափնասի մէջ ցերեկը պիտի խաւարի, երբ հոն կոտորեմ Եգիպտոսի լուծերը, ու ^Կոչնչանայ անոր զօրութեան ամբարտաւանութիւնը. ամպը պիտի ծածկէ զայն, եւ անոր ^Նաղջիկները գերութեան պիտի երթան: **19** Այսպէս Եգիպտոսի մէջ դատավճիռներ պիտի կիրարկեմ, ու պիտի գիտնան թէ ե՛ս եմ Տէրը»:

ԵԳԻՊՏՈՍԻ ԹԱԳԱՒՈՐԻՆ ԿՈՏՐԱԾ ՈՅԺԸ

20 Տասնմէկերորդ տարին, առաջին **ամիսը**, ամսուան եօթնին, ^ՁՏէրը խօսեցաւ՝ ինծի՛

^Է Եբր.՝ դնեմ

^Ը Կամ՝ բերուին

^Ր Եբր.՝ ծախեմ

^Տ Եբր.՝ անոր լիութիւնը

^Ի Եբր.՝ Չաստուածներն

^Լ Եբր.՝ դադրեցնեմ

^Խ Եբր.՝ երկունքի ցաւ պիտի քաշէ

^Ս Կամ՝ Մեմփիսի մէջ ցերեկը տագնապ **պիտի ըլլայ**

^Կ Եբր.՝ իր մէջ դադրի

^Ն Այսինքն՝ գիւղերը

^Ձ Եբր.՝ Տէրոջ խօսքը եղաւ

ըսելով. **21** «Մարդո՛ւ որդի, Եփայտոսի Փարաւոն թագաւորին բազուկը կոտրեցի, եւ ահա՛ ան պիտի չդարմանուի. դեղ պիտի ՚չտրուի, վիրակապ պիտի չդրուի՝ որպէսզի ան փաթթուելով զօրանայ ու սուր բռնէ: **22** Հետեւաբար Տէրը՝ Եհովան սա՛ կը յայտարարէ. «Ահա՛ ես Եփայտոսի Փարաւոն թագաւորին դէմ եմ, եւ անոր բազուկները պիտի կոտրեմ, թէ՛ ուժեղը եւ թէ՛ կոտրածը, ու սուրը անոր ձեռքէն **վար** ձգել պիտի տամ: **23** Եփայտացիները ազգերուն մէջ պիտի ցրուեմ, եւ զանոնք երկիրներուն մէջ պիտի սփռեմ: **24** Բաբելոնի թագաւորին բազուկները պիտի ուժովցնեմ, ու սուրս անոր ձեռքը պիտի տամ. իսկ Փարաւոնի բազուկները պիտի կոտրեմ, եւ ինք անոր առջեւ մահամերձ վիրաւորուածի մը հեծեծանքով պիտի «հառաչէ: **25** Այսպէս՝ Բաբելոնի թագաւորին բազուկները պիտի ուժովցնեմ, իսկ Փարաւոնի բազուկները պիտի իյնան: Երբ իմ սուրս Բաբելոնի թագաւորին ձեռքը տամ, ան ալ զայն Եփայտոսի երկրին վրայ երկարէ, պիտի գիտնան թէ ե՛ս եմ Տէրը: **26** Եփայտացիները ազգերուն մէջ պիտի ցրուեմ, զանոնք երկիրներուն մէջ պիտի սփռեմ, ու պիտի գիտնան թէ ե՛ս եմ Տէրը»:

ԵԳԻՊՏՈՍ ԿԸ ԲԱՂԴԱՏՈՒԻ ՄԱՅՐԻ ԾԱՌԻ ՀԵՏ

31

Տասնմէկերորդ տարին, երրորդ **ամիսը**, ամսուան առաջին **օրը**, «Տէրը խօսեցաւ» ինծի՛ ըսելով. **2** «Մարդո՛ւ որդի, ըսէ՛ Եփայտոսի Փարաւոն թագաւորին եւ անոր բազմութեան. «Դուն քու մեծութեամբդ որո՞ւ կը նմանիս: **3** Ահա՛ Ասորեստանցիւն Լիբանանի մէջ եղող մայրիի մը **պէս** էր. անոր ոստերը գեղեցիկ էին, ու տերեւախիտ **ճիւղերը՝** ստուերող. հասակը բարձր էր, եւ անոր կատարը՝ **խիտ ճիւղերու՝** մէջ: **4** Ջուրերը զայն մեծցուցին. անդունդը զայն բարձրացուց, իր գետերը անոր տնկուած **տեղին** շուրջը՝ հոսեցնելով, եւ իր ջրանցքները դաշտին բոլոր ծառերուն դրկելով: **5** Այս պատճառով անոր հասակը դաշտին բոլոր ծառերէն բարձր եղաւ. ջուրերուն առատութենէն անոր ոստերը շատցան ու շառաւիղները երկնցան՝ երբ **ծիլ** արձակեց: **6** Անոր ոստերուն մէջ երկինքի բոլոր թռչունները բոյն կը շինէին, եւ շառաւիղներուն տակ դաշտի բոլոր գազանները կը ծնանէին: Անոր հովանիին տակ բոլոր մեծ ազգերը կը բնակէին: **7** Իր մեծութեամբ ու ոստերուն երկայնութեամբ գեղեցիկ էր, որովհետեւ անոր արմատը յորդառատ ջուրերու քով էր: **8** Աստուծոյ ՚դրախտին մայրիները զայն չէին «ծածկեր, եղեկները անոր ոստերուն չէին նմաներ, եւ սօսիները անոր շառաւիղներուն պէս չէին. Աստուծոյ դրախտին մէջ ո՛չ մէկ ծառ անոր նման էր գեղեցկութեամբ: **9** Ջայն իր ոստերուն առատութեամբ գեղեցիկ կերտեր էի, ու Եղեմի բոլոր ծառերը՝ որ Աստուծոյ դրախտին մէջ էին՝ անոր կը նախանձէին:

¹ **Կամ՝** չորուի

² **Երբ.**՝ հեծեծէ

³ **Երբ.**՝ Տէրոջ խօսքը եղաւ

⁴ **Կամ՝** թանձր **ամպերու**

⁵ **Երբ.**՝ կ'երթային

⁶ **Կամ՝** պարտէզին

⁷ **Երբ.**՝ մթագներ

10 «Հետեւաբար Տէրը՝ Եհովան սա՛ կը յայտարարէ. «Քանի հասակով՝ քարձրացաւ ու կատարը խիտ **ճիւղերուն**՝ արձակեց, իր սիրտը իր հասակով գոռոզացաւ. **11** եւ ալ զայն շագգերու հերոսին ձեռքը մատնեցի, որ անշուշտ անոր պիտի թհատուցանէ. զայն իր ամբարշտութեան համար վռնտեցի: **12** Օտարները՝ ազգերուն **ամենէն** բռնակալները՝ զայն կտրեցին ու **երեսէ** ձգեցին. անոր ոստերը լեռներու վրայ եւ բոլոր հովիտներուն մէջ ինկան. անոր շառաւիղները երկրի բոլոր ձորերուն մէջ կտրեցան, ու երկրի բոլոր ժողովուրդները անոր հովանիէն ժհեռացան եւ զայն **երեսէ** ձգեցին: **13** Անոր ինկած **ոստերուն** վրայ երկինքի բոլոր թռչունները պիտի կենան, ու անոր շառաւիղներուն մէջ դաշտի գազանները պիտի իբնակին. **14** որպէսզի ջուրերու քով եղած ծառերէն ո՛չ մէկը իր հասակով խրոխտանայ եւ իր կատարը խիտ **ճիւղերուն** արձակէ, ու բոլոր ջուրով ոռոգուածներէն՝ ո՛չ մէկ բեւեկնի խրոխտաբար կայնի. արդարեւ անոնք բոլորն ալ մահուան **ձեռքը** մատնուած են՝ երկրի ստորին **մասերը երթալու համար**, գուրը իջնող մարդոց որդիներուն մէջ»:

15 Տէրը՝ Եհովան սա՛ կը յայտարարէ. «Խճոխք իջած օրը՝ սուգ պահել տուի. իրեն համար անդունդը ծածկեցի եւ անոր գետերը կասեցուցի: Յորդառատ ջուրեր արգելափակուեցան, ու իրեն համար Լիբանանը՝ սգաւոր դարձուցի՝. իրեն համար դաշտի բոլոր ծառերը թալկացան: **16** Երբ զինք գուրը իջնողներուն հետ դժոխք իջեցուցի, անոր անկումին ձայնէն ազգերը ցնցեցի. ու Եդեմի բոլոր ծառերը, Լիբանանի ընտիր եւ լաւագոյն **ծառերը**, բոլոր ջուրով ոռոգուածները, մխիթարուեցան երկրի ստորին **մասերուն մէջ**: **17** Անոնք ալ իրեն հետ դժոխք իջան՝ սուրով խոցուածներուն քով, նաեւ իր բազուկը եղողները, որոնք անոր հովանիին տակ կը բնակէին՝ ազգերուն մէջ:

18 «Դուն՝ այսպիսի փառքով ու մեծութեամբ՝ որո՞ւ կը նմանիս Եդեմի ծառերուն մէջ: Դուն Եդեմի ծառերուն հետ երկրի ստորին **մասերը** պիտի իջնես. սուրով խոցուածներուն հետ անթլփատներուն մէջ պիտի պառկիս: Փարաւոն եւ իր ամբողջ բազմութիւնը այսպէս պիտի ըլլան», կը պատգամէ Տէրը՝ Եհովան:

ԵԳԻՊՏՈՍԻ ԹԱԳԱԻՈՐԸ ԿԸ ԲԱՂԴԱՏՈՒԻ ԿՈԿՈՐԴԻԼՈՍԻ ՀԵՏ

32

Տասներկրորդ տարին, տասներկրորդ ամիսը, ամսուան առաջին **օրը**, «Տէրը խօսեցաւ»

^ա Եբբ.՝ բարձրացար

^բ Եբբ.՝ մէջ դրաւ

^բ Կամ՝ հեթանոսներու

^բ Եբբ.՝ հատուցում ընէ

^բ Եբբ.՝ իջան

^բ Եբբ.՝ ըլլան

^բ Եբբ.՝ ջուր խմածներէն

^բ Այսինքն՝ Մեռած անձերու կայանը

^բ Եբբ.՝ սեւցուցի

^բ Եբբ.՝ Տէրոջ խօսքը եղաւ

ինծի՝ ըսելով. **2** «Մարդո՛ւ որդի, ո՛ղբ բարձրացուր Եգիպտոսի Փարաւոն թագաւորին վրայ, եւ ըսէ՛ անոր.

“Դուն ազգերուն մէջ **առիւծի** կորիւնի կը նմանիս,
Ու ծովերուն մէջ վիշապի պէս ես.
Գետերուդ վրայ կը խոյանաս,
Ոտքերովդ ջուրերը կը պղտորես,
Եւ անոնց գետերը կ’աղտոտես□:

3 Տէրը՝ Եհովան սա՛ կը յայտարարէ.

“Ես շատ ազգերու համախմբումով
Իմ ցանցս քու վրայ պիտի տարածեմ,
Ու քեզ իմ ուռկանովս պիտի բարձրացնեն:

4 Զեզ գետինը պիտի նետեմ,

Զեզ ^բբաց դաշտի վրայ՝ պիտի ձգեմ,
Զու վրայ երկինքի բոլոր թռչունները պիտի բնակեցնեմ,
Եւ ամբողջ երկրի գազանները քեզմով պիտի կշտացնեմ.

5 Զու մարմինդ լեռներուն վրայ պիտի դնեմ,

Ու բեկորներովդ ձորերը պիտի լեցնեմ:

6 Զու արիւնովդ պիտի ^գոռոգեմ

Երկիրը՝ ուր դուն կը լողաս, մինչեւ լեռները,
Ու ձորերը քեզմով պիտի լեցուին:

7 Երբ քու **լոյսդ** մարեմ, երկինքը պիտի ծածկեմ

Եւ անոր աստղերը պիտի մթագնեմ,
Արեւը ամպով պիտի ծածկեմ
Ու լուսինը իր լոյսը պիտի **չտայ**:

8 Զու վերեւդ՝ երկինքի բոլոր լուսաւորները պիտի մթագնեմ,

Ու երկրիդ վրայ խաւարը պիտի տիրէ,–
Կը պատգամէ Տէրը՝ Եհովան:–

9 Երբ քու փլուզումիդ **լուրը**

Ազգերուն եւ քեզի անծանօթ երկիրներու հասցնեմ,
Շատ ժողովուրդներու սիրտը պիտի ^դվշտացնեմ:

10 Զու պատճառովդ շատ ժողովուրդներ պիտի ապշեցնեմ,

Զու պատճառովդ անոնց թագաւորները չափազանց պիտի սահմռկին,
Երբ իմ սուրս ^եճօճեմ անոնց երեսին առջեւ.

Զու անկումիդ օրը՝
Իւրաքանչիւրը իր կեանքին համար ամէն վայրկեան պիտի ^զսարսափի□:

11 Արդարեւ Տէրը՝ Եհովան սա՛ կը յայտարարէ.

^բ Եբբ.՝ դաշտի մակերեսը

^գ Եբբ.՝ ջրեմ

^դ Կամ՝ գրգռեմ

^ե Եբբ.՝ թռչիլ տամ

^զ Եբբ.՝ սարսռայ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

“Բաբելոնի թագաւորին սուրը քու վրայ պիտի գայ:

12 Զօրաւորներուն սուրերով քու բազմութիւնդ պիտի տապալեն:

Անոնք բոլորը ազգերուն **ամենէն** բռնակալներն են:

Եգիպտոսի ամբարտաւանութիւնը պիտի կործանեն,

եւ անոր ամբողջ բազմութիւնը պիտի բնաջնջուի:

13 Անոր բոլոր անասուններն ալ պիտի բնաջնջեն

Յորդանատ ջուրերու քովէն:

Անգամ մըն ալ մարդուն ոտքը զանոնք պիտի չխռովէ,

Ո՛չ ալ անասուններուն կճղակները զանոնք պիտի պղտորեն:

14 Այն ատեն անոնց ջուրերը պիտի ^էցածցնեն,

եւ անոնց գետերը իւղի պէս պիտի ^Ըհոսեցնեն,—

Կը պատգամէ Տէրը՝ Եհովան:—

15 Երբ Եգիպտոսի երկիրը ամայի դարձնեն,

Ու երկիրը իր լիութենէն ^Քպարպուի,

Երբ անոր բոլոր բնակիչները զարնեն,

Պիտի գիտնան թէ ե՛ս եմ Տէրը:

16 Ա՛յս է ողբը՝ որ պիտի ^Գբարձրացնեն:

Ազգերուն աղջիկները զայն պիտի բարձրացնեն:

Եգիպտոսի վրայ եւ անոր ամբողջ բազմութեան վրայ զայն պիտի բարձրացնեն[□],

Կը պատգամէ Տէրը՝ Եհովան»:

ՄԱՀՈՒԱՆ ԱՇԽԱՐՀԸ

17 Տասներկրորդ տարին, առաջին ամսուան տասներկնգին, ^ԻՏէրը խօսեցաւ՝ ինծի՝ ըսելով:

18 «Մարդո՛ւ որդի, սգա՛ Եգիպտոսի բազմութեան վրայ:

Զայն ու երեւելի ազգերուն աղջիկները

Իջեցո՛ւր երկրի ստորին **մասերը**՝ գուրը իջնողներուն հետ:

19 “Դուն որմէ՞՞ աւելի հաճոյալի ես:

Իջի՛ր եւ պառկէ՛ անթլփատներուն հետ[□]:

20 Անոնք սուրով խոցուածներուն մէջ պիտի իյնան:

Ան սուրի մատնուեցաւ:

Քաշկուտեցէ՛ք զայն եւ անոր ամբողջ բազմութիւնը:

21 ^ԼԴժոխքին մէջէն՝ զօրաւոր հերոսները

Անոր պիտի խօսին իրեն օգնողներուն հետ:

^է Եբբ.՝ ընկղմեն

^Ը Եբբ.՝ երթալ տամ

^Ք Եբբ.՝ ամայացած ըլլայ

^Գ Եբբ.՝ ողբան

^Ի Եբբ.՝ Տէրոջ խօսքը եղաւ

^Լ Այսինքն՝ Մեռած անձերու կայանին

Սուրով խոցուած անթլփատները **հոն** իջած կը պառկին:

- 22** Ասուր հոն է՝ իր ամբողջ համախմբումով.
^աԱնոնց գերեզմանները իր շուրջն են.
Բոլորը խոցուած են՝ սուրով ինկած:
- 23** Անոնց գերեզմանները գուբին ^ծխորերը դրուած են.
Անոր համախմբումը իր գերեզմանին շուրջն է.
Բոլորը խոցուած են՝ սուրով ինկած,
Իրենք՝ որ ապրողներու երկրին մէջ երկիւղ կը պատճառէին:
- 24** Եղամ **հոն** է՝ իր ամբողջ բազմութեամբ,
Անոր գերեզմանին շուրջը.
Բոլորը խոցուած են՝ սուրով ինկած,
Եւ անթլփատ իջան երկրի ստորին **մասերը**:
Անոնք որ ապրողներու երկրին իրենց երկիւղը կը պատճառէին,
Գուբը իջնողներուն հետ իրենց նախատինքը կը կրեն:
- 25** Խոցուածներուն մէջ անկողին պատրաստեցին անոր եւ իր ամբողջ բազմութեան.
Անոնց գերեզմանները իր շուրջն են.
Բոլորը սուրով խոցուած անթլփատներ են:
Թէպէտ անոնք ապրողներու երկրին մէջ իրենց երկիւղը կը պատճառէին,
Գուբը իջնողներուն հետ իրենց նախատինքը կը կրեն.
Անոնք խոցուածներուն մէջ դրուած են:
- 26** Մոտք, Թոբէլ եւ իրենց ամբողջ բազմութիւնը հոն են.
Անոնց գերեզմանները իրենց շուրջն են:
Բոլորը սուրով խոցուած անթլփատներ են,
Թէպէտ անոնք ապրողներու երկրին մէջ իրենց երկիւղը կը պատճառէին:
- 27** Անոնք անթլփատներէն ինկող զօրաւորներուն հետ պիտի չպառկին,
Որոնք իրենց պատերազմական զէնքերով դժոխք իջան,
Եւ իրենց սուրերը իրենց գլուխին տակ դրին.
Անոնց անօրէնութիւնները իրենց ոսկորներուն վրայ պիտի ըլլան,
Թէեւ անոնք ապրողներու երկրին մէջ զօրաւորներուն երկիւղն էին:
- 28** Դո՛ւն ալ անթլփատներուն մէջ պիտի ջախջախուիս,
Ու սուրով խոցուածներուն հետ պիտի պառկիս:
- 29** Եղովմ հոն է՝ իր թագաւորներով եւ բոլոր իշխաններով,
Որոնք՝ **հակառակ** իրենց զօրութեան՝ սուրով խոցուածներուն հետ դրուած են.
Անոնք անթլփատներուն հետ,
Գուբը իջնողներուն հետ կը պառկին:
- 30** Հիւսիսի բոլոր ^կիշխանները հոն են, նաեւ բոլոր Սիդոնացիները՝
Որոնք խոցուածներուն հետ իջան:
Անոնք իրենց զօրութեան ^հպատճառած երկիւղէն՝ կ'ամչնան.
Սուրով խոցուածներուն հետ անթլփատ կը պառկին,

^ա Եբր.՝ Անոր

^ծ Եբր.՝ ներսի կողմերը

^կ Եբր.՝ օժեալները

^հ Եբր.՝ պատճառած իրենց երկիւղէն

Ու գուրքը իջնողներուն հետ իրենց նախատինքը կը կրեն:

- 31 Փարաւոն զանոնք պիտի տեսնէ,
 Եւ իր ամբողջ բազմութեան մասին պիտի մխիթարուի.
 Փարաւոն եւ իր բոլոր զօրագունդերը սուրով պիտի խոցուին,—
 Կը պատգամէ Տէրը՝ Եհովան:—
- 32 ^աԱրդարեւ ապրողներու երկրին մէջ իմ երկիւղս դրի,
 Եւ՝ ան անթլփատներուն մէջ՝ սուրով խոցուածներուն հետ պիտի պառկի,
Այսինքն՝ Փարաւոն, եւ իր ամբողջ բազմութիւնը»,
 Կը պատգամէ Տէրը՝ Եհովան:

ԱՍՏՈՒԱԾ ՊԱՀԱՊԱՆ ԿԸ ԿԱՐԳԷ ԵԶԵԿԻԷԼԸ
(Եզեկ. 3. 16-21)

33

Դարձեալ «Տէրը խօսեցաւ» ինծի՝ ըսելով. 2 «Մարդո՛ւ որդի, խօսէ՛ քու ժողովուրդիդ որդիներուն ու ըսէ՛ անոնց. “Եթէ երկրի մը վրայ սուր բերեմ, եւ այդ երկրին ժողովուրդը իր մէջէն մարդ մը ^բընտրէ ու զայն իրենց համար դէտ կարգէ, 3 երբ ան այդ երկրին վրայ սուրին գալը տեսնելով՝ շեփորը հնչեցնէ եւ ժողովուրդը զգուշացնէ, 4 եթէ շեփորին ձայնը լսողը չզգուշանայ ու սուրը գայ եւ զայն տանի, անոր արիւնը իր գլուխը պիտի ըլլայ: 5 Ան շեփորին ձայնը լսեց ու չզգուշացաւ, անոր արիւնը իր վրայ պիտի ըլլայ. բայց զգուշացողը իր անձը պիտի ազատէ: 6 Իսկ եթէ դէտը սուրին գալը տեսնելով՝ շեփորը չհնչեցնէ եւ ժողովուրդը չզգուշանայ, ու սուրը գայ եւ անոնցմէ անձ մը տանի, ան իր անօրէնութեան համար տարուեցաւ. բայց անոր արիւնը դէտին ձեռքէն պիտի պահանջեմ□:

7 «Ուստի դո՛ւն, ո՛վ մարդու որդի, քեզ դէտ կարգեցի Իսրայէլի տան, որ իմ բերանէս խօսք լսես եւ իմ կողմէս զանոնք զգուշացնես: 8 Երբ ամբարիշտին ըսեմ. “Ո՛վ ամբարիշտ, անշուշտ պիտի մեռնիս□, բայց դուն չխօսիս ամբարիշտը իր ղընթացքէն զգուշացնելու համար, այդ ամբարիշտը իր անօրէնութեան մէջ պիտի մեռնի, բայց անոր արիւնը քու ձեռքէդ պիտի պահանջեմ: 9 Իսկ եթէ դուն ամբարիշտը իր ընթացքէն զգուշացնես՝ որպէսզի անկէ հեռանայ, բայց ան իր ընթացքէն չհեռանայ, ան իր անօրէնութեան մէջ պիտի մեռնի, սակայն դուն անձդ ազատած պիտի ըլլաս»:

ԱՆՀԱՏԱԿԱՆ ՊԱՏԱՍԽԱՆԱՏՈՒՈՒԹԻՒՆ

10 «Դո՛ւն, մարդո՛ւ որդի, ըսէ՛ Իսրայէլի տան. “Դուք սա՛ կ’ըսէք. “Մեր յանցանքներն ու մեղքերը մեր վրայ են, եւ մենք ^աանոնցմէ կը մաշինք. ուրեմն ի՞նչպէս պիտի ապրինք□:”

- ^ա Կամ՝ Թէպէտ ապրողներու երկրին մէջ անոր երկիւղը դրի,
- ^բ Երբ.՝ Տէրոջ խօսքը եղաւ
- ^բ Երբ.՝ ծայրերէն
- ^գ Երբ.՝ առնէ
- ^դ Երբ.՝ ճամբայէն
- ^ե Կամ՝ անոնց մէջ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

11 Ըսէ՛ անոնց. “Ես կ’ապրի՛մ,– կը պատգամէ Տէրը՝ Եհովան.– ամբարիշտին մահէն չեմ ախորժիր, հապա **կ’ուզեմ** որ ամբարիշտը իր ընթացքէն հեռանայ եւ ապրի: Հեռացէ՛ք, հեռացէ՛ք ձեր վատ ընթացքէն. ինչո՞ւ մեռնիք, ո՛վ Իսրայէլի տունը[□]:

12 «Դո՛ւն, մարդո՛ւ որդի, ըսէ՛ ժողովուրդիդ որդիներուն. “Արդարին արդարութիւնը՝ անոր յանցանք **գործած** օրը զայն պիտի չազատէ, եւ ամբարիշտին ամբարշտութիւնը՝ իր ամբարշտութենէն հեռացած օրը “գայթումի պատճառ պիտի չըլլայ”. ո՛չ ալ արդարը մեղանչած օրը իր **արդարութեամբ** պիտի կարենայ ապրիլ[□]: **13** Երբ ես արդարին ըսեմ թէ անշուշտ պիտի ապրի, բայց ան իր արդարութեան վստահելով անհրաւութիւն գործէ, անոր ամբողջ արդարութիւնը պիտի չյիշուի, հապա ան իր գործած անհրաւութեան մէջ պիտի մեռնի: **14** Իսկ երբ ամբարիշտին ըսեմ. “Դուն անշուշտ պիտի մեռնիս,[□] եւ ան իր մեղքէն հեռանայ ու իրաւունք եւ արդարութիւն կիրարկէ, **15 եթէ այդ** ամբարիշտը գրաւը վերադարձնէ, յափշտակածը հատուցանէ, **եւ** անհրաւութիւն չգործելով՝ կեանքի կանոններուն համեմատ ընթանայ, ան անշուշտ պիտի ապրի, պիտի չմեռնի: **16** Անոր գործած բոլոր մեղքերէն ո՛չ մէկը պիտի յիշուի իրեն դէմ. ան իրաւունք եւ արդարութիւն կիրարկեց, անշուշտ պիտի ապրի:

17 «Քու ժողովուրդիդ որդիները կ’ըսեն. “Տէրոջ ^Էճամբան ^Ըուղիղ չէ[□]. սակայն իրե՛նց ճամբան է որ ուղիղ չէ: **18** Երբ արդարը իր արդարութենէն հեռանայ եւ անհրաւութիւն գործէ, ինք անոր մէջ պիտի մեռնի: **19** Իսկ երբ ամբարիշտը իր ամբարշտութենէն հեռանայ, ու իրաւունք եւ արդարութիւն կիրարկէ, ինք անոնցմով պիտի ապրի. **20** մինչդեռ դուք կ’ըսէք. “Տէրոջ ճամբան ուղիղ չէ[□]: Ես ձեզմէ իւրաքանչիւրը իր ^Քճամբաներուն համեմատ պիտի դատեմ, ո՛վ Իսրայէլի տունը»:

ԵՐՈՒՍԱՂԷՄԻ ԱՆԿՈՒՄԻՆ ԼՈՒԻՐԸ

21 Մեր տարագրութեան տասներկրորդ տարին, տասներորդ ամսուան հինգերորդ **օրը**, Երուսաղէմէն ազատած մը ինծի եկաւ եւ ըսաւ. “Քաղաքը ^Փգրաւուեցաւ[□]: **22** Դեռ **այդ** ազատածը չեկած, իրիկունը՝ Տէրոջ ձեռքը իմ վրաս եղած էր, ու բերանս բացած էր մինչեւ անոր ինծի գալը՝ առտուն. ուստի բերանս բացուեցաւ, եւ ա՛լ համր չէի:

ԺՈՂՈՎՈՒՐԴԻՆ ՄԵՂԵՐԸ

23 Ի՛Տէրը խօսեցաւ՝ ինծի՛ ըսելով. **24** «Մարդո՛ւ որդի, Իսրայէլի Էրկրին այս ւաւերակներուն բնակիչները կ’ըսեն. “Աբրահամ մէ՛կ **մարդ** էր, ու Երկրին տիրացաւ. մենք՝ որ բազմաթիւ ենք, մեզի՛ տրուած է Երկիրը իբր ստացուածք[□]: **25** Հետեւաբար ըսէ՛ անոնց.

[□] Եբբ.՝ անով պիտի չգայթի

^Է Այսինքն՝ վարուելակերպը

^Ը Եբբ.՝ կշռուած

^Փ Այսինքն՝ ընթացքին

^Ք Եբբ.՝ գարնուեցաւ

^Թ Եբբ.՝ Տէրոջ խօսքը եղաւ

^Է Եբբ.՝ հողին

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

“Տէրը՝ Եհովան սա՛ կը յայտարարէ. “Դուք միսը արիւնով կ’ուտէք, ձեր աչքերը ձեր չաստուածներուն կը վերցնէք, եւ արիւն կը թափէք. միթէ պիտի տիրանա՞ք այդ երկրին: 26 Ձեր սուրերուն վրայ կը ^hկռթնիք, գարշուծիւն կը գործէք, ձեզմէ իւրաքանչիւրը իր ընկերին կի՛նը կը պղծէ. միթէ պիտի տիրանա՞ք այդ երկրին”[□]: 27 Անոնց սա՛ ըսէ. “Տէրը՝ Եհովան սա՛ կը յայտարարէ. “Ես կ’ապրի՛մ. ակերակներուն մէջ եղողները սուրով պիտի իյնան. ա՛ն որ ^oբաց դաշտի մէջ” է՝ գազաններուն պիտի մատնեմ, որ զինք լափեն. իսկ ամրութիւններուն ու քարայրներուն մէջ եղողները ժանտախտով պիտի մեռնին: 28 Երկիրը բոլորովին ամայի պիտի դարձնեմ, եւ անոր զօրութեան ամբարտաւանութիւնը պիտի ^hոչնչանայ: Իսրայէլի լեռներն ալ ամայի պիտի ըլլան, ու ո՛չ մէկը անկէ պիտի անցնի: 29 Երբ երկիրը բոլորովին ամայի դարձնեմ իրենց գործած բոլոր գարշուծիւններուն համար, պիտի գիտնան թէ ե՛ս եմ Տէրը”[□]»:

ՄԱՐԳԱՐԷԻՆ ՊԱՏԳԱՍԻՆ ԱՐԴԻՒՆՔՆԵՐԸ

30 «Դո՛ւն, մարդո՛ւ որդի, ժողովուրդիդ որդիները պատերուն քով ու տուններուն մուտքերը քու մասիդ կը խօսակցին: Իրարու հետ կը խօսին – իւրաքանչիւրը իր եղբոր հետ – եւ կ’ըսեն. “Այժմ եկէ՛ք ու լսեցէ՛ք թէ ի՛նչ է Տէրոջմ էն ^hեկած խօսքը”[□]: 31 Անոնք քեզի կու գան՝ ինչպէս ժողովուրդը կու գայ, քու առջեւ կը նստին՝ իմ ժողովուրդիս պէս, եւ քու խօսքերդ կը լսեն, բայց զանոնք չեն գործադրեր. արդարեւ իրենց բերանով ^hհաճելի խօսքեր կ’արտասանեն”, բայց իրենց սիրտը իրենց ազահութեան կը հետեւի: 32 Ահա՛ դուն անոնց՝ քաղցրաձայն ու հմուտ նուագահարի մը ^hախորժելի երգին պէս ես. քու խօսքերդ կը լսեն, բայց զանոնք չեն գործադրեր: 33 Սակայն երբ ասիկա իրագործուի, (ահա՛ կ’իրագործուի,) այն ատեն պիտի գիտնան թէ իրենց մէջ մարգարէ մը կար»:

ԻՍՐԱՅԷԼԻ ՀՈՎԻՒՆԵՐԸ

34

Դարձեալ “Տէրը խօսեցաւ” ինձի՛ ըսելով. 2 «Մարդո՛ւ որդի, մարգարէացի՛ր Իսրայէլի հովիւներուն դէմ. մարգարէացի՛ր եւ ըսէ՛ անոնց. “Տէրը՝ Եհովան սա՛ կը յայտարարէ հովիւներուն. “Վա՛յ Իսրայէլի հովիւներուն, որ իրենք զիրենք կ’արածեն. միթէ հովիւները հօ՛տը արածելու չե՞ն: 3 Դուք ^oճարպը կ’ուտէք ու բուրդը կը հագնիք եւ գէրը կը մորթէք, բայց հօտը չէք արածեր: 4 Տկարները չուժովցուցիք, հիւանդները չբուժեցիք ու կոտրածը

^h Եբբ.՝ կայնիք

^o Եբբ.՝ դաշտի մակերեսին վրայ

^h Եբբ.՝ դադրի

^o Եբբ.՝ ելած

^h Եբբ.՝ սիրահարութիւն կ’ընեն

^h Եբբ.՝ սիրահարական

^o Եբբ.՝ Տէրոջ խօսքը եղաւ

^o Կամ՝ կաթը

չփաթթեցիք. ⁴Մոլորածը չվերադարձուցիք եւ կորսուածը չփնտռեցիք. հապա բռնութեամբ ու բրտութեամբ անոնց վրայ տիրապետեցիք: **5** Անոնք ցրուեցան՝ քանի հովիւ չունէին, եւ ցրուելով՝ դաշտի բոլոր գազաններուն կեր եղան: **6** Իմ ոչխարներս մոլորեցան բոլոր լեռներուն վրայ ու բոլոր բարձր բլուրներուն վրայ. իմ ոչխարներս ցրուեցան երկրին ամբողջ մակերեսին վրայ, սակայն ո՛չ մէկը **զանոնք** որոնեց կամ փնտռեց⁴»:

7 «Հետեւաբար, ո՛վ հովիւներ, մտի՛կ ըրէք Տէրոջ խօսքը. **8** “Ես կ’ապրի՛մ,– կը պատգամէ Տէրը՝ Եհովան.– քանի հովիւ չըլլալուն համար իմ հօտս կողոպտուեցաւ ու ոչխարներս դաշտի բոլոր գազաններուն կեր եղան, եւ իմ հովիւներս չորոնեցին ոչխարներս, հապա հովիւները իրենք զիրենք արածեցին բայց իմ հօտս չարածեցին, **9** ո՛վ հովիւներ, մտի՛կ ըրէք Տէրոջ խօսքը: **10** Տէրը՝ Եհովան սա՛ կը յայտարարէ. “Ահա՛ ես հովիւներուն դէմ եմ, ու ոչխարներս անոնց ձեռքէն պիտի պահանջեմ. զանոնք ոչխար արածելէն պիտի դադրեցնեմ, եւ հովիւները անգա՛մ մըն ալ զիրենք պիտի չարածեն: Իմ ոչխարներս անոնց բերանէն պիտի ազատեմ, որպէսզի անգա՛մ մըն ալ անոնց կերակուր չըլլան⁵»:

ԲԱՐԻ ՀՈՎԻՒԸ

11 Արդարեւ Տէրը՝ Եհովան սա՛ կը յայտարարէ. «Ահա՛ ե՛ս ինքս պիտի որոնեմ ու քննեմ իմ ոչխարներս: **12** Ինչպէս հովիւը կը քննէ իր հօտը այն օրը՝ երբ իր ցրուած ոչխարներուն մէջն է, այնպէս **ալ** ե՛ս պիտի քննեմ իմ ոչխարներս, եւ պիտի ազատեմ զանոնք այն բոլոր տեղերէն՝ ուր ամպի ու մառախուղի օրը ցրուեցան: **13** Զանոնք ժողովուրդներէն պիտի հանեմ, զանոնք երկիրներէն պիտի հաւաքեմ եւ իրենց ⁶երկիրը բերեմ. զանոնք Իսրայէլի լեռներուն վրայ, ⁷«ձորերուն մէջ» ու երկրին բոլոր ⁸բնակավայրերը պիտի արածեմ: **14** Զանոնք լաւ արօտի մէջ պիտի արածեմ, եւ անոնց արօտավայրը Իսրայէլի բարձր լեռներուն վրայ պիտի ըլլայ. հոն լաւ արօտավայրի մէջ պիտի պառկին, ու Իսրայէլի լեռներուն վրայ պարարտ արօտի մէջ պիտի արածին: **15** Ե՛ս պիտի արածեմ իմ ոչխարներս, ե՛ս պիտի պառկեցնեմ զանոնք,– կը պատգամէ Տէրը՝ Եհովան:– **16** Կորսուածը պիտի փնտռեմ եւ մոլորածը պիտի վերադարձնեմ, կոտրածը պիտի փաթթեմ ու հիւանդը պիտի ուժովցնեմ, բայց պարարտը եւ ուժեղը պիտի բնաջնջեմ. զանոնք ⁹արդարութեամբ պիտի արածեմ:

17 «Իսկ ձեզի, ո՛վ իմ հօտս, Տէրը՝ Եհովան սա՛ կը յայտարարէ. “Ահա՛ ես ոչխարին ու ոչխարին, խոյերուն եւ նոխազներուն միջեւ պիտի դատեմ: **18** Միթէ՞ ձեզի քի՞չ **բան** է լաւ արօտի մէջ արածիլը, որ ձեր արօտներուն մնացորդը ձեր ոտքերով կը կոխկռտէք. **քի՞չ բան է** ջինջ ջուրերն ալ խմելը, որ մնացածը ձեր ոտքերով կ’աղտոտէք: **19** Ուստի իմ հօտս ձեր ոտքերուն կոխկռտածը կը ճարակէ ու ձեր ոտքերով աղտոտածը կը խմէ¹⁰»:

20 «Հետեւաբար Տէրը՝ Եհովան սա՛ կը յայտարարէ. “Ահա՛ ե՛ս ինքս պիտի դատեմ գէր ոչխարին ու նիհար ոչխարին միջեւ: **21** Քանի դուք **ձեր** կողով եւ ուսով հրեցիք, ու ձեր

⁴ Եբբ.՝ արտորուածը
⁵ Եբբ.՝ հողից վրայ
⁶ Եբբ.՝ վտակներուն քով
⁷ Եբբ.՝ բնակութիւնները
⁸ Եբբ.՝ իրաւունքով

եղջիւրներով բոլոր տկարներուն զարկիք՝ մինչեւ որ զանոնք դուրսը ցրուեցիք, **22** եւ ալ իմ ոչխարներս պիտի ազատեմ, եւ անգամ մըն ալ պիտի չկողոպտուին. ոչխարին ու ոչխարին միջեւ պիտի դատեմ: **23** Անոնց վրայ հովիւ մը պիտի նշանակեմ, **այսինքն** իմ ծառաս՝ Դաւիթը, որպէսզի զանոնք հովուէ: Ի՛նք պիտի հովուէ զանոնք. ի՛նք պիտի ըլլայ անոնց հովիւը: **24** Ես՝ Տէրս՝ անոնց Աստուած պիտի ըլլամ, եւ իմ ծառաս՝ Դաւիթ անոնց վրայ իշխան պիտի ըլլայ. ես՝ Տէրս խօսեցայ: **25** Անոնց հետ խաղաղութեան ուխտ մը պիտի կնքեմ. **այդ** երկրէն չար գազանները պիտի թնաջնջեմ, որ անապատին մէջ ապահովութեամբ բնակին ու անտառներուն մէջ քնանան: **26** Զանոնք եւ իմ լերանս շրջակայքը օրհնութիւն պիտի դարձնեմ. տեղատարափները իրենց ժամանակին պիտի իջեցնեմ, որոնք օրհնութեան տեղատարափներ պիտի ըլլան: **27** Դաշտի ծառերը իրենց պտուղը պիտի տան, եւ գետինը իր արգասիքը պիտի տայ: Անոնք իրենց թերկրին մէջ՝ ապահովութեամբ պիտի բնակին, ու երբ անոնց լուծին կապերը կոտորեմ եւ զանոնք ազատեմ զիրենք ստրկացնողներուն ձեռքէն, պիտի գիտնան թէ ե՛ս եմ Տէրը: **28** Անոնք անգամ մըն ալ Վազգերէն պիտի չկողոպտուին, ու երկրի գազանները զանոնք պիտի չլափեն. հապա ապահովութեամբ պիտի բնակին, եւ ո՛չ մէկ դողացնող պիտի ըլլայ: **29** Անոնց անուանի տունկ մը պիտի ՚բուսցնեմ, եւ անգամ մըն ալ երկրին մէջ սովէն պիտի չսպառին, անգամ մըն ալ ազգերէն նախատինք պիտի չկրեն: **30** Այն ատեն պիտի գիտնան թէ ես՝ Տէրս – իրենց Աստուածը – իրենց հետ եմ, ու իրենք – Իսրայէլի տունը – իմ ժողովուրդս եմ, կը պատգամէ Տէրը՝ Եհովան»:

31 «Դո՛ւք՝ իմ հօտս, իմ արօտիս հօտը, մարդիկ էք, **ու** ես ձեր Աստուածն եմ», կը պատգամէ Տէրը՝ Եհովան:

ԱՍՏՈՒԾՈՅ ՊԱՏԻԺԸ ԵԴՈՎՄԻ

35

Դարձեալ «Տէրը խօսեցաւ» ինծի՝ ըսելով. **2** «Մարդո՛ւ որդի, Բուղղէ՛ երեսդ դէպի Սէիրի լեռը, ու մարգարէացի՛ր անոր դէմ: **3** Ըսէ՛ անոր. «Տէրը՝ Եհովան սա՛ կը յայտարարէ. "Ահա՛ ես քեզի դէմ եմ, ո՛վ Սէիրի լեռ. իմ ձեռքս քու վրայ պիտի երկարեմ ու քեզ բոլորովին ամայի պիտի դարձնեմ: **4** Քու քաղաքներդ պիտի ակերեմ, դուն ամայի պիտի ըլլաս, եւ պիտի գիտնաս թէ ե՛ս եմ Տէրը"»:

5 «Քանի դուն յաւիտենական թշնամութիւն ունեցար, եւ Իսրայէլի որդիներուն **արիւնը** սուրի ձեռքով թափեցիր իրենց ձախորդութեան ժամանակը – անօրէնութեան վախճանին ժամանակը –, **6** ես կ'ապրի՛մ,– կը պատգամէ Տէրը՝ Եհովան,– քեզ արիւնի Պմէջ պիտի դնեմ՝, եւ արիւնը քեզ պիտի հետապնդէ. քանի արիւնը չատեցիր, արիւնը քեզ պիտի

² Եբբ.՝ դադրեցնեմ
³ Եբբ.՝ հողին վրայ
⁴ Կամ՝ հեթանոսներէն
⁵ Եբբ.՝ հանեմ
⁶ Եբբ.՝ Տէրոջ խօսքը եղաւ
⁷ Եբբ.՝ դի՛ր
⁸ Եբբ.՝ պիտի պատրաստեմ

հետապնդէ: **7** Սէիրի լեռը ⁷բոլորովին ամայի պիտի դարձնեմ, եւ անկէ անցնողն ու վերադարձողը պիտի բնաջնջեմ: **8** Անոր լեռները իր խոցուածներով պիտի լեցնեմ. քու բլուրներուդ վրայ, քու հովիտներուդ մէջ ու բոլոր ձորերուդ մէջ սուրով խոցուածներ պիտի իյնան: **9** Զեզ յաւիտենապէս ամայի պիտի դարձնեմ. քու քաղաքներդ պիտի ⁸չվերականգնին, եւ պիտի գիտնաք թէ ե՛ս եմ Տէրը»:

10 «Զանի դուն ըսիր. “Այս երկու ազգերն ու այս երկու երկիրները իմս պիտի ըլլան, եւ անոնց պիտի տիրանանք⁹, (թէպէտ Տէրը հոն էր,) **11** ես կ’ապրի՛մ,— կը պատգամէ Տէրը՝ Եհովան,— քու ատելութեամբդ անոնց դէմ կիրարկուած բարկութեանդ ու նախանձիդ համեմատ պիտի վարուիմ, եւ զիս անոնց պիտի ճանչցնեմ երբ քեզ դատեմ: **12** Պիտի գիտնաս թէ ես՝ Տէրս լսեցի քու բոլոր ⁹հայհոյութիւններդ, որ Իսրայէլի լեռներուն դէմ արտաբերեցիր՝ ըսելով. “Անոնք աներուեցան, անոնք մեզի տրուեցան իբր կերակուր¹⁰: **13** Ձեր բերանով ինծի դէմ ¹⁰հպարտացաք, ու ձեր խօսքերը ինծի դէմ շատցուցիք. ես **զանոնք լսեցի**»:

14 Տէրը՝ Եհովան սա՛ կը յայտարարէ. «Երբ ամբողջ երկիրը ուրախանայ, քեզ պիտի ամայացնեմ: **15** Ինչպէս դուն Իսրայէլի տան ժառանգութեան համար ուրախացար՝ երբ ամայացաւ, այնպէս ալ քեզի հետ պիտի վարուիմ: Դո՛ւն, ո՛վ Սէիրի լեռ, եւ ամբողջ Եդովմ, բոլորովին պիտի ¹¹ամայանաք, ու պիտի գիտնաք՝ թէ ե՛ս եմ Տէրը»:

ԱՍՏՈՒԾՈՅ ՕՐՇՆՈՒԹԻՒՆԸ ԻՍՐԱՅԷԼԻ

36

«Դո՛ւն, մարդո՛ւ որդի, մարգարէացի՛ր Իսրայէլի լեռներուն եւ ըսէ՛. “Ո՛վ Իսրայէլի լեռներ, մտի՛կ ըրէք Տէրոջ խօսքը. Տէրը՝ Եհովան սա՛ կը յայտարարէ. **2** “Զանի թշնամին ձեր մասին ըսաւ. «Վա՛՛շ, դարաւոր բարձունքներն ալ մեզի ստացուածք եղան», **3** մարգարէացի՛ր եւ ըսէ՛. «Տէրը՝ Եհովան սա՛ կը յայտարարէ. “Զանի ձեզ աներեցին ու ամէն կողմէ կլլեցին՝ որպէսզի մնացեալ “ազգերուն ստացուածք ըլլաք, քանի լեզուանի **մարդոց** շրթունքներուն ¹²Բնիթ եղաք”, եւ ժողովուրդին չարախօսութեան **առարկայ**, **4** մտի՛կ ըրէք Տէրոջ՝ Եհովայի խօսքը, ո՛վ Իսրայէլի լեռներ: Տէրը՝ Եհովան սա՛ կը յայտարարէ լեռներուն ու բլուրներուն, ձորերուն եւ հովիտներուն, ամայացած աներակներուն ու լքուած քաղաքներուն, որոնք շրջակայ մնացեալ ազգերուն կողոպուտին եւ ծաղրանքին **առարկայ** եղած են. **5** հետեւաբար Տէրը՝ Եհովան սա՛ կը յայտարարէ. “Անշուշտ իմ նախանձախնդրութեանս կրակով կը խօսիմ մնացեալ ազգերուն դէմ եւ ամբողջ Եդովմի դէմ, որոնք **իրենց** սիրտին ամբողջ ուրախութեամբ եւ անձին **ամբողջ** արհամարհանքով

⁷ Եբբ.՝ ամայացնելով
⁸ Կամ՝ չբնակուիմ
⁹ Եբբ.՝ անարգանքներդ
¹⁰ Եբբ.՝ դուք ձեզ մեծցուցիք
¹¹ Եբբ.՝ ամայանաս, ու պիտի գիտնան
¹² Կամ՝ հեթանոսներուն
¹³ Եբբ.՝ վրայ բարձրացաք

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

Իմ երկիրս իրենց ճյատկացուցին իբր ստացուածք՝ անոր արուարծանները կողոպտելու համար՝□»□»:

6 «Հետեւաբար մարգարէացի՛ր Իսրայէլի ^Դերկրին մասին, եւ ըսէ՛ լեռներուն ու բլուրներուն, ձորերուն եւ հովիտներուն. «Տէրը՝ Եհովան սա՛ կը յայտարարէ. «Քանի դուք ազգերէն նախատինք կրեցիք, ահա՛ ես ալ իմ նախանձախնդրութեամբս ու ցասումովս կը խօսիմ»: **7** Հետեւաբար Տէրը՝ Եհովան սա՛ կը յայտարարէ. «Ես ^Եիմ ձեռքս բարձրացուցի՛, որ ձեր շուրջը եղող ազգերը իրենց նախատինքը կրեն: **8** Բայց դո՛ւք, ո՛վ Իսրայէլի լեռներ, ձեր ոստերը պիտի ^Զարձակէք եւ իմ ժողովուրդիս՝ Իսրայէլի համար ձեր պտուղները պիտի բերէք, որովհետեւ անոնք մօտերս պիտի գան: **9** Արդարեւ ահա՛ ես ձեզի **Ըեցուկ** եմ ու ձեզի պիտի դառնամ. դուք պիտի մշակուիք եւ սերմանուիք: **10** Ձեր վրայ մարդիկը պիտի բազմացնեն, ամբողջ Իսրայէլի տունը՝ բոլորն ալ. քաղաքները պիտի բնակուին եւ ււերակները պիտի կառուցանուին: **11** Ձեր վրայ մարդն ու անասունը պիտի բազմացնեն. անոնք պիտի բազմանան եւ աճին: Ձեզ պիտի բնակեցնեն ձեր վաղեմի վիճակին պէս, ձեր սկիզբէն աւելի բարիք պիտի ընեն **ձեզի**, ու պիտի գիտնաք թէ ե՛ս եմ Տէրը: **12** Մարդոց – իմ ժողովուրդիս՝ Իսրայէլի – քալել պիտի տամ ձեր վրայ. անոնք քեզի պիտի տիրանան, դուն անոնց ժառանգութիւնը պիտի ըլլաս, եւ անգամ մըն ալ զանոնք պիտի ^Էչսպառես՝□»:

13 Տէրը՝ Եհովան սա՛ կը յայտարարէ. «Քանի քեզի համար կ'ըսեն. «Դուն մարդ լափող **երկիր** մըն ես, քու ազգերդ սպառեցիր□, **14** անգամ մըն ալ մարդ պիտի չլափես, անգամ մըն ալ քու ազգերդ պիտի չսպառես, – կը պատգամէ Տէրը՝ Եհովան:– **15** Անգամ մըն ալ քեզի լսել պիտի չտամ ազգերուն ^Ըանարգանքը. անգամ մըն ալ ժողովուրդներուն նախատինքը պիտի չկրես, անգամ մըն ալ քու ազգերդ պիտի ^Թչտապալես», կը պատգամէ Տէրը՝ Եհովան:

ԻՍՐԱՅԷԼԻ ՆՈՐ ԿԵԱՆՔԸ

16 ^ՏՏէրը խօսեցաւ՝ ինձի՛ ըսելով. «Մարդո՛ւ որդի, **17** երբ Իսրայէլի տունը իր ^Դերկրին մէջ՝ կը բնակէր, զայն իր ^Ըընթացքով եւ արարքներով ^Էապականեց: Անոնց ընթացքը իմ

^Գ Եբբ.՝ տուին

^Դ Եբբ.՝ հողին

^Ե Այսինքն՝ երդում ըրի

^Զ Եբբ.՝ տաք

^Ը Եբբ.՝ գաւակներէ չզրկես

^Թ Եբբ.՝ խայտառակումը

^Թ Եբբ.՝ չգայթեցնես

^Տ Եբբ.՝ Տէրոջ խօսքը եղաւ

^Դ Եբբ.՝ հողին վրայ

^Է Եբբ.՝ ճամբայով

առջեւ ^Ծդաշտանի անմաքրութեան պէս եղաւ: **18** Ուստի իմ ցասումս անոնց վրայ թափեցի այն արիւնին համար՝ որ իրենք թափեցին երկրի վրայ, նաեւ իրենց չաստուածներուն համար՝ որոնցմով զայն ^Կապականեցին: **19** Զանոնք ազգերուն մէջ ցրուեցի, ու երկիրներուն մէջ սփռուեցան. զանոնք իրենց ընթացքին եւ արարքներուն համեմատ դատեցի: **20** Երբ մտան այն ազգերուն մէջ՝ ուր գացին, իմ սուրբ անունս աղարտեցին, որովհետեւ իրենց համար ըսուեցաւ. «Ասոնք Եհովայի ժողովուրդն են, բայց անոր երկրէն դուրս ելած են^Գ: **21** Սակայն ես խնայեցի իմ սուրբ անունիս պատիւին համար, որ Իսրայէլի տունը աղարտեց այն ազգերուն մէջ՝ ուր մտաւ»:

22 «Հետեւաբար ըսէ՛ Իսրայէլի տան. «Տէրը՝ Եհովան սա՛ կը յայտարարէ. "Ձեր սիրոյն համար չէ որ կ'ընեմ **ասիկա**, ո՛վ Իսրայէլի տունը, հապա իմ սուրբ անունիս պատիւին համար, որ դուք աղարտեցիք այն ազգերուն մէջ՝ ուր մտաք: **23** Ես պիտի սրբացնեմ իմ մեծ անունս, որ ազգերուն մէջ աղարտուեցաւ, որ դուք անոնց մէջ աղարտեցիք, եւ ազգերը պիտի գիտնան թէ ե՛ս եմ Տէրը,– կը պատգամէ Տէրը՝ Եհովան,– երբ անոնց աչքերուն առջեւ ձեր մէջ ^Բփառաւորուիմ: **24** Ձեզ ազգերուն մէջէն պիտի առնեմ, բոլոր երկիրներէն ձեզ պիտի հաւաքեմ, ու ձեզ ձեր ^Ծերկիրը պիտի բերեմ: **25** Ձեր վրայ մաքուր ջուր պիտի սրսկեմ, ու պիտի մաքրուիք. ձեր բոլոր անմաքրութիւններէն, ձեր բոլոր չաստուածներէն ձեզ պիտի մաքրեմ: **26** Նաեւ ձեզի նոր սիրտ պիտի տամ, եւ ձեր ներսը նոր հոգի պիտի դնեմ. ձեր մարմիններէն քարեղէն սիրտը պիտի հանեմ ու ձեզի մարմնեղէն սիրտ պիտի տամ: **27** Իմ Հոգիս պիտի դնեմ ձեր ներսը, եւ իմ կանոններովս ընթանալ պիտի տամ ձեզի. իմ որոշումներս պիտի պահէք ու գործադրէք: **28** Պիտի բնակիք այն երկրին մէջ՝ որ ձեր հայրերուն տուի, եւ իմ ժողովուրդս պիտի ըլլաք, ես ալ ձեր Աստուածը պիտի ըլլամ: **29** Ձեր բոլոր անմաքրութիւններէն ձեզ պիտի ազատեմ: Թորենը պիտի կանչեմ ու զայն շատցնեմ. ձեր վրայ սով պիտի ^Դչղրկեմ: **30** Ծառերուն պտուղն ու արտերուն բերքը պիտի շատցնեմ, որպէսզի անգա՛մ մըն ալ ազգերուն մէջ սովի նախատինք ^Եչկրէք: **31** Ձեր վատ ընթացքը եւ անվայել արարքները պիտի յիշէք, ու ձեր անօրէնութիւններուն եւ գարշութիւններուն համար դուք ձեզմէ պիտի զզուիք: **32** Ձեր սիրոյն համար չէ որ կ'ընեմ **ասիկա**,– կը պատգամէ Տէրը՝ Եհովան.– գիտցէ՛ք **ասիկա**: Ձեր ընթացքէն ամչցէ՛ք ու խպնեցէ՛ք, ո՛վ Իսրայէլի տունը"^Գ»:

33 «Տէրը՝ Եհովան սա՛ կը յայտարարէ. «Այն օրը՝ երբ ձեզ մաքրեմ ձեր բոլոր անօրէնութիւններէն, քաղաքները պիտի բնակեցնեմ եւ ակերակները պիտի կառուցանուին: **34** Ամայացած երկիրը պիտի մշակուի, փոխանակ բոլոր անցորդներուն աչքերուն առջեւ ամայի ըլլալու: **35** Ու պիտի ըսեն. "Այս ամայացած երկիրը Եդեմի ^Զդրախտին պէս եղաւ,

^Խ Եբբ.՝ անմաքուր ըրաւ
^Ծ Եբբ.՝ կեղտոտութեան
^Կ Եբբ.՝ անմաքուր ըրին
^Բ Եբբ.՝ սուրբ ըլլամ
^Գ Եբբ.՝ հողին վրայ
^Դ Եբբ.՝ չղնեմ
^Ե Եբբ.՝ չստանաք
^Զ Կամ՝ պարտէզին

եւ ւերուած, ամայի ու փլած քաղաքները ամրացան եւ բնակուեցան”։ 36 Ձեր շուրջը մնացած ազգերը պիտի գիտնան թէ ես՝ Տէրս փլած քաղաքները կը կառուցանեմ, եւ ամայացած երկիրը կը լսերմանեմ։ Ես՝ Տէրս խօսեցայ, ու պիտի իրագործեմ

37 «Տէրը՝ Եհովան սա՛ կը յայտարարէ. “Իսրայէլի տան ա՛լ “պիտի պատասխանեմ”, որպէսզի անոնց սա՛ ընեմ.– անոնց մարդիկը հօտի պէս պիտի բազմացնեմ։ 38 Սուրբ հօտին պէս, Երուսաղէմի հօտին պէս՝ իր հանդիսաւոր տօներուն ատենը, ա՛յդպէս մարդոց հօտերով պիտի լեցուին ւերուած քաղաքները։ Այն ատեն գիտնան թէ ե՛ս եմ Տէրը”»։

ՉՈՐՑԱԾ ՈՍԿՈՐՆԵՐՈՒՆ ՀՈՎԻՏԸ

37

Տէրոջ ձեռքը իմ վրաս եղաւ, եւ “Տէրը զիս Հոգիով” դուրս հանեց ու Բդաշտին մէջ դրաւ. ան ոսկորներով լեցուն էր։ 2 Զիս անոնց քովէն անցուց՝ ամէն կողմէ, եւ ահա՛ անոնք դաշտին մակերեսին վրայ չափազանց շատ էին, Գնաւ յոյժ չորցած։

3 Ապա ինծի ըսաւ. «Մարդո՛ւ որդի, այս ոսկորները կրնա՞ն վերապրիլ»։ Պատասխանեցի. «Ո՛վ Տէր Եհովա, դո՛ւն գիտես»։ 4 Ինծի ըսաւ. «Մարգարէացի՛ր այս ոսկորներուն մասին եւ ըսէ՛ անոնց. “Ո՛վ չորցած ոսկորներ, մտի՛կ ըրէք Տէրոջ խօսքը։ 5 Տէրը՝ Եհովան սա՛ կը յայտարարէ այս ոսկորներուն. “Ահա՛ ես ձեր մէջ շունչ պիտի մտցնեմ, ու պիտի վերապրիք։ 6 Զիղեր պիտի դնեմ ձեր վրայ, միս պիտի աճեցնեմ ձեր վրայ, մորթով պիտի ծածկեմ ձեզ, շունչ պիտի դնեմ ձեր մէջ, եւ պիտի վերապրիք։ Այն ատեն պիտի գիտնաք թէ ե՛ս եմ Տէրը”»։

7 Ես մարգարէացայ՝ ինչպէս ինծի հրամայուեցաւ։ Մինչ կը մարգարէանայի՝ աղմուկ մը յլուեցաւ, եւ ահա՛ շարժում մը եղաւ, ու ոսկորները իրարու մօտեցան՝ ոսկորը իր համապատասխան ոսկորին։ 8 Տեսայ թէ ահա՛ ջիղեր ու միս աճեցան անոնց վրայ, մորթը վրայէն ծածկեց զանոնք, բայց անոնց մէջ շունչ չկար։ 9 Այն ատեն ինծի ըսաւ. «Մարգարէացի՛ր շունչին։ Մարգարէացի՛ր, մարդո՛ւ որդի, եւ ըսէ՛ շունչին. “Տէրը՝ Եհովան սա՛ կը յայտարարէ. “Ո՛վ շունչ, եկո՛ւր չորս հովերէն եւ փչէ՛ այս “մեռցուածներուն վրայ, որպէսզի վերապրին”»։ 10 Ես ալ մարգարէացայ՝ ինչպէս ինծի հրամայեց, շունչը անոնց մէջ մտաւ, ու վերապրեցան. իրենց ոտքերուն վրայ կայնեցան, եւ չափազանց մեծ զօրագունդ մը կազմուեցաւ։

11 Ինծի ըսաւ. «Մարդո՛ւ որդի այս ոսկորները ամբողջ Իսրայէլի տունն են։ Ահա՛ անոնք կ’ըսեն. “Մեր ոսկորները չորցան ու մեր յոյսը՝ կտրեցաւ. մենք՝ կորսուած ենք”»։ 12 Ուստի

¹ Եբբ.՝ տնկեմ
² Եբբ.՝ պիտի թոյլատրեմ որ ինծի խորհուրդ հարցնէ
³ Կամ՝ Տէրոջ Հոգիով զիս
⁴ Կամ՝ հովիտին
⁵ Եբբ.՝ եւ ահա՛
⁶ Եբբ.՝ եղաւ
⁷ Կամ՝ ջարդուածներուն
⁸ Եբբ.՝ կորսուեցաւ

մարգարեացի՝ եւ ըսէ՛ անոնց. “Տէրը՝ Եհովան սա՛ կը յայտարարէ. “Ահա՛ ես ձեր գերեզմանները պիտի բանամ ու ձեզ պիտի բարձրացնեմ ձեր գերեզմաններէն, ո՛վ իմ ժողովուրդս, եւ ձեզ Իսրայէլի ^բերկիրը պիտի բերեմ: **13** Երբ ձեր գերեզմանները բանամ ու ձեզ բարձրացնեմ ձեր գերեզմաններէն, ո՛վ իմ ժողովուրդս, պիտի գիտնաք թէ ե՛ս եմ Տէրը: **14** Իմ Հոգիս ձեր ներսը պիտի դնեմ, եւ պիտի վերապրիք. ձեր երկրին մէջ ձեզ պիտի տեղաւորեմ, ու պիտի գիտնաք թէ ^բես՝ Տէրս խօսեցայ եւ իրագործեցի՛”, կը պատգամէ Տէրը՝ Եհովան ^գ»:

ՅՈՒԴԱ ԵՒ ԻՍՐԱՅԷԼ՝ ՄԷԿ ԹԱԳԱՒՈՐՈՒԹԵԱՆ ՄԷջ

15 ^ԺՏէրը խօսեցաւ՝ ինծի՛ ըսելով. **16** «Դո՛ւն, մարդո՛ւ որդի, քեզի փա՛յտ մը առ ու գրէ՛ անոր վրայ. “Յուդայի համար, եւ անոր ընկերակիցներուն՝ Իսրայէլի որդիներուն համար ^դ: Յետոյ ուրի՛շ փայտ մը առ, ու գրէ՛ անոր վրայ. “Յովսէփի համար, Եփրեմի եւ անոր ընկերակիցներուն՝ ամբողջ Իսրայէլի տան փայտը ^դ: **17** Զանոնք մօտեցո՛ւր իրարու, որպէսզի մէկ փայտ ըլլան ու ձեռքիդ մէջ միանան: **18** Երբ ժողովուրդիդ որդիները քեզի խօսին եւ ըսեն. “Մեզի չե՞ս բացատրեր թէ ասոնք քեզի ի՞նչ կը նշանակեն ^դ, **19** անոնց պատասխանէ՛. “Տէրը՝ Եհովան սա՛ կը յայտարարէ. “Ահա՛ ես պիտի առնեմ Յովսէփի փայտը՝ որ Եփրեմի ձեռքն է, նաեւ անոր ընկերակիցները՝ Իսրայէլի տոհմերը, ու զանոնք անոր հետ պիտի դնեմ, **այսինքն՝** Յուդայի փայտին հետ. զանոնք մէկ փայտ պիտի ընեն, եւ իմ ձեռքիս մէջ մէկ պիտի ըլլան ^դ: **20** Այն փայտերը՝ որոնց վրայ պիտի գրես, քու ձեռքիդ մէջ թող ըլլան՝ անոնց աչքերուն առջեւ: **21** Անոնց ըսէ՛. “Տէրը՝ Եհովան սա՛ կը յայտարարէ. “Ահա՛ ես Իսրայէլի որդիները պիտի առնեմ այն ^Էազգերուն մէջէն՝ ուր գացին, զանոնք ամէն կողմէ պիտի հաւաքեմ եւ իրենց ^Ըերկիրը բերեմ: **22** Զանոնք մէկ ազգ պիտի ընեն երկրին մէջ՝ Իսրայէլի լեռներուն վրայ, եւ անոնց բոլորին վրայ մէկ թագաւոր պիտի թագաւորէ. անգա՛մ մըն ալ երկու ազգ պիտի չըլլան, անգա՛մ մըն ալ երկու թագաւորութեան պիտի չբաժնուին: **23** Անգա՛մ մըն ալ անմաքուր պիտի չըլլան իրենց չաստուածներով ու պղծութիւններով, ո՛չ ալ իրենց բոլոր յանցանքներով: Ես զանոնք պիտի ազատեմ իրենց բոլոր ^Թբնակութիւններէն՝ որոնց մէջ իրենք մեղանչեցին. զանոնք պիտի մաքրեմ, եւ անոնք իմ ժողովուրդս պիտի ըլլան, ես ալ անոնց Աստուածը պիտի ըլլամ: **24** Իմ ծառաս՝ Դաւիթ իրենց վրայ թագաւոր պիտի ըլլայ, ու բոլորը մէկ հովիւ պիտի ունենան. իրենք իմ կանոններուս համաձայն պիտի ընթանան, իմ հրամաններս պիտի պահեն ու զանոնք գործադրեն: **25** Պիտի բնակին այն երկիրը՝ որ իմ Յակոբ ծառայիս տուի, որուն մէջ ձեր հայրերը բնակեցան. իրենք, իրենց որդիները եւ իրենց որդիներուն որդիները յաւիտեան հոն պիտի բնակին, ու իմ ծառաս՝ Դաւիթ յաւիտեան

^Է Երբ.՝ մեր բաժիններուն կտրուեցանք

^Ը Երբ.՝ հողին վրայ

^Թ Կամ՝ ե՛ս եմ Տէրը. ես խօսեցայ, եւ պիտի իրագործեմ

^Ժ Երբ.՝ Տէրոջ խօսքը եղաւ

^Ի Կամ՝ հեթանոսներուն

^Լ Երբ.՝ հողին վրայ

^Թ Կամ՝ ուխտադրութիւններէն

անոնց իշխանը պիտի ըլլայ: **26** Անոնց հետ խաղաղութեան ուխտ պիտի կնքեմ, որ անոնց յաւիտենական ուխտ պիտի ըլլայ: Զանոնք պիտի ծհաստատեմ ու բազմացնեմ, եւ իմ սրբարանս անոնց մէջ պիտի դնեմ յաւիտեան: **27** Իմ կբնակարանս անոնց քով պիտի ըլլայ. ես անոնց Աստուածը պիտի ըլլամ, անոնք ալ իմ ժողովուրդս պիտի ըլլան: **28** Երբ իմ սրբարանս յաւիտեան անոնց մէջ ըլլայ, ազգերը պիտի գիտնան թէ ես եմ Տէրը՝ որ Իսրայէլը կը սրբացնէ»:

ԳՈԳԸ ՈՐՊԷՍ ԱՍՏՈՒԾՈՅ ԳՈՐԾԻՔ

38

Դարձեալ «Տէրը խօսեցաւ» ինծի՝ ըսելով. **2** «Մարդո՛ւ որդի, բուղղէ՛ երեսդ Մագոգի երկիրը եղող Ռովսի, Մոսոքի ու Թոբէլի գլխաւոր իշխանին՝ Գոգի, մարգարէացի՛ր անոր դէմ, **3** եւ ըսէ՛. «Տէրը՝ Եհովան սա՛ կը յայտարարէ. "Ահա՛ ես քեզի դէմ եմ, ո՛վ Գոգ, Ռովսի, Մոսոքի ու Թոբէլի գլխաւոր իշխան: **4** Զեզ պիտի քաշեմ, քու ծնօտիդ կեռեր պիտի անցընեմ, ու դուրս պիտի հանեմ քեզ եւ ամբողջ զօրագունդդ.— ձիերն ու ձիաւորները, բոլորն ալ կատարելապէս զրահաւորուած, ասպարաւորներուն ու վահանաւորներուն մեծ համախմբումը՝ բոլորն ալ սուր բռնող, **5** եւ անոնց հետ՝ Պարսիկները, Եթովպիացիներն ու Փոլթացիները, բոլորն ալ վահանաւոր եւ սաղաւարտաւոր, **6** նաեւ Գոմեր՝ իր բոլոր գումարտակներով, Թորգոմայի տունը՝ հիւսիսի ծայրերէն, եւ անոր բոլոր գումարտակները. շատ ժողովուրդներ քեզի հետ պիտի ըլլան»:

7 «Պատրա՛ստ եղիր, քեզ ու քովդ հաւաքուած ամբողջ համախմբումը պատրաստէ՛, եւ դուն անոնց պահապա՛ն եղիր: **8** Ծատ օրերէն ետք քու զօրքերդ՝ պիտի թուարկես», ու տարիներու վախճանին պիտի գաս այն երկիրը՝ որ սուրէն է ազատուած է, այն ազգին՝ որ շատ ժողովուրդներէն հաւաքուած է Իսրայէլի լեռներուն վրայ – որոնք մշտատեւ աւերակ եղած էին. ան ժողովուրդներէն բերուած ըլլալով՝ բոլորն ալ ապահովութեամբ պիտի բնակին: **9** Իսկ դուն պիտի բարձրանաս, մրրիկի պէս գաս, ու երկիրը ծածկելու համար ամպի պէս պիտի ըլլաս, դուն եւ բոլոր գումարտակներդ, ու շատ ժողովուրդներ քեզի հետ»:

-
- ^ծ Եբբ.՝ դնեմ
 - ^Կ Կամ՝ խորանս
 - ^Մ Եբբ.՝ Տէրոջ խօսքը եղաւ
 - ^Բ Եբբ.՝ դի՛ր
 - ^Գ Եբբ.՝ հագուած
 - ^Դ Կամ՝ Լիպիացիները
 - ^Ե Եբբ.՝ ներսի կողմերէն
 - ^Զ Եբբ.՝ աչքէ պիտի անցընես
 - ^Է Եբբ.՝ հեռացուած
 - ^Ը Եբբ.՝ դուրս հանուած

10 «Տէրը՝ Եհովան սա՛ կը յայտարարէ. “Այդ օրը ՞մտածումներ պիտի ունենաս”, չար ժծրագիր մը պիտի պատրաստես” 11 ու պիտի ըսես. “Անպարիսպ քաղաքներու երկիրը բարձրանամ, հանդարտութեան մէջ եղողներուն, ապահովութեամբ բնակողներուն վրայ հասնիմ. անոնք բոլորը անպարիսպ տեղեր կը բնակին, ուր ո՛չ նիգեր կան, ո՛չ դռներ”, 12 որպէսզի ասար յափշտակես եւ կողոպուտ գրաւես, ու ձեռքդ ի՞դնես Վերաբնակուած ակերակներուն վրայ, ազգերէն հաւաքուած ժողովուրդին վրայ, որ խաշինք եւ ինչք ստացած է ու երկրին ՞բարձր տեղերը” կը բնակի: 13 Սաբա ու Դեդան, եւ Թարսիսի վաճառականներն ու անոր բոլոր առիւծի կորիւնները քեզի պիտի ըսեն. “Միթէ ասար յափշտակելո՞ւ եկար. կողոպուտ գրաւելո՞ւ համար քու համախմբումդ հաւաքեցիր, որպէսզի արծաթ ու ոսկի փոխադրես, խաշինք եւ ինչք գրաւես, մեծ ասար տանիս”□:

14 «Հետեւաբար մարգարէացի՛ր, մարդո՛ւ որդի, ու Գոգի ըսէ՛. “Տէրը՝ Եհովան սա՛ կը յայտարարէ. “Այն օրը, երբ իմ ժողովուրդս՝ Իսրայէլ ապահովութեամբ բնակի, ահա՛ դուն պիտի գիտնաս, 15 եւ քու տեղէդ՝ հիւսիսի ծայրերէն պիտի գաս, դուն ու քեզի հետ շատ ժողովուրդներ – բոլորը ձիեր հեծած, մեծ համախմբումով եւ շատ զօրագունդերով: 16 Իմ ժողովուրդիս՝ Իսրայէլի դէմ պիտի բարձրանաս, ամպի պէս երկիրը ծածկելու համար: Ասիկա վերջին օրերը պիտի ըլլայ, ու քեզ իմ երկրիս դէմ պիտի բերեմ, որպէսզի ծհեթանոսները զիս ճանչնան, երբ ես անոնց աչքերուն առջեւ քեզմով Վիառաւորուիմ, ո՛վ Գոգ՝□»:

ԱՍՏՈՒԾՈՅ ՊԱՏԻԺԸ ԳՈԳԻ

17 «Տէրը՝ Եհովան սա՛ կը յայտարարէ. “Դուն ա՛ն չե՞ս, որուն մասին վաղեմի ժամանակին խօսեցայ իմ ծառաներուն՝ Իսրայէլի մարգարէներուն ՚միջոցով, որոնք այդ օրերը – տարիներու ընթացքին – մարգարէացան թէ քեզ անոնց դէմ պիտի բերեմ: 18 Այդ օրը, Գոգի Իսրայէլի ձերկրին դէմ եկած օրը, – կը պատգամէ Տէրը՝ Եհովան, – իմ ցասումս ՚դէմքս պիտի բարձրանայ: 19 Իմ նախանձախնդրութեամբս, իմ ցասումիս կրակով խօսեցայ թէ այդ օրը անշուշտ Իսրայէլի ձերկրին մէջ” մեծ շարժ պիտի ըլլայ. 20 ծովուն

- ♣ Եբբ.՝ սիրտիդ մէջ բաներ պիտի բարձրանան
- ♠ Եբբ.՝ հնարք մը պիտի հնարես
- ♠ Եբբ.՝ դարձնես
- ⌚ Եբբ.՝ բնակուած
- ♠ Եբբ.՝ պորտը
- ♠ Կամ՝ ազգերը
- ⌚ Եբբ.՝ սուրբ ըլլամ
- ♠ Եբբ.՝ ձեռքով
- ♠ Եբբ.՝ հողին
- ♠ Կամ՝ բարկութեամբս
- ♠ Եբբ.՝ հողին վրայ

ձուկերը, երկինքի թռչունները, դաշտի գազանները, գետինի վրայ սողացող բոլոր սողուններն ու երկրագունդի մակերեսին վրայ եղող բոլոր մարդիկը իմ ¹առջեւ պիտի ²դողան։ Լեռները պիտի փլչին, ցից ժայռերը պիտի տապալին, եւ բոլոր պարիսպները գետինը պիտի իյնան։ **21** Անոր դէմ սուրը պիտի կանչեմ իմ բոլոր լեռներուս վրայ,– կը պատգամէ Տէրը՝ Եհովան։– Իւրաքանչիւրին սուրը իր եղբօր վրայ պիտի ³դառնայ։ **22** Զայն ժանտախտով եւ արիւնով պիտի դատեմ. անոր վրայ, անոր **գօրքերուն** գումարտակներուն վրայ եւ անոր հետ եղող ժողովուրդներուն վրայ յորդանոս տեղատարափ, կարկուտի քարեր, կրակ ու ծծումբ պիտի տեղացնեմ։ **23** Եւ շատ ազգերու ⁴առջեւ պիտի մեծարուիմ, սուրբ ըլլամ ու ճանչցուիմ. անոնք պիտի գիտնան թէ ե՛ս եմ Տէրը ⁵»։

ԳՈԳԻ ՊԱՐՏՈՒԹԻՒՆԸ

39

«Դո՛ւն, մարդո՛ւ որդի, մարգարէացի՛ր Գոգի դէմ եւ ըսէ՛. “Տէրը՝ Եհովան սա՛ կը յայտարարէ. “Ահա՛ ես քեզի դէմ եմ, ո՛վ Գոգ, Ռովսի, Մոսոքի ու Թոբէլի գլխաւոր իշխան։ **2** Ես քեզ պիտի քաշեմ, քեզ պիտի առաջնորդեմ, հիւսիսի ¹ծայրերէն քեզ պիտի բարձրացնեմ եւ Իսրայէլի լեռներուն վրայ բերեմ։ **3** Զու աղեղդ ձախ ձեռքէդ պիտի ²խորտակեմ, ու նետերդ աջ ձեռքէդ **վար** պիտի ձգեմ։ **4** Իսրայէլի լեռներուն վրայ պիտի իյնաս, դո՛ւն, բոլոր գումարտակներդ, եւ քեզի հետ եղող ժողովուրդները։ Զեզ իբր կեր պիտի տամ գիշատիչ թռչնազգիներուն, ամէն **տեսակ** թեւաւորի, ու դաշտի գազաններուն։ **5** “Բաց դաշտի մէջ” պիտի իյնաս, որովհետեւ ե՛ս խօսեցայ,– կը պատգամէ Տէրը՝ Եհովան։– **6** Մագոգի վրայ եւ կղզիներուն մէջ ապահովութեամբ բնակողներուն վրայ կրակ պիտի դրկեմ, ու պիտի գիտնան թէ ե՛ս եմ Տէրը։ **7** Իմ սուրբ անունս իմ ժողովուրդիս՝ Իսրայէլի մէջ պիտի ճանչցնեմ, եւ անգամ մըն ալ պիտի **չթողում** որ իմ սուրբ անունս աղարտուի։ ³Նեթանոսները պիտի գիտնան թէ ե՛ս եմ Տէրը՝ Իսրայէլի մէջ եղող Սուրբը։ **8** Ահա՛ կու գայ ու պիտի ⁴իրագործուի,– կը պատգամէ Տէրը՝ Եհովան.– ա՛յս է այն օրը՝ որուն մասին խօսեցայ։ **9** Իսրայէլի քաղաքներուն բնակիչները դուրս պիտի ելլեն, կրակ պիտի վառեն եւ զէնքերը այրեն. վահաններով, ասպարներով, աղեղներով, նետերով, բիրերով ու նիզակներով եօթը տարի կրակ պիտի վառեն։ **10** Դաշտէն փայտ

¹ Եբբ.՝ ներկայութեանս
² Եբբ.՝ ցնցուից
³ Եբբ.՝ ըլլայ
⁴ Եբբ.՝ աչքերուն
⁵ Եբբ.՝ ներսի կողմերէն
⁶ Եբբ.՝ զարնեմ
⁷ Եբբ.՝ Դաշտի մակերեսին վրայ
⁸ Կամ՝ Ազգերը
⁹ Եբբ.՝ ըլլայ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

պիտի չբերեն, ո՛չ ալ անտառներէն պիտի կտրեն, հապա զէնքերով կրակ պիտի վառեն: Զիրենք թալլողները պիտի թալլեն, եւ զիրենք կողոպտողները պիտի կողոպտեն”, կը պատգամէ Տէրը՝ Եհովան^գ»:

ԳՈԳԻ ԹԱՂՈՒՄԸ

11 Այդ օրը հոն՝ Իսրայէլի մէջ գերեզմանի տեղ մը պիտի տամ Գոգի.– Անցորդներու ձորը, ծովուն արեւելեան կողմը. ան անցորդներուն ճամբան պիտի գոցէ, ու հոն պիտի թաղեն Գոգը եւ անոր ամբողջ բազմութիւնը, եւ **զայն** “Գոգի բազմութեան ձորը” պիտի կոչեն: **12** Իսրայէլի “որդիները եօթը ամիս զանոնք պիտի թաղեն” երկիրը մաքրելու համար: **13** Երկրին ամբողջ ժողովուրդը **զանոնք** պիտի թաղէ. ասիկա անոնց համբաւ մը պիտի ըլլայ այն օրը՝ երբ ես փառաւորուիմ,– կը պատգամէ Տէրը՝ Եհովան:– **14** Մարդիկ պիտի “նշանակեն, որ շարունակ երկրին մէջ շրջագային ու երկրի մակերեսին վրայ մնացածները թաղեն անցորդներուն հետ, որպէսզի զայն մաքրեն. անոնք եօթը ամիս ետք **տակաւին** պիտի “փնտռեն: **15** Անցորդները երկրին մէջէն անցնելով երբ մարդու ոսկոր տեսնեն, քովը նշանասին մը պիտի “կանգնեցնեն, մինչեւ որ թաղողները զայն Գոգի բազմութեան ձորը թաղեն: **16** Քաղաքին անունն ալ “Համոնա պիտի ըլլայ. այսպէս՝ երկիրը պիտի մաքրեն:

17 «Դո՛ւն, մարդո՛ւ որդի,– Տէրը՝ Եհովան սա՛ կը յայտարարէ,– ըսէ՛ թռչնազգիներուն, ամէն **տեսակ** թեւաւորի, եւ դաշտի բոլոր գազաններուն. “Հաւաքուեցէ՛ք ու եկէ՛ք. ամէն կողմէ Իմօտեցէ՛ք ձեզի համար Կատուցանած զոհիս, Իսրայէլի լեռներուն վրայ **ընծայուելիք** մեծ զոհին, որպէսզի միս ուտէք եւ արիւն խմէք: **18** Զօրաւորներուն միսը պիտի ուտէք ու երկրի իշխաններուն արիւնը խմէք՝ խոյերու, պարարտ գառներու, նոխազներու եւ զուարակներու, որոնք բոլորը Բասանի պարարտ **անասուններ** են: **19** Ձեզի համար մատուցանած զոհէս ճարպ պիտի ուտէք՝ մինչեւ որ կշտանաք, եւ արիւն պիտի խմէք՝ մինչեւ որ գինովնաք: **20** Իմ սեղանիս վրայ պիտի կշտանաք ձիերէն ու “կառք **հեծնողներէն**”, զօրաւորներէն եւ բոլոր պատերազմիկներէն^դ, կը պատգամէ Տէրը՝ Եհովան»:

ԻՍՐԱՅԷԼԻ ՎԵՐԱՀԱՍՏԱՏՈՒՄԸ

^գ Եբբ.՝ տունը

^ե Եբբ.՝ գատեն

^ը Եբբ.՝ հետազօտեն

^թ Եբբ.՝ կառուցանեն

^ժ Այսինքն՝ Բազմութիւն

^ի Եբբ.՝ հաւաքուեցէ՛ք

^լ Եբբ.՝ զոհած

^մ Կամ՝ կառքի **անասուններէն**

21 «Սզգերուն մէջ իմ փառքս պիտի դնեմ, ու բոլոր ազգերը պիտի տեսնեն իմ կիրարկած դատավճիռներս եւ անոնց վրայ դրած ձեռքս: 22 Իսրայէլի տունը այդ օրէն ետք ա՛լ պիտի գիտնայ թէ ե՛ս եմ Տէրը՝ իրենց Աստուածը: 23 Ազգերն ալ պիտի գիտնան թէ Իսրայէլի տունը իր անօրէնութեան համար տարագրուեցաւ. արդարեւ ինծի հանդէպ ուխտազանց եղան, ես ալ իմ երեսս անոնցմէ ծածկեցի. զանոնք իրենց թշնամիներուն ձեռքը մատնեցի, ու բոլորը սուրով ինկան: 24 Իրենց անմաքրութեան եւ յանցանքներուն համեմատ վարուեցայ իրենց հետ, ու իմ երեսս իրենցմէ ծածկեցի»:

25 «Հետեւաբար Տէրը՝ Եհովան սա՛ կը յայտարարէ. “Հիմա Յակոբի գերիները պիտի վերադարձնեմ, ամբողջ Իսրայէլի տան պիտի գթամ եւ իմ սուրբ անունիս համար նախանձախնդիր պիտի ըլլամ, 26 երբ անոնք կրեն իրենց նախատինքն ու ինծի դէմ իրենց ըրած բոլոր ուխտազանցութիւններուն պատիժը՝ մինչ իրենց “երկրին մէջ” ապահովութեամբ կը բնակէին եւ ո՛չ մէկ դողացնող կար: 27 Երբ զանոնք ժողովուրդներէն վերադարձնեմ ու իրենց թշնամիներուն երկիրներէն հաւաքեմ, շատ ազգերու աչքերուն առջեւ անոնց մէջ “պիտի փառաւորուիմ”: 28 Այն ատեն պիտի գիտնան թէ ե՛ս եմ Տէրը՝ անոնց Աստուածը. որովհետեւ զանոնք ազգերուն մէջ տարագրեցի, ապա զանոնք դարձեալ իրենց երկիրը հաւաքեցի, եւ իրենցմէ ո՛չ մէկը թողուցի հոն: 29 Անգա՛մ մըն ալ իմ երեսս անոնցմէ պիտի չծածկեմ, քանի որ իմ Հոգիս Իսրայէլի տան վրայ պիտի թափեմ»», կը պատգամէ Տէրը՝ Եհովան:

ԱՊԱԳԱՅ ՏԱՃԱՐԻՆ ՏԵՍԻԼԸԸ

(40. 1-48. 35)

ԵԶԵԿԻԷԼ ԿԸ ՏԱՐՈՒԻ ԵՐՈՒՍԱՂԷՄ

40

Մեր տարագրութեան քսանհինգերորդ տարին, “առաջին ամիսը”, ամսուան տասներորդ օրը, քաղաքին ^բգրաւուելուն տասնչորրորդ տարին, նոյն օրը Տէրոջ ձեռքը իմ վրաս եղաւ, ու գիս հոն տարաւ: 2 Աստուծոյ տեսիլքներով գիս Իսրայէլի երկիրը տարաւ, եւ շատ բարձր լերան մը վրայ դրաւ, որուն վրայ՝ հարաւային կողմը՝ քաղաքի պէս ^գշինուածք մը կար: 3 Երբ գիս հոն տարաւ, ահա՛ մարդ մը կար, որուն տեսքը պղինձի տեսքի պէս էր. ան ձեռքը վուշէ լար մը ու չափելու համար եղէգ մը ունէր, եւ դուռը կայնած էր: 4 Այդ մարդը ինծի ըսաւ. «Մարդո՛ւ որդի, աչքերովդ տես, ականջներովդ լսէ՛, ու քեզի բոլոր ցուցուցածներուս ^դուշադրութի՛նն դարձուր», որովհետեւ դուն հոս բերուեցար որպէսզի ^աստնք քեզի ցուցնեմ: Պատմէ՛ Իսրայէլի տան ամէն ինչ որ տեսնես»:

^բ Կամ՝ Հեթանոսներուն
^գ Եբր.՝ հողին վրայ
^դ Եբր.՝ սուրբ պիտի ըլլամ
^ա Եբր.՝ տարուան սկիզբը
^բ Եբր.՝ զարնուելուն
^գ Եբր.՝ կառուցուածք
^դ Եբր.՝ դի՛ր սիրտիդ մէջ

ԱՐԵՒԵԼԵԱՆ ԴՈՒՌԸ

5 ^ԵՏան դուրսը **գայն** շրջապատող պարիսպ մը կար: Մարդուն ձեռքը չափելու համար վեց կանգուն **երկայնքով** եղէգ մը կար (**այս կանգունը** մէկ կանգուն ու չորս մատնաչափ ըլլալով), եւ չափեց «պարիսպին հաստութիւնը»... մէկ եղէգ, ու բարձրութիւնը՝ մէկ եղէգ:

6 Ապա դէպի արեւելք նայող դուռը եկաւ, եւ անոր աստիճաններէն բարձրանալով չափեց դրան սեմը՝ **որ** մէկ եղէգ լայն էր. միւս սեմն ալ մէկ եղէգ լայն էր: **7 Իւրաքանչիւր** խուց մէկ եղէգ երկայն ու մէկ եղէգ լայն էր. խուցերուն միջեւ հինգ կանգուն կար: Դրան ներքնագաւիթին քով եղող դրան սեմը ներսէն մէկ եղէգ էր: **8** Դրան ներքնագաւիթը ներսէն չափեց՝ մէկ եղէգ: **9** Ապա չափեց դրան ներքնագաւիթը՝ ութ կանգուն, եւ անոր դրանդիները՝ երկու կանգուն. դրան ներքնագաւիթը ներսի կողմէն էր: **10** Դէպի արեւելք **նայող** դրան խուցերը՝ մէկ կողմը երեք հատ էին, ու միւս կողմը՝ երեք հատ. անոնք՝ երեքը ^Ենոյն չափը՝ ունէին. դրանդիներն ալ նոյն չափը ունէին՝ մէկ կողմը եւ միւս կողմը: **11** Դրան մուտքին լայնքը չափեց՝ տասը կանգուն, **նաեւ** դրան երկայնքը՝ տասներեք կանգուն: **12** Խուցերուն առջեւ՝ **մէկ կողմը** մէկ կանգունի միջոց մը կար, **միւս** կողմն ալ՝ մէկ կանգունի միջոց մը. խուցերուն **չափը**՝ մէկ կողմը վեց կանգուն էր, եւ միւս կողմը՝ վեց կանգուն: **13** Յետոյ դուռը չափեց՝ **մէկ** խուցին տանիքէն մինչեւ միւսին տանիքը. լայնքը քսանհինգ կանգուն էր, մուտք մուտքի դիմաց ըլլալով: **14** Դրանդիներն ալ ^Եչափեց՝ վաթսուն կանգուն, մինչեւ դուռը շրջապատող գաւիթին դրանդին: **15** Մուտքի դրան ճակատէն մինչեւ ներքին դրան ներքնագաւիթին ճակատը՝ յիսուն կանգուն էր: **16** Խուցերն ու անոնց դրանդիները ^Եվանդակապատ պատուհաններ ունէին դրան ներսի կողմէն՝ շուրջը: Նոյնպէս ալ ^Ենախասրահը շուրջը պատուհաններ ունէր՝ ներսի կողմէն. դրանդիներուն վրայ արմաւենիներ կային:

ԱՐՏԱՔԻՆ ԳԱԻԹԸ

17 Զիս արտաքին գաւիթը մտցուց, եւ ահա՛ հոն սենեակներ կային, ու սալայատակ մը՝ գաւիթին համար բոլորաձեւ շինուած. սալայատակին վրայ երեսուն սենեակ կար: **18** Դռներուն քովի սալայատակը՝ դռներուն երկայնքին ^Եհամապատասխանող ստորին սալայատակն էր: **19** Եւ լայնքը չափեց ստորին դրան ճակատէն մինչեւ ներքին գաւիթին արտաքին ճակատը՝ հարիւր կանգուն, դէպի արեւելք ու հիւսիս:

ՆԻՒՍԻՍԱՅԻՆ ԴՈՒՌԸ

^Ե Եբբ.՝ Եւ ահա՛ Աստուծոյ

^Զ Եբբ.՝ կառոյցին լայնքը

^Է Եբբ.՝ մէկ չափ

^Ը Եբբ.՝ ըրաւ

^Թ Կամ՝ ներսէն լայն՝ դուրսէն նեղ

^Ժ Կամ՝ նախասրահները

^Ի Եբբ.՝ դիմաց եղող

20 Նաեւ արտաքին գաւիթին դէպի հիւսիս նայող դրան երկայնքն ու լայնքը չափեց: 21 Անոր խուցերը – երեք հատ մէկ կողմը, երեք հատ միւս կողմը –, անոր դրանդիները եւ նախասրահը առաջին դրան չափովն էին. անոր երկայնքը յիսուն կանգուն էր, ու լայնքը՝ քսանհինգ կանգուն: 22 Պատուհանները, նախասրահը եւ արմաւենիները դէպի արեւելք նայող դրան չափովն էին: Եօթը աստիճանով կը բարձրանային այդ դուռը, որոնց առջեւ էր անոր նախասրահը: 23 Ներքին գաւիթը դուռ մը ունէր՝ հիւսիսային դրան եւ արեւելեան դրան դիմաց. մէկ դռնէն մինչեւ միւս դուռը չափեց՝ հարիւր կանգուն:

ՀԱՐԱԻԱՅԻՆ ԴՈՒՌԸ

24 Ապա գիս հարաւային կողմը տարաւ, եւ ահա՛ հարաւային կողմը դուռ մը կար: Անոր դրանդիներն ու նախասրահը չափեց. անոնք այդ նոյն չափերը ունէին: 25 Ան եւ անոր նախասրահը պատուհաններ ունէին՝ շուրջը, այդ միւս պատուհաններուն պէս. անոր երկայնքը յիսուն կանգուն էր, ու լայնքը՝ քսանհինգ կանգուն: 26 Այդ դուռը բարձրանալու համար եօթը աստիճան կար, որոնց առջեւ էր անոր նախասրահը: Անոր դրանդիներուն վրայ արմաւենիներ կային՝ մէկ կողմը եւ միւս կողմը:

ՆԵՐՔԻՆ ԳԱԻԹԻՆ ՀԱՐԱԻԱՅԻՆ ԴՈՒՌԸ

27 Ներքին գաւիթը դուռ մը ունէր՝ դէպի հարաւ: Մէկ դռնէն մինչեւ միւս դուռը չափեց դէպի հարաւ՝ հարիւր կանգուն: 28 Զիս հարաւային դռնէն ներքին գաւիթը մտցուց, ու հարաւային դուռը չափեց, որ այդ նոյն չափերը ունէր: 29 Անոր խուցերը, դրանդիներն ու նախասրահը այդ նոյն չափերը ունէին: Ան եւ անոր նախասրահը պատուհաններ ունէին՝ շուրջը. անոր երկայնքը յիսուն կանգուն էր, ու լայնքը՝ քսանհինգ կանգուն: 30 Ծուրջը նախասրահներ կային՝ քսանհինգ կանգուն երկայն եւ հինգ կանգուն լայն: 31 Անոր նախասրահը արտաքին գաւիթը կը յանգէր. դրանդիներուն վրայ արմաւենիներ կային: Դրան ելնարանը ութ աստիճան ունէր:

ՆԵՐՔԻՆ ԳԱԻԹԻՆ ԱՐԵՒԵԼԵԱՆ ԴՈՒՌԸ

32 Զիս ներքին գաւիթը տարաւ՝ դէպի արեւելք, ու դուռը չափեց, որ այդ նոյն չափերը ունէր: 33 Անոր խուցերը, դրանդիներն ու նախասրահը այդ նոյն չափերը ունէին: Ան եւ անոր նախասրահը պատուհաններ ունէին՝ շուրջը. անոր երկայնքը յիսուն կանգուն էր, ու լայնքը՝ քսանհինգ կանգուն: 34 Անոր նախասրահը արտաքին գաւիթը կը յանգէր. անոր դրանդիներուն վրայ արմաւենիներ կային՝ մէկ կողմը եւ միւս կողմը: Դրան ելնարանը ութ աստիճան ունէր:

ՆԵՐՔԻՆ ԳԱԻԹԻՆ ՀԻՒՍԻՍԱՅԻՆ ԴՈՒՌԸ

35 Զիս հիւսիսային դուռը տարաւ, եւ չափեց. այդ նոյն չափերը ունէր, 36 նոյնպէս անոր խուցերը, դրանդիներն ու նախասրահը. նաեւ պատուհաններ ունէր՝ շուրջը. անոր երկայնքը յիսուն կանգուն էր, եւ լայնքը՝ քսանհինգ կանգուն: 37 Անոր նախասրահը արտաքին գաւիթը կը յանգէր. անոր դրանդիները արմաւենիներ ունէին՝ մէկ կողմը ու միւս

՝ Երբ.՝ դրանդիները

կողմը: **Դրան** ելնարանը ութ աստիճան ունէր:

ՇԻՆՈՒԹԻՒՆՆԵՐ ՀԻՒՍԻՍԱՅԻՆ ԴՐԱՆ ՄՕՏ

38 Սենեակ մը կար, որուն մուտքը դռներուն քովի դրանդիներուն մօտ էր. ողջակէզը հոն կը լուային: **39** Դրան ներքնագաւիթին մէջ՝ մէկ կողմը երկու սեղան կար, եւ միւս կողմը՝ երկու սեղան, որպէսզի անոնց վրայ ողջակէզը, մեղքի պատարագն ու յանցանքի պատարագը մորթեն: **40** Դէպի հիւսիսային դրան մուտքը բարձրանալու **ատեն՝** դուրսի կողմը երկու սեղան կար, նաեւ երկու սեղան՝ միւս կողմը, դրան ներքնագաւիթին մօտ: **41** Դրան քով՝ մէկ կողմը չորս սեղան կար, միւս կողմն ալ՝ չորս սեղան, **բոլորը՝** ութ սեղան, որոնց վրայ կը մորթէին: **42** Ողջակէզի համար տաշուած քարէ չորս սեղան կար՝ մէկուկէս կանգուն երկայն, մէկուկէս կանգուն լայն, եւ մէկ կանգուն բարձր. ողջակէզն ու զոհը մորթելու գործիքները անոնց վրայ կը դնէին: **43** Չորս մատնաչափ **մեծութեամբ** կրկնակ կեռեր՝ հաստատուած էին ներսը՝ բոլորածեւ. մատաղին միսը սեղաններուն վրայ **կը դրուէր:**

44 Ներքին դրան դուրսի կողմը, հիւսիսային դրան քով եղող ներքին գաւիթին մէջ, երգողներուն սենեակները կային: Անոնք դէպի հարաւ կը նայէին. մէկը արեւելեան դրան քով էր, **ու** դէպի հիւսիս կը նայէր: **45** Ինծի ըսաւ. «Այս սենեակը՝ որ դէպի հարաւ կը նայի, տան պահպանութիւնը ընող քահանաներուն համար է: **46** Իսկ այն սենեակը՝ որ դէպի հիւսիս կը նայի, զոհասեղանին պահպանութիւնը ընող քահանաներուն համար է: Անոնք Սադոկի որդիներն են, որ Ղեւի որդիներէն Տէրոջ կը մօտենան՝ անոր պաշտօն կատարելու համար»:

ՆԵՐՔԻՆ ԳԱԻԹԸ ԵՒ ՏԱՃԱՐԸ

47 Գաւիթը չափեց, **որուն** երկայնքը՝ հարիւր կանգուն էր, ու լայնքը՝ հարիւր կանգուն. ան քառակուսի էր: Զոհասեղանը տան առջեւ էր:

48 Զիս տան ներքնագաւիթը տարաւ, եւ չափեց ներքնագաւիթին դրանդիները՝ հինգ կանգուն մէկ կողմը, ու հինգ կանգուն միւս կողմը: Դրան լայնքը մէկ կողմը երեք կանգուն էր, եւ միւս կողմը՝ երեք կանգուն: **49** Ներքնագաւիթին երկայնքը քսան կանգուն էր, ու լայնքը՝ տասնմէկ կանգուն. հոն **(տասը)** աստիճաններով՝ կը բարձրանային: Դրանդիներուն քով սիւներ կային, մէկը՝ մէկ կողմը, միւսն ալ՝ միւս կողմը:

41

Զիս տաճարը տարաւ, եւ **անոր** դրանդիները չափեց. մէկ կողմը վեց կանգուն լայն էր, ու միւս կողմը՝ վեց կանգուն լայն, վրանին լայնքին **չափ: 2** Մուտքին լայնքը տասը կանգուն էր. մուտքին թեւերուն մէկ կողմը հինգ կանգուն էր, եւ միւս կողմը՝ հինգ կանգուն: ^ԲՏաճարին երկայնքը չափեց՝ քառասուն կանգուն, ու լայնքը՝ քսան կանգուն:

^Խ **Կամ՝** լայնքով եզերք մը

^Ծ **Կամ՝** կանգուն, այն աստիճաններով միասին՝ որոնցմով հոն

^Ս **Եբր.**՝ ուսերուն

^Բ **Եբր.**՝ Անոր

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

3 Ներսը մտաւ, եւ չափեց մուտքին դրանդիները՝ երկու կանգուն, մուտքը՝ վեց կանգուն, ու մուտքին ճախը՝ եօթը կանգուն: **4** Անոր երկայնքը չափեց՝ քսան կանգուն, ու լայնքը՝ քսան կանգուն, տաճարին դիմաց, եւ ինծի ըսաւ. “Այս է Սրբութիւններու սրբութիւնը”:

ՏԱՃԱՐԻՆ ՊԱՏԻՆ ԴԻՄԱՅ ԾԻՆՈՒԱԾ ԿՈՂՄՆԱԿԻ ՍԵՆԵԱԿՆԵՐԸ

5 Յետոյ չափեց տան պատը՝ վեց կանգուն, եւ ամէն կողմէ տունը շրջապատող կողմնակի սենեակներուն լայնքը՝ չորս կանգուն:

6 Կողմնակի սենեակները իրարու վրայ երեք **յարկ** ունէին, ու երեսուն “հատ էին”:
Անոնց գերանները կը մտնէին տան այն պատին մէջ՝ որ կողմնակի սենեակներուն համար **շինուած էր տան շուրջը**, որպէսզի **գերանները անոր** կռթնին՝ առանց տան պատին կռթնելու: **7** Կողմնակի սենեակները **հետզհետէ** կը լայննային բարձրանալու **ատեն, եւ հոն** կ’երթային դառնալով. արդարեւ տան շուրջը դառնալով կը բարձրանային՝ տան շուրջը դարձող **սանդուխով մը**: Հետեւաբար տունը կը լայննար դէպի վեր. այսպէս՝ ստորին յարկէն վերի յարկը կը բարձրանային՝ միջին յարկէն **անցնելով**: **8** Նաեւ տունը շրջապատող բարձրութիւն մը տեսայ – կողմնակի սենեակներուն հիմերը՝ ամբողջ եղէգ մը, **այսինքն՝** վեց “մեծ կանգուն”: **9** Կողմնակի սենեակներուն համար **տան** դուրսը **շինուած** պատին ճաստութիւնը հինգ կանգուն էր. “միջոց մը ձգուած էր ներքին կողմնակի սենեակներուն **10** եւ **արտաքին** սենեակներուն միջեւ՝ քսան կանգուն լայնքով, որ ամէն կողմէ տունը կը շրջապատէր: **11** Կողմնակի սենեակներուն մուտքերը դէպի ձգուած **միջոցը կը նայէին**, մէկ մուտքը դէպի հիւսիս, միւս մուտքը դէպի հարաւ: **Տան** շուրջը ձգուած միջոցին լայնքը հինգ կանգուն էր:

ԱՐԵՒՄՏԵԱՆ ԾԷՆԸԸ

12 Քջատուած տեղին առջեւ՝ դէպի արեւմտեան ծայրը եղող ժէնքին լայնքը եօթանասուն կանգուն էր. շէնքը շրջապատող պատին հաստութիւնը հինգ կանգուն էր, եւ անոր երկայնքը՝ իննսուն կանգուն:

ՏԱՃԱՐԻՆ ԾԷՆԹԻՆ ԸՆԴՀԱՆՈՒՐ ՉԱՓԸ

⁴ Այսինքն՝ թելերը

⁷ Եբբ.՝ անգամ

⁶ Եբբ.՝ մինչեւ անուր գացող

⁹ Եբբ.՝ լայնքը

⁵ Եբբ.՝ տուն

⁸ Եբբ.՝ տեղին

⁷ Եբբ.՝ Կտրուած

⁶ Եբբ.՝ կառոյցին

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

13 Յետոյ չափեց տան երկայնքը՝ հարիւր կանգուն. զատուած տեղն ու իշէնքը իր պատերով՝ հարիւր կանգուն երկայն էին: **14** Տան եւ զատուած տեղին ճակատը հարիւր կանգուն լայն էր՝ դէպի արեւելք:

ՏԱՃԱՐԻՆ ԾԷՆԹԻՆ ՄԱՆՐԱՄԱՍՆՈՒԹԻՒՆՆԵՐԸ

15 Տան ետեւի կողմէն չափեց զատուած տեղին առջեւի շէնքին երկայնքը, եւ անոր սիւնազարդ սրահները՝ մէկ կողմն ու միւս կողմը – հարիւր կանգուն: Ներքին տաճարը, գաւիթին ներքնագաւիթները, **16** դրան սեմերը, Վանդակապատ պատուհանները, եւ շուրջը եղող երեք **յարկանի** սիւնազարդ սրահները՝ սեմերուն դիմաց, ամէն կողմէ փայտէ բարակ տախտակներով **պատուած** էին՝ գետինէն մինչեւ պատուհանները. պատուհաններն ալ ծածկուած էին: **17** Մինչեւ մուտքին վերելը, տան ներսն ու դուրսը, ամբողջ շրջակայ պատը՝ ներսէն եւ դուրսէն, **ամէն ինչ շինուած էր** չափերով: **18** Զերովբէներ ու արմաւենիներ լժանդակուած էին, երկու քերովբէի մէջտեղ արմաւենի մը: **Իւրաքանչիւր** քերովբէ երկու երես ունէր. **19** մէկ կողմը մարդու երես՝ **ուղղուած** դէպի արմաւենին, իսկ միւս կողմը **առիւծի** կորիւնի երես՝ դէպի արմաւենին: Ամբողջ տան շուրջը **այսպէս** քանդակուած էր: **20** Յատակէն մինչեւ մուտքին վերելը՝ քերովբէներ եւ արմաւենիներ քանդակուած էին, նաեւ տաճարին պատին **վրայ**: **21** Տաճարին դրանդիները քառակուսի էին. սրբարանի ճակատին երեւոյթն **ալ անոր** երեւոյթին պէս էր:

ՓԱՅՏԷ ԶՈՂԱՍԵՂԱՆԸ

22 Փայտէ զոհասեղանը երեք կանգուն բարձր էր. երկայնքը երկու կանգուն էր: Անոր անկիւնները, ջխարիսխն ու կողմերը փայտէ էին: **Մարդը** ինծի ըսաւ. “Ա՛յս է Տէրոջ առջեւ եղող սեղանը□:

ԴՌՆԵՐԸ

23 Տաճարն ու սրբարանը երկու դուռ ունէին: **24** Դռներէն **իւրաքանչիւրը** երկու փեղկ ունէր, երկու Վժալուող փեղկ. մէկ դուռը երկու **փեղկ** ունէր, միւս **դուռն** ալ երկու փեղկ ունէր: **25** Անոնց վրայ, տաճարին դռներուն վրայ, քերովբէներ եւ արմաւենիներ քանդակուած էին՝ պատերուն վրայի քանդակուածին պէս: Դուրսը՝ ներքնագաւիթին ճակատը փայտէ՝ ամպհովանի մը կար: **26** Իսկ ներքնագաւիթին թեւերուն վրայ, տան կողմնակի սենեակներուն մէջ եւ ամպհովանիներուն վրայ վանդակապատ պատուհաններ ու արմաւենիներ կային՝ մէկ կողմը եւ միւս կողմը:

^h Եբբ.՝ կառոյցը

ⁱ Կամ՝ ներսէն լայն՝ դուրսէն նեղ

^l Եբբ.՝ շինուած

^o Եբբ.՝ երկայնքն

^u Եբբ.՝ դարձող

^v Կամ՝ աստիճաններ

42

Յետոյ զիս դէպի հիւսիս **գացող** ճամբայով դուրս հանեց՝ արտաքին գաւիթը, ու տարաւ զատուած տեղին դիմաց եղող եւ դէպի հիւսիս **նայող**՝ շէնքին առջեւի սենեակները: **2 Ասոնց** հիւսիսային մուտքին ճակատին երկայնքը հարիւր կանգուն էր, ու լայնքը՝ յիսուն կանգուն: **3** Ներքին գաւիթին քսան **կանգուն**ին դիմաց, եւ արտաքին գաւիթին սալալատակին դիմաց, երեք **յարկանի** սիւնազարդ սրահներ կային՝ իրարու դիմաց: **4** Սենեակներուն առջեւ տասը կանգուն լայն ճեմուղի մը կար, ու դէպի ներս ճամբայ մը՝ ^բհարիւր կանգուն: Անոնց մուտքերը հիւսիսային կողմն էին: **5** Վերի սենեակները աւելի ^գնեղ էին շէնքին ստորին եւ միջին սենեակներէն, որովհետեւ սիւնազարդ սրահները իրենցմէ **տեղ** կ'առնէին: **6** Արդարեւ անոնք երեք **յարկանի** էին, սակայն սիւներ չունէին գաւիթներու սիւններուն պէս. հետեւաբար աւելի կը նեղնային՝ քան ստորին ու միջին սենեակները, գետինէն սկսելով: **7** Սենեակներուն դիմաց, արտաքին գաւիթին կողմը, սենեակներուն առջեւ եղող դուրսի ցանկապատին երկայնքը յիսուն կանգուն էր: **8** Արդարեւ արտաքին գաւիթը **նայող** սենեակներուն երկայնքը յիսուն կանգուն էր, ՚իսկ տաճարին առջեւ՝ հարիւր կանգուն: **9** Այս սենեակներուն տակէն մուտք մը կար՝ արեւելեան կողմէն, արտաքին գաւիթէն անոնց երթալու համար: **10** Գաւիթին ցանկապատին լայնքին մէջ՝ դէպի արեւելք, զատուած տեղին ու շէնքին դիմաց սենեակներ կային: **11** Անոնց առջեւ ճամբայ մը կար՝ դէպի հիւսիս **նայող** սենեակներուն երեւոյթին պէս, անոնց երկայնքով **եւ** լայնքով, անոնց բոլոր ելքերուն, անոնց ձեւերուն ու մուտքերուն համեմատ: **12** Նոյնպէս էին դէպի հարաւ **նայող** սենեակներուն մուտքերը. ճամբային գլուխը մուտք մը կար, **այսինքն** ցանկապատին առջեւի շիտակ ճամբային՝ արեւելեան ճամբային մուտքը:

13 Ինծի ըսաւ. «Զատուած տեղին առջեւ եղող հիւսիսային սենեակներն ու հարաւային սենեակները սուրբ սենեակներ են ուր, Տէրոջ մօտեցող քահանաները ամենասուրբ բաները պիտի ուտեն: Հոն պիտի դնեն ամենասուրբ բաները, **հացի** ընծան, մեղքի պատարագը եւ յանցանքի պատարագը, քանի որ **այդ** տեղը սուրբ է: **14** Երբ քահանաները հոն մտնեն, սուրբ տեղէն արտաքին գաւիթը պիտի չելլեն, հապա իրենց պաշտօն կատարելու հագուստները հոն պիտի թողուն, որովհետեւ անոնք սուրբ են. ուրիշ հագուստներ հագնելով պիտի մօտենան ժողովուրդին վերաբերեալ **բաներուն**»:

ՊԱՐԻՍՊԻՆ ՏԱՐԱԾՈՒԹԵԱՆ ՉԱՓԵՐԸ

15 Երբ ներքին տունը չափելը ավարտեց, զիս դուրս հանեց՝ դէպի արեւելք **նայող** դուռը, ու ^աշրջափակը ամէն կողմէ չափեց: **16** Արեւելեան կողմը չափի եղէգով չափեց.— հինգ

^ա Եբբ.՝ կառոյցին
^բ Եբբ.՝ մէկ
^գ Եբբ.՝ կարճ
^դ Եբբ.՝ եւ ահա՛
^ե Եբբ.՝ զայն

հարիւր եղէգ, չափի եղէգով՝ ամէն կողմէ: **17** Հիւսիսային կողմն ալ չափեց.– հինգ հարիւր եղէգ, չափի եղէգով՝ ամէն կողմէ: **18** Հարաւային կողմն ալ չափեց.– հինգ հարիւր եղէգ, չափի եղէգով: **19** Արեւմտեան կողմը դարձաւ, եւ չափի եղէգով հինգ հարիւր եղէգ չափեց: **20** Ձայն չորս կողմերէն չափեց. ան շուրջը պարիսպ մը ունէր՝ հինգ հարիւր եղէգ երկայն ու հինգ հարիւր եղէգ լայն, սրբարանը զատելու համար անսուրբ տեղերէն:

ՏԷՐԸ ԿԸ ՎԵՐԱԴԱՌՆԱՅ ՏԱՃԱՐ

43

Յետոյ զիս դուռը տարաւ, դէպի արեւելք նայող դուռը, **2** եւ ահա՛ արեւելեան ճամբայէն Իսրայէլի Աստուծոյն փառքը կու գար. անոր ձայնը յորդառատ ջուրերու ձայնին պէս էր, ու երկիրը անոր փառքէն լուսաւորուեցաւ: **3** Տեսած տեսիլքիս երեւոյթը նման էր այն տեսիլքին՝ որ տեսայ երբ քաղաքը կործանելու եկայ: Այս տեսիլքները Քոբար գետին քով տեսած տեսիլքիս պէս էին, ու երեսիս վրայ ինկայ: **4** Տէրոջ փառքը դէպի արեւելք նայող դրան ճամբայէն տաճարը մտաւ: **5** Հոգին զիս յափշտակեց ու ներքին գաւիթը տարաւ, եւ ահա՛ Տէրոջ փառքը տաճարը լեցուցած էր: **6** Ձայն մը լսեցի՝ որ տաճարէն ինծի կը խօսէր, (իմ քովս մարդ մը կայնած էր.) **7** ու ինծի ըսաւ. «Մարդո՛ւ որդի, ահա՛ւասիկ գահիս տեղը եւ ոտքերուս ներբաններուն տեղը, ուր Իսրայէլի որդիներուն մէջ յաւիտենապէս պիտի բնակիմ: Իսրայէլի տունը – իրենք ու իրենց թագաւորները – ա՛լ իմ սուրբ անունս պիտի չաղարտեն իրենց պոռնկութիւններով եւ իրենց թագաւորներուն դիակներով՝ իրենց բարձր տեղերուն մէջ: **8** Արդարեւ իրենց սեմերը իմ սեմերուս մօտ դրին, ու իրենց դրանդին՝ իմ դրանդիներուս, այնպէս որ իմ եւ անոնց մէջտեղ միայն պատ մը կար: Իրենց գործած գարշութիւններով իմ սուրբ անունս աղարտեցին. ես ալ իմ բարկութեամբս ^բբնաջնջեցի զանոնք: **9** Հիմա ինձմէ թող հեռացնեն իրենց պոռնկութիւնը եւ իրենց թագաւորներուն դիակները, որ յաւիտենապէս անոնց մէջ բնակիմ:

10 «Դո՛ւն, մարդո՛ւ որդի, Իսրայէլի տան ^գնկարագրէ՛ այս տաճարը. թող չափեն անոր ^դյատակագիծը, որպէսզի խպնին իրենց անօրէնութիւններէն: **11** Եթէ իրենց բոլոր ըրածներէն խպնին, գիտցո՛ւր անոնց տաճարին կարգն ու սարքը, անոր ելքն ու մուտքը, ամբողջ կարգը, բոլոր կանոնները, (բոլոր կարգերը,) եւ բոլոր օրէնքները: Գրէ՛ անոնց աչքերուն առջեւ, որպէսզի անոր ամբողջ կարգն ու բոլոր կանոնները պահեն, եւ զանոնք գործադրեն: **12** Ա՛յս է տաճարին օրէնքը. անոր ամբողջ շրջակայ հողամասը ամենասուրբ պիտի ըլլայ լերան գագաթը. ահա՛ ա՛յս է տաճարին օրէնքը»:

ՋՈՂԱՍԵՂԱՆԸ

13 «Ահա՛ւասիկ գոհասեղանին չափերը՝ կանգունով. (այս կանգունը մէկ կանգուն ու չորս մատնաչափ է.) խորքը՝ մէկ կանգուն պիտի ըլլայ, լայնքը՝ մէկ կանգուն, եւ անոր

^ա Եբբ.՝ տունը
^բ Եբբ.՝ սպառեցի
^գ Եբբ.՝ ցուցո՛ւր
^դ Եբբ.՝ չափերը

շրջագիծին եզերքը՝ ամէն կողմէ մէկ թիզ լայն. ասիկա պիտի ըլլայ զոհասեղանին ^Եհիմը: **14** Գետինին վրայ եղած խորքէն մինչեւ ստորին շրջանակը՝ երկու կանգուն պիտի ըլլայ, իսկ **անոր** լայնքը՝ մէկ կանգուն. պզտիկ շրջանակէն մինչեւ մեծ շրջանակը՝ չորս կանգուն պիտի ըլլայ, ու լայնքը՝ մէկ կանգուն: **15** ^ԳՋոհասեղանը չորս կանգուն **բարձր** պիտի ըլլայ. ^Եզոհասեղանին կատարէն՝ վեր՝ չորս եղջիւր պիտի ըլլայ: **16** Ջոհասեղանին կատարը քառակուսի պիտի ըլլայ՝ տասներկու **կանգուն** երկայն, տասներկու **կանգուն** լայն. անոր չորս կողմերը **հաւասար պիտի ըլլան**: **17** Անոր չորս կողմերը եղող շրջանակը տասնչորս **կանգուն** երկայն ու տասնչորս **կանգուն** լայն պիտի ըլլայ: Անոր շուրջը եղող եզերքը կէս կանգուն պիտի ըլլայ, եւ անոր խորքին շրջագիծը՝ մէկ կանգուն: Անոր աստիճանները դէպի արեւելք պիտի նային»:

ՋՈՂԱՍԵՂԱՆԻՆ ՕԾՈՒՄԸ

18 Ինծի ըսաւ. «Մարդո՛ւ որդի, Տէրը՝ Եհովան սա՛ կը յայտարարէ. “Ահա՛ւասիկ զոհասեղանին կանոնները, այն օրը՝ երբ գայն շինեն, անոր վրայ ողջակէզներ մատուցանելու եւ արիւն սրսկելու համար: **19** Սադովկի զարմէն եղող Ղեւտացի քահանաներուն, (որոնք ինծի պաշտօն կատարելու համար ինծի պիտի մօտեցան,— կը պատգամէ Տէրը՝ Եհովան,—) արջառներէն զուարակ մը պիտի տաս՝ մեղքի պատարագի համար: **20** Անոր արիւնէն պիտի առնես, ու պիտի դնես **զոհասեղանին** չորս եղջիւրներուն վրայ, շրջանակին չորս անկիւններուն վրայ, եւ շուրջը եղող եզերքին վրայ. այսպէս գայն մեղքէ պիտի մաքրես եւ անոր համար քաւութիւն ընես: **21** Մեղքի պատարագին զուարակը պիտի առնես, ու սրբարանէն դուրս պիտի այրուի՝ տաճարին **մէջ** նշանակուած տեղը: **22** Երկրորդ օրը այծերէն անարատ նոխազ մը պիտի մատուցանես՝ մեղքի պատարագի համար, ու զոհասեղանը մեղքէ պիտի մաքրեն՝ ինչպէս զուարակով մեղքէ մաքրեցին: **23** Երբ մեղքէ մաքրելը աւարտես, արջառներէն անարատ զուարակ մը ու ոչխարներէն անարատ խոյ մը պիտի մատուցանես: **24** Զանոնք Տէրոջ առջեւ պիտի մօտեցնես, ու քահանաները անոնց վրայ աղ պիտի ցանեն, ու զանոնք Տէրոջ իբր ողջակէզ պիտի մատուցանեն: **25** Եօթը օր մեղքի պատարագի համար նոխազ մը պիտի ընծայես՝ ամէն օր: Նաեւ արջառներէն զուարակ մը ու ոչխարներէն խոյ մը պիտի ընծայես, **որոնք** անարատ **ըլլալու են**: **26** Եօթը օր զոհասեղանին քաւութիւն պիտի ընեն, գայն պիտի մաքրեն ու նուիրեն: **27** Երբ այդ օրերը աւարտին, ութերորդ օրը եւ անկէ ետք քահանաները զոհասեղանին վրայ ձեր ողջակէզներն ու խաղաղութեան **զոհերը** պիտի մատուցանեն, ես ալ ձեզի պիտի հաճիմ^Է, կը պատգամէ Տէրը՝ Եհովան»:

ԱՐԵՒԵԼԵԱՆ ԴՐԱՆ ԳՈՐԾԱԾՈՒԹԻՒՆԸ

44

Զիս սրբարանին դէպի արեւելք նայող արտաքին դրան ճամբան վերադարձուց. ան գոց էր: **2** Տէրը ինծի ըսաւ. «Այս դուռը գոց պիտի ՝մնայ. պիտի չբացուի, եւ ո՛չ մէկը անկէ

^Ե Եբր.՝ կռնակը

^Գ Եբր.՝ Հարէլը, այսինքն՝ Աստուծոյ լեռը

^Ե Եբր.՝ արիւնէլէն, այսինքն՝ Աստուծոյ առիւծէն

^Է Եբր.՝ ըլլայ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

պիտի մտնէ. արդարեւ անկէ Տէրը՝ Իսրայէլի Աստուածը մտաւ, ուստի գոց պիտի մնայ: **3 Ինչ կը վերաբերի** իշխանին, ինք՝ իշխանը հոն պիտի նստի, Տէրոջ առջեւ հաց ուտելու համար: Ան այս դրան ներքնագաւիթին ճամբայէն պիտի մտնէ, ու Բնոյն ճամբայէն պիտի ելլէ»:

ՏԱՃԱՐԻ ՄՈՒՏՔԻՆ ԿԱՆՈՆՆԵՐԸ

4 Զիս հիւսիսային դրան ճամբայէն տան առջեւ տարաւ, ու տեսայ թէ ահա՛ Տէրոջ փառքը լեցուցած էր Տէրոջ տունը. ուստի երեսիս վրայ ինկայ: **5** Տէրը ինծի ըսաւ. «Մարդո՛ւ որդի, «ուշադրութի՛նն դարձուր» եւ տե՛ս աչքերովդ. լսե՛՛ր ականջներովդ ամէն ինչ որ քեզի կ'ըսեմ Տէրոջ տան բոլոր կանոններուն եւ անոր բոլոր օրէնքներուն մասին: Ուշադրութի՛նն դարձուր տան մուտքին ու սրբարանին բոլոր ելքերուն, **6** եւ ըսե՛ ըմբոստներուն՝ Իսրայէլի տան. «Տէրը՛ Եհովան սա՛ կը յայտարարէ. "Ա՛լ ձեզի բաւական եմ ձեր բոլոր գարշութիւնները, ո՛վ Իսրայէլի տունը. **7** դուք սիրտով անթլփատ ու մարմինով անթլփատ օտարազգիներ բերիք, որ իմ "սրբարանս մտնեն **եւ**" իմ տունս պղծեն, երբ դուք իմ հացս – ճարպն ու արիւնը – կը մատուցանէիք: Ձեր բոլոր գարշութիւններէն զատ՝ անոնք իմ ուխտս խզեցին: **8** Իմ սուրբ բաներուս պահպանութիւնը չըրիք, հապա իմ սրբարանիս մէջ "ձեր տեղը" **օտար** պահպաններ նշանակեցիք իմ պաշտօնիս վրայ"□»:

ՂԵՒՏԱՅԻՆԵՐԸ ԿԸ ՀԵՌԱՅՈՒՒՆ ԲԱԶԱՆԱՅՈՒԹԵՆԷ

9 Տէրը՛ Եհովան սա՛ կը յայտարարէ. «Իսրայէլի որդիներուն մէջ եղող բոլոր օտարազգիներէն՝ սիրտով անթլփատ ու մարմինով անթլփատ ո՛չ մէկ օտարազգի պիտի մտնէ իմ սրբարանս: **10** Իսկ այն Ղեւտացիները՝ որ ինձմէ հեռացան, երբ Իսրայէլի **որդիները** մոլորեցան – անոնք ինձմէ մոլորելով իրենց չաստուածներուն հետեւեցան –, իրենց անօրէնութեան **պատիժը** պիտի կրեն: **11** Սակայն իմ սրբարանիս մէջ պիտի սպասարկեն՝ տան դռներուն վրայ նշանակուելով, ու Գտաճարին պաշտօնը կատարելով. ժողովուրդին համար ողջակէզներն ու զոհերը պիտի մորթեն, եւ անոնց առջեւ պիտի կայնին՝ անոնց սպասարկելու համար: **12** Զանի անոնց չաստուածներուն առջեւ անոնց համար պաշտօն կատարեցին, ու գայթակղութեան **եւ** անօրէնութեան **պատճառ** եղան Իսրայէլի տան, իրենց վրայ իմ ձեռքս բարձրացուցի,– կը պատգամէ Տէրը՛ Եհովան.– իրենց անօրէնութեան **պատիժը** պիտի կրեն: **13** Ինծի պիտի չմօտենան՝ ինծի քահանայութիւն կատարելու համար, ո՛չ ալ պիտի մօտենան իմ բոլոր սուրբ բաներուս եւ ամենասուրբ բաներուս, հապա պիտի կրեն իրենց նախատինքն ու իրենց գործած գարշութիւններուն **պատիժը**: **14** Սակայն զանոնք տան պաշտօնին վրայ պահպան պիտի կարգեմ՝ անոր ամբողջ ծառայութեան եւ անոր մէջ ըլլալիք բոլոր գործերուն համար»:

^բ Եբբ.՝ անոր, **այսինքն՝** ներքնագաւիթին

^գ Եբբ.՝ դի՛ր սիրտիդ մէջ

^դ Եբբ.՝ սրբարանիս մէջ ըլլան **եւ** գայն

^ե Եբբ.՝ ձեզի համար

^զ Եբբ.՝ տան

ՔԱՅԱՆԱՆԵՐԸ

15 «Բայց Ղեւտացի քահանաները՝ Սադոկի որդիները, որ իմ սրբարանիս պաշտօնը կատարեցին երբ Իսրայէլի որդիները ինձմէ մոլորեցան, անո՛նք ինձի պիտի մօտենան՝ ինձի պաշտօն կատարելու համար, եւ անո՛նք իմ առջեւ պիտի կայնին՝ ճարպն ու արիւնը ինձի մատուցանելու համար,– կը պատգամէ Տէրը՝ Եհովան:– 16 Անո՛նք իմ սրբարանս պիտի մտնեն, անո՛նք ինձի սպասարկելու համար պիտի մօտենան իմ սեղանիս, եւ իմ պաշտօնս պիտի կատարեն: 17 Երբ ներքին գաւիթին դռներէն մտնեն՝ վուշէ հագուստներ պիտի հագնին. իրենց վրայ բուրդ պիտի չչկրեն երբ պաշտօն կատարեն ներքին գաւիթին դռներուն ու տաճարին մէջ: 18 Իրենց գլուխին վրայ վուշէ խոյրեր թող ունենան, եւ իրենց մէջքը՝ վուշէ անդրավարտիքներ. քրտնցնող հագուստով թող չգօտեւորուին: 19 Երբ դուրս ելլեն արտաքին գաւիթը՝ ժողովուրդին ^Բերթալու, իրենց պաշտօն կատարելու հագուստները թող հանեն ու զանոնք սուրբ սենեակներուն մէջ դնեն, եւ ուրիշ հագուստներ հագնին, որպէսզի իրենց հագուստներով ժողովուրդը չսրբացնեն: 20 Իրենց գլուխը թող չածիլեն, ո՛չ ալ գանգուրները երկնցնեն, հապա միայն գլուխին մազերը կարճցնեն: 21 Ո՛չ մէկ քահանայ գինի պիտի խմէ՝ երբ ներքին գաւիթը մտնէ: 22 Այրին կամ վնասուածը իրենց կին թող չառնեն. հապա Իսրայէլի տան զարմէն եղող կոյսը առնեն, կամ քահանայէ մը այրի մնացած կինը: 23 Իմ ժողովուրդիս պիտի սորվեցնեն սուրբը անսուրբէն գանազանել, եւ անոնց գիտցնեն անմաքուրին ու մաքուրին տարբերութիւնը: 24 Դատավարութեան մէջ անո՛նք ^Բդատաւոր պիտի ըլլան», եւ իմ դատավճիռներուն համաձայն պիտի դատեն: Իմ բոլոր հանդիսաւոր տօներուն մէջ իմ օրէնքներս ու կանոններս պիտի պահեն, եւ Շաբաթներս սրբացնեն: 25 Մեռած մարդու քով պիտի չերթան՝ որ անմաքուր չըլլան. հապա միայն հօր, կամ մօր, կամ որդիի, կամ աղջիկի, կամ եղբօր, կամ չամուսնացած քրոջ համար կրնան անմաքուր ըլլալ: 26 Անոր մաքրուելէն ետք՝ եօթը օր պիտի հաշուեն իրեն համար: 27 Ան սրբարանին մէջ պաշտօն կատարելու համար սրբարանը – ներքին գաւիթը – մտած օրը՝ իր մեղքի պատարագը պիտի մատուցանէ», կը պատգամէ Տէրը՝ Եհովան:

28 Այս պաշտօնը անոնց ժառանգութիւն պիտի ըլլայ. ե՛ս եմ անոնց ժառանգութիւնը: Իսրայէլի մէջ անոնց կալուած մի՛ տաք. ե՛ս եմ անոնց կալուածը: 29 Հացի ընծան, մեղքի պատարագը եւ յանցանքի պատարագը անո՛նք պիտի ուտեն. Իսրայէլի մէջ ամէն նուէր անոնց պիտի ըլլայ: 30 Ամէն ինչի բոլոր երախայրիքներուն առաջինը քահանային պիտի ըլլայ, նաեւ ձեր բոլոր բարձրացնելիք ընծաներէն՝ ամէն տեսակ բարձրացնելիք ընծայ: Ձեր խմորին երախայրիքը քահանային պիտի տաք, որպէսզի ձեր տան վրայ օրհնութիւն հանգչի: 31 Քահանաները բնաւ ինքնիրեն մեռած կամ գազանէ բզբտուած անասունի միս պիտի չուտեն, թռչուն ըլլայ թէ անասուն»:

ԵՐԿՐԷՆ ՏԵՐՈՋ ԲԱԺԻՆԸ

45

«Երբ երկիրը իբր ժառանգութիւն վիճակով բաժնէք, երկրէն Տէրո՛ջ մատուցանեցէք – իբր բարձրացնելիք ընծայ – սրբացուած բաժին մը՝ քսանհինգ հազար եղէգ երկայնքով ու

^Կ Եբբ.՝ չելլէ

^Բ Եբբ.՝ երթալու արտաքին գաւիթը

^Բ Եբբ.՝ պիտի կենան դատելու

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

տասը հազար լայնքով. ասիկա իր «ամբողջ հողամասին վրայ» սուրբ պիտի ըլլայ: **2** Ասկէ քառակուսի շրջագիծով **մաս մը** սրբարանին պիտի ՚յատկացուի, հինգ հարիւր **երկայնքով** եւ հինգ հարիւր **լայնքով**. անոր շուրջը յիսուն կանգունի գօտի մը պիտի ըլլայ: **3** Այս ՚չափով պիտի չափես երկայնքը՝ քսանհինգ հազար, ու լայնքը՝ տասը հազար. անոր մէջ պիտի ըլլայ սրբարանը, **այսինքն՝** Սրբութիւններու սրբութիւնը: **4** Երկրին **այս** սրբացուած **բաժինը** Տէրոջ պաշտօն կատարելու համար մօտեցող սրբարանի պաշտօնեաներուն՝ քահանաներուն պիտի ըլլայ. ան տեղ մը պիտի ըլլայ անոնց տուներուն համար, եւ սուրբ տեղ մը՝ սրբարանին համար:

5 «Տաճարին պաշտօնը կատարող Ղեւտացիները քսանհինգ հազար երկայնքով ու տասը հազար լայնքով կալուած մը պիտի ունենան, **նաեւ՝** քսան մթերանոց:

6 «Նաեւ հինգ հազար լայնքով եւ քսանհինգ հազար երկայնքով քաղաքի կալուած՝ մը ՚յատկացուցէք՝ սրբացուած **բաժինին** – բարձրացնելիք ընծային – ՚քով. ասիկա ամբողջ Իսրայէլի տան համար պիտի ըլլայ»:

ԻՇԽԱՆԻՆ ԲԱԺԻՆԸ

7 «Իշխանի՛ն ալ **բաժին մը յատկացուցէք՝** սրբացուած **բաժինին** – բարձրացնելիք ընծային – ու քաղաքի կալուածին մէկ կողմը եւ միւս կողմը, սրբացուած **բաժինին** – բարձրացնելիք ընծային – դիմաց ու քաղաքի կալուածին դիմաց, արեւմտեան կողմէն՝ դէպի արեւմուտք, եւ արեւելեան կողմէն՝ դէպի արեւելք. երկայնքը **միւս** բաժիններէն մէկուն հետ՝ հաւասար պիտի ըլլայ՝ արեւմտեան սահմանէն մինչեւ արեւելեան սահմանը:

8 Երկրէն **ասիկա** անոր կալուած պիտի ըլլայ Իսրայէլի մէջ. իմ իշխաններս անգամ մըն ալ իմ ժողովուրդս պիտի չկեղեքեն, ու **մնացած** երկիրը Իսրայէլի տան պիտի տան՝ իրենց տոհմերուն համեմատ»:

ԿԱՆՈՆՆԵՐ ԻՇԽԱՆԻՆ շԱՄԱՐ

9 Տէրը՝ Եհովան սա՛կը յայտարարէ. «Ա՛լ բաւական է ձեզի, ո՛վ Իսրայէլի իշխաններ: Բռնութիւնն ու զրկանքը հեռացուցէ՛ք, եւ իրաւունք ու արդարութի՛ն կիրարկեցէք: Իմ ժողովուրդէս վերցուցէ՛ք ձեր հարկադրանքները, – կը պատգամէ Տէրը՝ Եհովան:– **10** Ձեր կշիռքները ճիշդ ըլլան, ձեր արդուն՝ ճիշդ, եւ ձեր մարը՝ ճիշդ: **11** Արդուն ու մարը մէկ չափ ըլլալու են, որպէսզի մարը քոռին մէկ տասներորդը պարունակէ, եւ արդուն ալ քոռին մէկ տասներորդը. քոռին համեմատ պիտի ըլլայ անոնց չափը: **12** Սիկըը քսան կերատ պիտի ըլլայ. ձեր մնասը քսան սիկը, **առաւել** քսանհինգ սիկը, **առաւել** տասնհինգ սիկը պիտի

^ա Եբր.՝ շրջակայ բոլոր սահմաններուն մէջ

^բ Եբր.՝ ըլլայ

^գ Կամ՝ չափին համեմատ

^դ Եբր.՝ Տան

^ե Եբր.՝ տուէք

^զ Այսինքն՝ զուգահեռաբար

^է Եբր.՝ դիմաց

ըլլայ:

13 «Ահա՛ւասիկ ձեր մատուցանելիք բարձրացնելիք ընծան.– ցորենի քոռէն՝ արդուին մէկ վեցերորդը, ու գարիի քոռէն՝ արդուին մէկ վեցերորդը: 14 Ահա՛ւասիկ իւղին կանոնը.– իւղի մարէն՝ մարին մէկ տասներորդը ամէն քոռէն, այսինքն՝ ամէն խոմէրէն, որ տասը մար կը պարունակէ, որովհետեւ տասը մարը մէկ խոմէր է: 15 Իսրայէլի ջրաբի արօտներուն հօտերէն՝ երկու հարիւրէն մէկ ոչխար: Ասոնք պիտի մատուցանեն իբր հացի ընծայ, ողջակէզ եւ խաղաղութեան զոհ, որպէսզի իրենց համար քաւութիւն ըլլայ,– կը պատգամէ Տէրը՝ Եհովան:– 16 Երկրին ամբողջ ժողովուրդը այս բարձրացնելիք ընծան Իսրայէլի մէջ իշխան եղողին տալու պարտաւոր պիտի ըլլայ: 17 Տօներուն, ^բամսագլուխներուն ու Շաբաթներուն մէջ, Իսրայէլի տան բոլոր հանդիսութիւններուն մէջ՝ իշխանը պիտի հայթայթէ ողջակէզները, հացի ընծան եւ թափելիք նուէրները: Ի՛նք պիտի ընծայէ մեղքի պատարագը, հացի ընծան, ողջակէզն ու խաղաղութեան զոհը Իսրայէլի տան քաւութիւն ընելու համար»:

ՏՕՆԵՐԸ

(Ելք. 12. 1-20: Ղեւ. 23. 33-43)

18 Տէրը՝ Եհովան սա՛ կը յայտարարէ. «Առաջին ամսուան առաջին օրը՝ արջառներէն անարա՛տ զուարակ մը առ եւ մեղքէ՛ մաքրէ սրբարանը: 19 Զահանան մեղքի պատարագին արիւնէն պիտի առնէ ու քսէ տան դրանդիներուն վրայ, զոհասեղանին շրջանակին չորս անկիւններուն վրայ, եւ ներքին գաւիթին դրան դրանդիներուն վրայ: 20 Ամսուան եօթներորդ օրն ալ ա՛յդպէս ըրէ սխալած մարդուն կամ միամիտին համար, որպէսզի տան համար քաւութիւն ընէք»:

21 Առաջին ամսուան տասնչորրորդ օրը ձեզի Զատիկ պիտի ըլլայ. եօթը օր տօն պիտի կատարուի եւ բաղարջ ուտուի: 22 Այդ օրը իշխանը իրեն համար ու երկրին ամբողջ ժողովուրդին համար զուարակ մը պիտի ընծայէ իբր մեղքի պատարագ: 23 Տօնին եօթը օրերը Տէրոջ ողջակէզ պիտի ընծայէ.– եօթը զուարակ ու եօթը անարատ խոյ ամէն օր, այդ եօթը օրերը. իսկ այծերէն մէկ նոխազ՝ ամէն օր, իբր մեղքի պատարագ: 24 Իւրաքանչիւր զուարակի համար մէկ արդու պիտի ընծայէ, իւրաքանչիւր խոյի համար՝ մէկ արդու հացի ընծայ, եւ իւրաքանչիւր արդուի համար՝ մէկ հիմէն իւղ: 25 Եօթներորդ ամսուան տասնհինգերորդ օրը, տօնին ատենը՝ նոյնպէս պիտի ընծայէ եօթը օր այս մեղքի պատարագին, ողջակէզին, հացի ընծային ու իւղին նման:

ԻՇԽԱՆԸ ԵՒ ՏՕՆԵՐԸ

46

Տէրը՝ Եհովան սա՛ կը յայտարարէ «Ներքին գաւիթին դէպի արեւելք նայող դուռը գործի վեց օրերը գոց պիտի ըլլայ. իսկ Շաբաթ օրը պիտի բացուի, նաեւ ամսագլուխին օրը պիտի բացուի: 2 Իշխանը արտաքին դրան ներքնագաւիթին ճամբայէն պիտի մտնէ, եւ դրան դրանդիներուն քով պիտի կայնի. քահանաները անոր ողջակէզն ու խաղաղութեան զոհերը պիտի ընծայեն, եւ ան դրան սեմին վրայ պիտի երկրպագէ, ու դուրս ելլէ. այդ դուռը մինչեւ իրիկուն պիտի չգոցուի: 3 Երկրին ժողովուրդը Տէրոջ առջեւ այս դրան մուտքին մէջ պիտի երկրպագէ Շաբաթ օրերը եւ ամսագլուխները:

4 «Իշխանին Շաբաթ օրը Տէրոջ մատուցանելիք ողջակէզը՝ վեց անարատ գառ ու մէկ

^բ Եբր.՝ նոր լուսիններուն

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

անարատ խոյ պիտի ըլլայ: **5** Խոյին համար՝ **հացի** ընծան մէկ արդու պիտի ըլլայ. գառներուն համար՝ իր ձեռքին պարգեւին չափ **պիտի տայ իբր հացի** ընծայ, եւ մէկ արդուի համար՝ մէկ հիմէն իւղ: **6** Իսկ ամսագլուխին օրը՝ արջառներէն անարատ զուարակ մը, վեց գառ ու մէկ խոյ **պիտի մատուցանէ**. անոնք անարատ պիտի ըլլան: **7** Զուարակին համար մէկ արդու պիտի մատուցանէ **իբր հացի** ընծայ, խոյին համար՝ մէկ արդու, իսկ գառներուն համար՝ իր ձեռքին հասնելու **կարողութեան** համեմատ, եւ մէկ արդուի համար՝ մէկ հիմէն իւղ:

8 «Երբ իշխանը գայ՝ դրան ներքնագաւիթին ճամբայէն թող մտնէ, ու նոյն ճամբայէն ելլէ: **9** Իսկ երբ երկրին ժողովուրդը Տէրոջ առջեւ գայ՝ հանդիսաւոր տօներուն, երկրպագելու համար հիւսիսային դրան ճամբայէն մտնողը՝ հարաւային դրան ճամբայէն թող ելլէ, եւ հարաւային դրան ճամբայէն մտնողը հիւսիսային դրան ճամբայէն թող ելլէ. թող չվերադառնայ մտած դրան ճամբայէն, հապա անոր դիմացի **դռնէն** ելլէ: **10** Իշխանը անոնց մտած ատենը անոնց հետ թող մտնէ, եւ անոնց ելած ատենը **անոնց հետ** ելլէ:

11 «Տօներուն եւ հանդիսութիւններուն մէջ՝ **հացի** ընծան զուարակին համար մէկ արդու պիտի ըլլայ, խոյին համար՝ մէկ արդու, իսկ գառներուն համար՝ ձեռքին պարգեւին չափ. նաեւ մէկ արդուի համար՝ մէկ հիմէն իւղ **պիտի տայ**: **12** Եթէ իշխանը յօժարակամ ողջակէզ մը կամ յօժարակամ խաղաղութեան **զոհ** մը ընծայէ Տէրոջ, դէպի արեւելք նայող դուռը թող բանան անոր. ան իր ողջակէզն ու խաղաղութեան **զոհը** թող ընծայէ՝ **ինչպէս Շաբաթ օրը կ'ընէ, ապա դուրս ելլէ. անոր ելլելէն ետք դուռը թող գոցեն**»:

ԱՄԷՆՕՐԵԱՅ ՈՂՋԱԿԷԶ

13 «Ամէն օր մէկ տարեկան անարատ գառ մը ընծայէ Տէրոջ՝ **իբր** ողջակէզ. գայն ամէն առտու ընծայէ: **14** Անոր հետ՝ ամէն առտու արդուին մէկ վեցերորդը մատուցանէ **իբր հացի** ընծայ, եւ մէկ երրորդ հիմէն իւղ՝ նաշիհը՝ շաղելու համար. **ասիկա** յաւիտեանական կանոնով Տէրոջ մշտատեւ **հացի** ընծայ **պիտի ըլլայ**: **15** Գառը, **հացի** ընծան ու իւղը ամէն առտու թող ընծայեն՝ **իբր** մշտատեւ ողջակէզ»:

ԻՇԽԱՆԸ ԵՒ ԿԱՆՈՒԱԾԸ

16 Տէրը՝ Եհովան սա՛ կը յայտարարէ. «Երբ իշխանը իր որդիներէն մէկուն պարգեւ տայ, ^բատիկա իր որդիին ժառանգութիւնը՝ պիտի ըլլայ. ատիկա անոնց ժառանգական կալուածը պիտի ըլլայ: **17** Իսկ եթէ իր ժառանգութենէն իր ծառաներէն մէկուն պարգեւ տայ, ատիկա անոր պիտի պատկանի մինչեւ ազատագրութեան տարին. յետոյ իշխանին պիտի վերադառնայ, որովհետեւ ^գիշխանին ժառանգութիւնը միայն իր որդիներուն պիտի ըլլայ: **18** Իշխանը ժողովուրդին ժառանգութենէն ոչինչ պիտի առնէ, զանոնք իրենց կալուածէն ^դզրկելով: Ան իր **սեփական** կալուածէն ժառանգութիւն թող տայ իր որդիներուն, որպէսզի իմ ժողովուրդէս ո՛չ մէկը իր կալուածէն ^եհեռանայ»:

^ա Եբր.՝ թրջելու

^բ Եբր.՝ ատոր ժառանգութիւնը իր որդիներուն

^գ Այսինքն՝ իշխանին

^դ Եբր.՝ կեղեքելով

^ե Եբր.՝ ցրուի

ՏԱՃԱՐԻՆ ԽՈՂԱՆՈՅՆԵՐԸ

19 Ապա զիս դրան քով եղող մուտքէն տարաւ քահանաներուն դէպի հիւսիս նայող սուրբ սենեակները, եւ ահա՛ հոն տեղ մը կար, ետեւի կողմը՝ դէպի արեւմուտք: 20 Ինծի ըսաւ. «Ասիկա այն տեղն է, ուր քահանաները յանցանքի պատարագին ու մեղքի պատարագին միսը պիտի խաշեն եւ հոն հացի ընծան պիտի եփեն, որ արտաքին գաւիթը չհանեն ու ժողովուրդը չարբացնեն»: 21 Յետոյ զիս դուրս հանեց՝ արտաքին գաւիթը, գաւիթին չորս անկիւններէն անցուց, եւ ահա՛ գաւիթին իւրաքանչիւր անկիւնը բակ մը կար: 22 Գաւիթին չորս անկիւններուն մէջ՝ քառասուն կանգուն երկայնքով ու երեսուն լայնքով փակ բակեր կային. չորս անկիւններուն բակերը միեւնոյն չափը ունէին: 23 Անոնց չորսին շուրջը՝ զիրենք շրջապատող փայտ մը կար, եւ այդ պատին տակ՝ բոլորածեւ շարուած եփարաններ շինուած էին: 24 Ինծի ըսաւ. «Ասոնք խոհանոցներն են, ուր տաճարին պաշտօնը կատարողները ժողովուրդին զոհը պիտի եփեն»:

ՏԱՃԱՐԷՆ ՀՈՍՈՂ ԶՈՒՐԵՐԸ

47

Յետոյ զիս տաճարին մուտքը վերադարձուց, եւ ահա՛ տաճարին սեմին տակէն ջուրեր դուրս կ'ելլէին դէպի արեւելք, քանի որ տաճարին ճակատը դէպի արեւելք ուղղուած էր. ջուրերը տաճարին աջ թեւին տակէն՝ զոհասեղանին հարաւային կողմէն կ'իջնէին: 2 Զիս հիւսիսային դրան ճամբայէն դուրս հանեց, ու դուրսի ճամբայէն դառնալ տուաւ դէպի արտաքին դուռը՝ արեւելք նայող ճամբայէն. եւ ահա՛ ջուրեր կը հոսէին աջ թեւէն:

3 Այն մարդը՝ որ իր ձեռքը լար ունէր, դուրս ելաւ՝ դէպի արեւելք, ու հազար կանգուն չափեց, եւ զիս ջուրերէն անցուց. ջուրերը մինչեւ ոտքերուս կոճերը կը հասնէին: 4 Հազար կանգուն եւս չափեց, ու զիս ջուրերէն անցուց. ջուրերը մինչեւ ծունկերս կը հասնէին: 5 Հազար կանգուն եւս չափեց եւ զիս ջուրերէն անցուց. ջուրերը մինչեւ մէջքս կը հասնէին: 6 Դարձեալ հազար կանգուն չափեց, բայց այնպիսի գետ մը եղած էր՝ որ չէի կրնար անցնիլ, որովհետեւ ջուրերը յորդեր էին. պէտք էր որ լողայի ջուրերուն մէջ, անանցանելի գետ եղած էին:

7 Այն ատեն ինծի ըսաւ. «Տեսա՞ր, մարդո՛ւ որդի». ապա զիս տարաւ ու գետին եզերքը վերադարձուց: 8 Երբ վերադարձայ, ահա՛ գետին եզերքը յոյժ շատ ծառեր կային, մէկ կողմը եւ միւս կողմը: 9 Ինծի ըսաւ. «Այս ջուրերը դուրս կ'ելլեն դէպի արեւելեան շրջանը, անապատը կ'իջնեն ու Դծովը կը հասնին, եւ Ծովուն ջուրերուն խառնուելով գանոնք՝ կը

¹ Կամ՝ փոքր
² Երբ.՝ քարերու կարգ
³ Երբ.՝ տան
⁴ Երբ.՝ ուսին
⁵ Երբ.՝ վտակ
⁶ Այսինքն՝ Մեռեալ ծովը
⁷ Երբ.՝ ծովը դուրս ելլելով՝ անոր ջուրերը

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

բուժեն: **9** «Գետը ուր որ հասնի՝ բոլոր շնչաւոր կենդանիներն ու զեռունները պիտի ապրին. ձուկերը չափազանց առատ պիտի ըլլան, որովհետեւ այս ջուրերը հոն պիտի հասնին, եւ «ծովուն ջուրերը» պիտի բուժուին. ո՛ւր որ գետը հասնի՝ ամէն ինչ պիտի ապրի: **10** Անոր **ափերուն** վրայ ձկնորսներ պիտի կայնին՝ Ենգադդիէն մինչեւ Ենգալայիմ. **հոն** ուռկաններ փռելու **տեղ** պիտի ըլլայ: Անոնց ձուկերը Քազմատեսակ պիտի ըլլան, Քմեծ ծովուն ձուկերուն պէս՝ չափազանց շատ: **11** Բայց անոր ժախճախտուտներն ու ճահիճները պիտի չբուժուին. անոնք աղ **ունենալու** պիտի ՚յատկացուին: **12** Գետին քով, անոր եզերքը, մէկ կողմը եւ միւս կողմը՝ ամէն **տեսակ** ՚պտղատու ծառեր պիտի աճին, որոնց տերեւը պիտի չթառամի ու պտուղը չհատնի: Ամէն ամիս **սնոր պտուղ**՝ պիտի տան, որովհետեւ անոր ջուրերը սրբարանէն կ'ելլեն. անոնց պտուղը ուտելիքի համար պիտի ըլլայ, ու տերեւը՝ դարմանումի»:

ԵՐԿՐԻՆ ՍԱՀՄԱՆՆԵՐԸ

13 Տէրը՝ Եհովան սա՛ կը յայտարարէ. «Ահա՛ւասիկ սահմանները այն երկրին, որ իբր ժառանգութիւն պիտի **բաժնէք**՝ Իսրայէլի տասներկու տոհմերուն համեմատ: (Յովսէփ **երկու** բաժին **պիտի** ունենայ:) **14** Զայն «բոլորդ ալ» պիտի ժառանգէք. անոր **համար** ՚իմ ձեռքս բարձրացուցի՝ որ զայն ձեր հայրերուն տամ. ա՛յս երկիրը ձեզի պիտի վիճակուի իբր ժառանգութիւն: **15** Ահա՛ւասիկ երկրին սահմանները.— հիւսիսային կողմը՝ մեծ ծովէն Եթլոնի ճամբան – որ Սեդադ կ'երթայ –, Եմաթ, **16** Բերթա, Սեբրայիմ – որ Դամասկոսի հողամասին ու Եմաթի հողամասին միջեւ է –, **մինչեւ** Աւրանի հողամասին քով եղող Ասեր-Աթթիքոնը: **17** Այսպէս՝ **երկրին** սահմանը ՚կ'երկարի ծովէն մինչեւ Ասար-Ենան, Դամասկոսի հողամասը, եւ հիւսիսային կողմը՝ դէպի հիւսիս՝ Եմաթի հողամասը. **ասիկա** հիւսիսային կողմն է: **18** Արեւելեան կողմը՝ Աւրանի, Դամասկոսի, Գադաադի եւ Իսրայէլի երկրին միջեւ պիտի չափէք. Յորդանանը **պիտի ըլլայ** սահմանը՝ մինչեւ արեւելեան ծովը. **ասիկա** արեւելեան կողմն է: **19** Դէպի հարաւ՝ հարաւային կողմը կ'երկարի Թամարէն

⁹ **Կամ**՝ Երկու գետերը

^է **Եբր.**՝ անոնք

^ը **Եբր.**՝ իրենց տեսակին համեմատ

^թ **Այսինքն**՝ Միջերկրական

^ժ **Եբր.**՝ տիղմերն

^ի **Եբր.**՝ տրուին

^լ **Եբր.**՝ ուտելիքի

^կ **Եբր.**՝ երախայրիք

^ծ **Եբր.**՝ մէկը իր եղբօր պէս

^դ **Այսինքն**՝ երդում ըրի

^հ **Եբր.**՝ պիտի ըլլայ

մինչև վիճաբանութեան ջուրերը՝ Կադէսի մէջ, ու կը հասնի մինչև մեծ ծովը թափուող վտակը. **ասիկա** հարաւային կողմն է՝ դէպի հարաւ: **20** Արեւմտեան կողմը մեծ ծովը պիտի ըլլայ, **հարաւային** սահմանէն մինչև Եմաթի մուտքին դիմաց. **ասիկա** արեւմտեան կողմն է:

21 «Այս երկիրը ձեր մէջ պիտի բաժնէք՝ Իսրայէլի տոհմերուն համեմատ: **22** Ձայն վիճակով պիտի բաժնէք իբր ժառանգութիւն՝ թէ՛ ձեզի, թէ՛ ալ ձեր մէջ պանդխտացած գաղթականներուն համար, որոնք ձեր մէջ որդիներ պիտի ծնանին: Անոնք ձեզի բնիկներու պէս պիտի ըլլան Իսրայէլի որդիներուն մէջ. **անոնք** ձեզի հետ ժառանգութիւն պիտի առնեն Իսրայէլի տոհմերուն մէջ: **23** Այն տոհմին մէջ ուր գաղթականը պանդխտացած է, հոն **անոր** պիտի տաք իր ժառանգութիւնը», կը պատգամէ Տէրը՝ Եհովան:

ԵՐԿՐԻՆ ԲԱԺԱՆՈՒՄԸ ՏՈՂՄԵՐՈՒՆ ՄԻՋԵՒ

48

«Ահա՛ւասիկ տոհմերուն անունները.— հիւսիսի ծայրէն՝ Եթլոնի ճամբային քովէն դէպի Եմաթ երթալով՝ **մինչև** Ասար-Ենան, Դամասկոսի հողամասը դէպի հիւսիս ըլլալով՝ Եմաթի քով, արեւելեան կողմէն մինչև արեւմուտք, մէկ **բաժին**՝ Դանի. **2** Դանի սահմանին քով, արեւելեան կողմէն մինչև արեւմտեան կողմը, մէկ **բաժին**՝ Ասերի. **3** Ասերի սահմանին քով, արեւելեան կողմէն մինչև արեւմտեան կողմը, մէկ **բաժին**՝ Նեփթաղիմի. **4** Նեփթաղիմի սահմանին քով, արեւելեան կողմէն մինչև արեւմտեան կողմը, մէկ **բաժին**՝ Մանասէի. **5** Մանասէի սահմանին քով, արեւելեան կողմէն մինչև արեւմտեան կողմը, մէկ **բաժին**՝ Եփրեմի. **6** Եփրեմի սահմանին քով, արեւելեան կողմէն մինչև արեւմտեան կողմը, մէկ **բաժին**՝ Ռուբէնի. **7** Ռուբէնի սահմանին քով, արեւելեան կողմէն մինչև արեւմտեան կողմը, մէկ **բաժին**՝ Յուդայի:

8 «Յուդայի սահմանին քով, արեւելեան կողմէն մինչև արեւմտեան կողմը պիտի ըլլայ այն բարձրացնելիք ընծան՝ որ պիտի մատուցանէք. **ան** քսանհինգ հազար **եղէգ** լայնք **պիտի ունենայ**, եւ **միւս** բաժիններէն մէկուն չափ երկայնք, արեւելեան կողմէն մինչև արեւմտեան կողմը. սրբարանը **անոր** մէջտեղը պիտի ըլլայ: **9** Այն բարձրացնելիք ընծան՝ որ Տէրոջ պիտի մատուցանէք, քսանհինգ հազար **եղէգ** երկայն ու տասը հազար **եղէգ** լայն պիտի ըլլայ: **10** Այս սրբացուած բարձրացնելիք ընծան ասոնց պիտի ըլլայ, **այսինքն**՝ քահանաներուն. հիւսիսէն՝ **երկայնքը** քսանհինգ հազար **եղէգ**, արեւմուտքէն՝ լայնքը տասը հազար, արեւելքէն՝ լայնքը տասը հազար, հարաւէն՝ երկայնքը քսանհինգ հազար. Տէրոջ սրբարանը **անոր** մէջտեղը պիտի ըլլայ: **11** Այս **բաժինը** Սաղովկի որդիներէն սրբացած քահանաներուն պիտի ըլլայ, որ իմ պաշտօնս կատարեցին. երբ Իսրայէլի որդիները մոլորեցան, **անոնք** չմոլորեցան, ինչպէս Ղեւտացիները մոլորեցան: **12** Երկրին բարձրացնելիք ընծայէն՝ այս բարձրացնելիք ընծան **անոնց** համար ամենասուրբ պիտի ըլլայ՝ Ղեւտացիներու հողամասին քով:

13 Քահանաներուն հողամասին քով՝ Ղեւտացիներուն **բաժինը** քսանհինգ հազար **եղէգ** երկայնք ու տասը հազար լայնք պիտի ունենայ. ամբողջ երկայնքը քսանհինգ հազար պիտի ըլլայ, եւ լայնքը՝ տասը հազար: **14** Անկէ պիտի չծախեն, ո՛չ ալ փոխանակեն. երկրին ^աերախայրիքը **ուրիշի** պիտի չփոխանցեն, որովհետեւ **ան** Տէրոջ ^բվերապահուած է:

15 «Քսանհինգ հազարին քով լայնքէն մնացած հինգ հազարը **անսուրբ տեղ** պիտի ըլլայ՝ քաղաքին համար, բնակութեան համար եւ արուարձաններուն համար. քաղաքը

^ա Եբր.՝ առաջինները

^բ Եբր.՝ սրբացուած

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

անոր մէջտեղը պիտի ըլլայ: **16** Ահա՛ւասիկ անոր չափերը.— հիւսիսային կողմը՝ չորս հազար հինգ հարիւր **եղէֆ**, հարաւային կողմը՝ չորս հազար հինգ հարիւր, արեւելեան կողմը՝ չորս հազար հինգ հարիւր, եւ արեւմտեան կողմը՝ չորս հազար հինգ հարիւր: **17** Զաղաքին արուարձանին **չափը** դէպի հիւսիս՝ երկու հարիւր յիսուն **եղէֆ** պիտի ըլլայ, դէպի հարաւ՝ երկու հարիւր յիսուն, դէպի արեւելք՝ երկու հարիւր յիսուն, ու դէպի արեւմուտք՝ երկու հարիւր յիսուն: **18** Սրբացուած բարձրացնելիք ընծային քով՝ երկայնքէն մնացածը դէպի արեւելք տասը հազար **եղէֆ** է, ու դէպի արեւմուտք՝ տասը հազար. ան սրբացուած բարձրացնելիք ընծային քով է, եւ անոր բերքը քաղաքին ծառայողներուն՝ Կերակուր պիտի ըլլայ: **19** Զայն պիտի մշակեն Իսրայէլի բոլոր տոհմերէն **եկած** քաղաքին ծառայողները:

20 «Ամբողջ բարձրացնելիք ընծան քսանհինգ հազարով քսանհինգ հազար պիտի ըլլայ. սրբացուած բարձրացնելիք ընծան – քառակուսի մը – պիտի մատուցանէք քաղաքին կալուածին հետ:

21 «Մնացածը իշխանին պիտի ըլլայ, սրբացուած բարձրացնելիք ընծային ու քաղաքին կալուածին մէկ կողմը եւ միւս կողմը. բարձրացնելիք ընծային քսանհինգ հազարին դիմաց՝ մինչեւ արեւելեան սահմանը, ու դէպի արեւմուտք քսանհինգ հազարին դիմաց՝ մինչեւ արեւմտեան սահմանը, **տոհմերուն** բաժիններուն քով՝ իշխանին պիտի ըլլայ: Ասիկա պիտի ըլլայ սրբացուած բարձրացնելիք ընծան, ու Դաւիթին սրբարանը անոր մէջտեղը պիտի ըլլայ: **22** Իշխանին **բաժինին** մէջտեղը եղող Ղեւտացիներուն կալուածէն **ու** քաղաքին կալուածէն **դուրս**՝ Յուդայի սահմանին ու Բենիամինի սահմանին միջեւ **ինչ որ կայ**՝ իշխանին պիտի ըլլայ»:

ՈՒՐԻՇ ՏՈՂՄԵՐՈՒ ԿԱԼՈՒԱԾՆԵՐԸ

23 «Մնացած տոհմերուն **անունները**.— արեւելեան կողմէն մինչեւ արեւմտեան կողմը, մէկ **բաժին**՝ Բենիամինի. **24** Բենիամինի սահմանին քով, արեւելեան կողմէն մինչեւ արեւմտեան կողմը, մէկ **բաժին**՝ Շմաւոնի. **25** Շմաւոնի սահմանին քով, արեւելեան կողմէն մինչեւ արեւմտեան կողմը, մէկ **բաժին**՝ Իսաքարի. **26** Իսաքարի սահմանին քով, արեւելեան կողմէն մինչեւ արեւմտեան կողմը, մէկ **բաժին**՝ Զաբուղոնի. **27** Զաբուղոնի սահմանին քով, արեւելեան կողմէն մինչեւ արեւմտեան կողմը, մէկ **բաժին**՝ Գադի. **28** Գադի սահմանին քով, հարաւային կողմը՝ դէպի հարաւ **երկրին** սահմանը՝ Կերկարի Թամարէն **մինչեւ** Վիճաբանութեան ջուրերը՝ Կադէսի մէջ, **ու կը հասնի մինչեւ** մեծ ծովը **թափուող** վտակը: **29** Ա՛յս է այն երկիրը, որ Իսրայէլի տոհմերուն վիճակով պիտի բաժնէք իբր ժառանգութիւն. ասո՛նք են անոնց բաժինները», կը պատգամէ Տէրը՝ Եհովան:

ԵՐՈՒՍԱՂԷՄԻ ԴՈՆԵՐԸ

30 «Ահա՛ւասիկ քաղաքին ելքերը.— հիւսիսային կողմին չափը չորս հազար հինգ հարիւր **եղէֆ** ըլլալով, **31** (քաղաքին դռները Իսրայէլի տոհմերուն անուններուն համեմատ պիտի ըլլան,) երեք դուռ **պիտի ունենայ** դէպի հիւսիս. մէկ դուռ՝ Ռուբէնի, մէկ դուռ՝ Յուդայի, **ու** մէկ դուռ՝ Ղեւիի **անունով**: **32** Արեւելեան կողմը չորս հազար հինգ հարիւր

⁴ Եբբ.՝ հաց

⁷ Եբբ.՝ տան

⁸ Եբբ.՝ պիտի ըլլայ

ԵԶԵԿԻԷԼԻ ՄԱՐԳԱՐԷՈՒԹԻՒՆԸ

Եղէգ ըլլալով՝ երեք դուռ պիտի ունենայ.— մէկ դուռ՝ Յովսէփի, մէկ դուռ՝ Բենիամինի, ու մէկ դուռ՝ Դանի **անունով: 33** Հարաւային կողմին չափը չորս հազար հինգ հարիւր **եղէգ ըլլալով**, երեք դուռ **պիտի ունենայ.**— մէկ դուռ՝ Ծմաւոնի, մէկ դուռ՝ Իսաքարի, ու մէկ դուռ՝ Զաբուղոնի **անունով: 34** Արեւմտեան կողմն **ալ** չորս հազար հինգ հարիւր **եղէգ ըլլալով՝** երեք դուռ **պիտի ունենայ.**— մէկ դուռ՝ Գադի, մէկ դուռ՝ Ասերի, ու մէկ դուռ՝ Նեփթաղիմի **անունով: 35** Ծրջագիծը տասնութ հազար **եղէգ է**, եւ **այդ** օրէն քաղաքին անունը՝ **Եհովա-Շամա պիտի ըլլայ»:**